

16  
123

Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.123/a








Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.123/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.123/a






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.123/a

281

THEOTOCODIA  
SIVE PARTHENODIA  
OPVS EXIMIVM

*In laudem Deiparae Virginis.*

Auctore T. Prospero Martinengio Bri-  
xiano, Monacho Casinate.



---

PERMISSV SVPERIORVM.

---

ROMAE Apud Franciscum Zannettum.  
M. D. LXXXIII.



282


THEOTOCODIA

SIVE PARTHENODIA

OPVS EXIMIVM

In laudem Dignissimae Virginitatis

Auctore T. Prospero Martinengio Brixiano, Monacho Cassinense.



PERMISSA SUPERIORVM

ROMAE Apud Franciscum Zanichellum  
M. D. LXXXIII.



283

CATALOGVS CELEBRIORVM NO-  
minum Deiparae Virginis in hoc opere  
declaratorum.



**D**E Esther Regina, Reginae caeli figura, cu-  
ius historia exponitur, & Virgini ap-  
plicatur.

De Iudith vidua triumphali, Holofernis  
victrice, eiusdem invictissimae Virgi-  
nis figura.

De terra, & eius proprietatibus, quae Virgini attribuuntur.  
De caelo, ubi agitur etiā de virga Moysi, et columna nubis.  
De Sole, & eius miris proprietatib. q̄ Virgini adscribuntur.  
De Luna perfecta, & ipsius qualitatibus, quae eidem Vir-  
ni aptissime applicantur.

De aurora, ubi agitur etiam de nocte, & die, multisque a-  
lijs scitu dignissimis.

De luce, ubi ostenditur quomodo lux illa primaria, quā in  
mundi exordio iussit Deus exoriri, referebat Virgine.

De stella maris, seu nautica, ubi agitur de arca Noe, & de  
Aquilone, & Austro.

De Lucifero, siue stella matutina, quae etiam Diana, &  
Venus à philosophis dicitur, & poetis.

De stella Magorum ubi itidem agitur de rubo Moysi, de  
virga Aaronis, de vellere Gedeonis, & alijs mirabilib.

De niue, & miris eius proprietatibus, & cur celebretur  
miraculum Virginis ad Nives.

De Paradiso terrestri & horto cōcluso, ubi quoque agitur  
de flumine quadrifido, & arboribus vitae, & scientiae.

De palma, ubi agitur quomodo migraverit Virgo à corpo-  
re, & quomodo in caelum tertia die conscenderit.

Item de Margarita pretiosa, quam caelestis mercator  
omnibus rebus venditis sibi comparavit.

De arbore pulcherrima, seu citro, ubi simul declaratur  
quid significet festum apud Iudaeos olim mense septimo

A 2 septem



*septem diebus sollemniter celebratum. Item de arbore,*  
*quam Rex Persarum vidit apud Danielelem.*  
*De cedro exaltata in Libano.*  
*De oliua speciosa in campis.*  
*De cupresso in monte Syon.*  
*De nardo suauiter spirante.*  
*De myrra electa.*  
*De platano iuxta aquas in plateis exaltata.*  
*De Rosa, vbi memorantur causae, quibus Regina caeli nor-*  
*tuetur, ac protegit.*  
*De lilio, vbi quaedam declarantur obscura ex cantico can-*  
*ticorum.*  
*De vite fructificante suauitatem odoris, & eiusdem vitis*  
*floribus, vbi etiam agitur de virga Aaronis, quae re-*  
*pente reuirit, floruit, & amygdalas protulit.*  
*De columba, vbi etiam pulchra quaedam referuntur de*  
*illa columba, quae ramum oliuae detulit in arcam.*  
*De aquila auium Regina, vbi similiter agitur de ametby-*  
*sto & gazate lapidibus pretiosis.*  
*De ape, vbi etiam ostenditur, cur Zosimus summus Pon-*  
*tifex instituit caereum accendi tempore paschali.*  
*De domo Domini, vbi agitur de scala, quam Patriarcha*  
*Iacob vidit insomnis ad caelum pertinentem.*  
*De sanctuario, seu tabernaculo, quod instruxit Moyses.*  
*Item de Arca foederis.*  
*De tēplo Domini mirifice descripto, & Virgini adplicato.*  
*De Solio, siue throno Salomonis, cuius structura mirabilis*  
*explicatur, & Virgini adplicatur.*  
*De ferculo Salomonis, vbi declaratur quid sit lectulus Sa-*  
*lomonis, & qui nam erant heroes, qui custodiebant illū.*  
*De candelabro aureo, descripto à Zacharia propheta, vbi*  
*declaratur quid significant illae binae oliuae, quas idē*  
*propheta vidit iuxta illud stantes, addito mirifico*  
*Virginis encomio, quod Apostolorum princeps Petrus*  
*in eiusdem Virginis funere cecinisse perhibetur.*

*Ille*





Τὴν παροῦσαν σωτήξιν τῶ σωτῆρι  
 χεῖρας αἰατῆθσιν.

**Α**νάδημα τοῦτ' ἔμμελές,  
 ζαθέα σέθεν ματέρει  
 τόγ' ὕφηναι σῶτερ μέγα  
 μερόπων γένους ἀθλίων,  
 ἀνὰ σοὶ θέμις ποικίλον  
 θέλον, οὐ γὰρ εὖ ἔόν πιναι  
 πλέον ἄξιον δωρεᾶς  
 μελέων κλυτῷ ἡέρος  
 θεόπαυδος ὑψιθέου.  
 σὺ δὲ παρθένω κυδίμα  
 σεφάνωμα, καὶ κρήδεμνον,  
 ὅ,τ' ἔπλεξα δρέψας δίκαν  
 ἱερᾶς μελίσας ὕμνων  
 πέταλ' ἀδέων δαυγῇ,  
 θέσο σῆς ἀγναῖς χεῖρες  
 πρὸς κεκρήνηκαφόρου  
 χεῖρσιν ὑμῶας αἶαξ,  
 πολυνύμου δούτοκου.  
 μὲν πότμον ὡς πότνια  
 μεδέχοιτο πρὸς δώματα  
 μακάρον ἀκηδέων ποτὲ  
 τὸν αἰοιδὸν αὐτὰς κόρα,  
 αἰὶ οὐλύμπων δεσπότις,  
 ἵνα τὰν ἐν αἰῶνι τῶ δ'  
 ἀγάπησα, καὶ ἤνεσα  
 κελαδεῖν δυνάμαν μετὰ  
 ἀγίοισιν ἀθερίσμασιν,

Argu-



*Argumentum huius operis.*



**I**N hoc opere in laudem Mariae Dei Genitricis conscripto, quaedam praecipua nomina ipsius Virginis *μυριωνύμου συμ-βολικῶς* explicantur: quorum explicatio nes magna ex parte desumptae sunt ab innumeris propemodum priscis catholicis patribus, Ecclesiaeque; doctoribus, qui hanc diuinam puerperam summo studio, ac deuotione celebrarunt. Verum quia Esther Reginae, quae & Edissa vocabatur, nomen & acta ipsi Reginae caeli mirè congruunt, utpote quae ipsam veluti quaedam umbra suum corpus praecesserit; visa est potissimum digna, quae hoc opusculum auspicetur. Nam Esther, si interpretaris, abscondita sonat, & propterea hoc suo nomine ipsam augustissimam Dominam designat, & exprimit; quippe quae etiam ab Isaia propheta abscondita, siue abdita Virgo nominetur. Id etenim significat *העלמה*. Quatenus vero Esther populū suum ab imminente clade liberavit, & hoc praecipue facto Sospitae huius nostrae praestantissimae notabile quoddam praeludium praetulit, & figuram, nam & ipsa non quidem Persarum, Medorumque Regi, ut Esther, iugata, sed Regis caeli sponsa facta gentes perditas, ac planè conclamatas ab aeterno exitio vindicauit. Quod autem ad carmen attinet, id est trochaicum tetrametrum catalecticum, quale est. Da puer plectrum choreis, ut canam fidelibus, Dulce carmen, & melodum gesta Christi insignia, vel (ut ethnicis utar) Punico bello secundo Musa pennato gradu Intulit se in bellicosam Romuli gentem feram.



1181

297

s.  
riae Del Ge  
la praecipu  
m explicat  
ptae sunt  
stificis et  
hanc divi  
celebrant  
illa vocab  
congruunt  
suum co  
a, quae ho  
interpretis  
omine in  
primis; quip  
ita fuerunt  
Qua  
menti clade  
huius notu  
ludum pra  
m Perlaru  
d Regis  
e conclam  
item ad  
m catale  
s, ut cast  
Christi  
ecund  
omulge









THEOTOCODI  
DE . ESTHER REGINA,  
QVAE FVIT REGINAE CAELI.

MARIAE FIGVRA.



AE C Dei praeclara Mater Christianos  
sospitat,  
Sospitat suis fideles supplicationibus  
Facta magni sponsa Patris, sponsa summi  
principis.

Vnde Iuno incesta nomen non meretur  
sospitae,

Quod vetustas caeca quondam addebat olli perperam,  
Sed Maria Soticens, sospitatrixq; vnica est.

Nam prius quam parturiret aestuans incendio  
Fervidae deuotionis deprecabatur frequens

Pro redemptione magnum gentis humanae Deum.

Suntq; rerum qui sacrarum scriptitent interpretes,

Quando eam conuenit ardens repperisse Archangelus

Lectitantem rite psalmum quartum, & octogesimum.

Atq; vbi iam comperisset corporandum maxumi

Filium Patris profusis expetisse lacrimis,

Ne supersederet vltra, sed veniret protinus.

Sicq; pro cunctis puella feruida exaudirier

Pro sua fide meretur, quodque censebat fore

Alteri dandum, potitur ipsa munus dignior.

Namq; permagni aestimabat, si Genetricis Dei

Seruola infima esse posset: sed parentis inclytæ

Ipsa adepta est dignitatem, & nomen vna Sospitae.

Nec modo ante Regis ortum supplicabat principi

Caelitum pio, sed vsque nunc quoq; ardens supplicat,

Ne Dei nos perdat ira facta nostra ob impia.

B

Quod



Quod rei si exemplar huius vis habere idoneum,  
 Pulcræ Edissæ ne pigrescat paginas euoluere,  
 Ad suamq; veritatem imaginem transducere.  
 Haec erat, quam dico, Edissæ patre apella profata,  
 Dicta & Esther pusa pollens formæ inæstimabilis  
 Dote, & ore præter omneis liberali prædita.  
 Ergo tali formæ honore Virgo conspicabilis  
 Assueri delibuta Regis in cubiculum  
 Ducta alijs plus allubescit, plusq; amatur faeminis.  
 Nam priore contumaci repudiata coniuge,  
 Quam lubet forma eleganti, propter insolentiam,  
 Hanc sibi despondet omni præditam modestia.  
 Sicq; Regi electa coniux pluribus de milibus,  
 Regiam capit coronam regijs cum cultibus,  
 Particeps fit una regni, sitq; opum regalium.  
 Regijsq; amplum adparatur satrapis conuiuium  
 Nuptijs pro pulcræ Edissæ, proq; fausta copula.  
 Feriantur oppidani, feriantur rustici.  
 Rura iam nemo colebat, sæcla cessant bucera,  
 Rex iubet prouinciatim larga dona diuidi.  
 Sic suos tuendi Edissæ fit tribuleis copia.  
 Hi neci proscripti acerbae dandi erant crudeliter,  
 Sed prece eius immerentes liberantur supplici,  
 Cum suaq; insensus hostis factione plectitur.  
 Forte apud Regem potentem barbarus quidam insolens  
 Tum locum summum tenebat dictus Aman splendidum  
 Non sui uirtute nactus, sed dolis fastigium.  
 Hic honoris culmine auctus factus insolentior  
 Regem atrox necare tentat, atq; regnum inuadere,  
 Sed nequit per Mardocheum machinis patentibus.  
 Hic erat formosæ Edissæ parrus, puellulam  
 Qui sibi adsciuit relictam patre defuncto suo,  
 Atq; pro sua educarat filia carissima.  
 Sic latro furens in omnem stirpem Hebraeam hostiliter,  
 Hanc petit damnari iniquis callidus calumnijs,  
 Impe-



Impetratq; internecari regio psephismate.  
Quam quidem stragem cruentam Mardochoaeus sedulus  
Comperit, neptiq; curat indicandam protinus,  
Admonetq; Regem adire pro propage patria.  
Ergo ubi rescivit omnem, detegente patruo,  
Funeri cognationem destinatam flebili  
Per dolum furentis Aman perduellis pessumi,  
Patrij Dei inuocato praepotenti nomine,  
Magnum adit spectanda Regem sponsa uultu florido,  
Illiusq; extinguit iram, gratiamq; apiscitur.  
Nam throno descendit aureo Rex in occursum obuius  
Prodiens Reginae, & olli quod manu contingeret,  
Indicem regale sceptrum porrigit clementiae.  
Dic, ait, Regina quae nam nunc tua est petitio?  
Quid tibi uis? pande Regi: namque nostrum aequabili,  
Si petas, tecum lubenter sorte regnum diuidam.  
Illa ad haec, peto salutem Rex meam, & gentis meae,  
Quam malus proscripsit hostis, & neci addixit feræ  
Criminator noster Aman nostrum apud Regem optimum.  
Si tibi gratum quid egi, dulce si quid est meum,  
Litteras iube rescindi, fac eas quæso irritas,  
Quæ meam censent perire nationem funditus.  
Qui queam uidere caedem, qui pati gentilium  
Tot meorum stragē iniquam, praestat ipsam occubere,  
Quam superstitem manere crimini nefario.  
Ille vero dixit. Esther fide coniux Regia,  
Nil mali gustabis ipsa, nec tuorum quispiam,  
Cum suis sed asper Aman pascet in cruce alites.  
Haud enim delere tantum discupit gentem tuam,  
Verum & ipsum machinari perfidum in caput meum  
Comperi, uita uolentem, meq; regno euertere.  
Hocce dicto, extemplo uerbum fit ratum quod dixerat.  
Quoq; atrox uolebat Aman Mardochoeum adfigere,  
Is statim portas gabalo pendet ante Susias.  
Quin opum quodcumq; habebat cum domo aduorsarius



Tradidit formosae Edissae Rex ad unum filijs  
 In trabeis atras adactis, interemptisq; omnibus.  
 Sicq; nactus quod parabat alteri suspendium  
 Interit malignus Aman, sic apellae imoxij  
 Liberantur clade tristi cum favore maximo.  
 Inde lux noua exoriri visa, volgo proditur,  
 Proq; luctu informi, & atra mentium caligine  
 Gaudiumq; adfulsit alnum, laetaq; ore faustitas.  
 Quae ferè conlata reddunt cuncta sanctam Virginem.  
 Haec enim Regi iugatur non quidem ipsa Achaemeni,  
 Sed supremo intacta Patri, fitq; consors imperi,  
 Imperi terrae virentis, atq; stellantis poli,  
 Caeruliq; ponti, & vna turbulenti tartari,  
 Ceu decet sponsam beatam conditoris omnium.  
 Nec gregem uerpae popelli peste crudeli eripit,  
 Sed fideleis uniuersos orbis huius sospitat  
 Adsidens Deo precatrix pro salute gentium.  
 Numquam enim patrocinari desinit mortalibus,  
 Cum suis profana saecula iamdiu piaculis  
 Trusa in Orci stagna abissent, Diua ni intercederet.  
 Huc facit quod adcidisse Regis Esther proditur  
 Ad pedes, petisseq; Aman abrogari litteras,  
 Quae suos terras per omneis interire edicerent.  
 Sed quid est nece imminente quod pia genti Israel  
 Regia ingressae tetendit limina Esther supplicij  
 Persicus Rex, lenitatis ceu uadem, virgam auream  
 Nempe quod Maria in ipsa publica clade omnium,  
 Per fidem caelestem adiuit Patrem, & ille filium  
 Tradidit, placationis ceu suae fidum obsidem.  
 Tunc enim porrexit almae Virgini sceptrum aureum,  
 Mox ut ipsa Gabrieli dixit internuncio  
 En heri summi ministra, quod refers fiat mihi.  
 Quin potest per sceptrum & aliud rite porrectum accipi,  
 Nempe apex regalis ille, quem Deus sponsae suae  
 Detulit relatae in astra cum corusco corpore.

Iam



Iam cape, inquit, dignitatis Dina uirgam regiae.  
 Possideto caelum, & omne quod patens caelum obtegat.  
 Esto caelorum Imperatrix, atq; princeps gentium.  
 Adside Regina dextris a meis in gloria,  
 Sempiterna, dextra semper quae stetiisti in gratia,  
 Et mihi seruisti amictu culta uirtutum omnium.  
 Quod priori reprobata pulcrum Edissam coniuge  
 Duxerit sibi Assuerus, dat loco Henae turgidae  
 Virginem adsciuisse mitem prouidam mentem Dei.  
 Id dabat fontis pusilli quam scatebram uiderat  
 Patruus decentis Esther per quietem portier  
 Magni in undas profluentis, uorticesq; lymphidos.  
 Quod suae nepui periculum Mardocheus indicat  
 Omnibus uitae imminere, quae mala impendent suis  
 Virginem admonere clamat virginali spiritum.  
 Nam sonat contusionem tale nomen myrream,  
 Siue myrram electiorem, spiritu quod Virginis  
 Congruit, nil adpetenti, nilq; amanti terreum.  
 Quod diploma uero mortis Rex prece Esther abrogat,  
 Turbaq; omnis liberatur, submonet chirographon,  
 Quo rei tenemur omnes, per Mariam scindier.  
 Porro quod res hostis Esther interempti traditur,  
 Et domus, nostra salutis signat aduersario  
 Nos adeptos deputari Virgini peculium.  
 Quippe atrox calumniator, carnus exq; pessumus  
 Hic typum tenebrionis adfigurat orcy,  
 Qui genus mandare nostrum flagrat erutum chao,  
 Caeterum quod optionem larga liberalitas  
 Regis ampli principatus florulentae coniugi  
 Obtinendi portionem dimidiam sui facit,  
 Duplicem uigere partem clamat regni Dei,  
 Alteram iuris seueri, & alteram clementiae,  
 Virginemq; optasse partem, quam secundo diximus.  
 Haud enim Regina gaudet iuris adpellarier,  
 Sed benignae lenitatis, unde si quis senserit



Se rigore iuris angi, impleret eius gratiam  
 Omnibus patefcit eius semper indulgentia,  
 Comitafq; singularis, omnibusq; adfabilem  
 Exhibet sese inuocata, nemini se denegat.  
 At dapes pro foedere Esther nuptiali dapfles,  
 Quas fuis Rex adparauit Persicus primoribus,  
 Otiumq; indictum, & ampla distributa lautia  
 Innuunt nouosq; gustus, & nouum augmen gloriae  
 Ciuibus datum supernis, tum leuamen gentibus.  
 Quom beata caeli in aulam ducta fponfa in corpore ft.  
 Quippe multi prodiderunt ex vetuftis patribus  
 Nominis clari Mariam tertia demum die,  
 Postquā obijt, membris refumptis, emigrasse in aethera.  
 Istiusq; facti in Esther omen anteuorterat,  
 Et notabilis figura, nempe quando tertia  
 Luce mundo & ipfa sumpto gloriofa adparuit.  
 Comptus ille insignis Esther tertia sumptus die  
 Sponsae amictum singularis luculenti corporis  
 Adstruit deductae in astra cum corusco lumine;  
 Quando gens caeli obftupescens se rogabant inuicem  
 Quae supernum scandit axem Virgo tam spectabilis,  
 Intuens lunae nitorem, solis instar candida?  
 Tum tubae clauferunt cunctae militum caelestium,  
 Et Dei omnes iubilarunt laetiores filij  
 Dulcem Heram suam intuentes, & Patris sponsam sui.  
 Quippe si uiri pusilli adgratulatur nuptijs  
 Ipsius familia tota, quid putandum quom Deus  
 Virginem ad sese recepit caeterarum antistitem?  
 Sed refer mens quando faustas auspicasse creditur  
 Nuptias Pater supremus. nempe quando nuntio  
 Adnuit, promptamq; Virgo se obtulit Deo obsequi.  
 Nam simul se se paratam dixit esse feruolam  
 Caelitum parere Regi, tum placere ex omnibus  
 Coepit ante quae fuere, & quae futurae in posterum.  
 Atq; ita alma digna sancto uisa contrubernio,

Spiritu



Spiritu Regi supremo copulatur auspice,  
 Fitq; sponsa intacta Patris, fitq; mater vnici.  
 Tum liquoris purpur antem transiere in vitei  
 Florem aquae uirtute Verbi, nempe nostra humanitas  
 Est nouo posita honore quando homo st factus Deus.  
 Tum putem illam cantionem cantitasse nobilem.  
 Tandem in eius conquireni, quem cupiui, umbraculos  
 Atq; compos carpo dulcem gutturi fructum meo.  
 Me rosas fulcite amici, me corollis floreis,  
 Meq; constipate malis suauiter fragrantibus.  
 Languedo deuicta forti caritatis uolnere.  
 Sed quid Esther forma signat elegantis corporis,  
 Caeteris qua ibat ante? signat alma in Virgine  
 Indolem diuinam, & altae sanctitatis gloriam.  
 Treis gradus qui prodit istaec acta pulcritudinis  
 Nobilis percenset auctor, queis puella impensius  
 Digna amari est visa cunctis, digna tolli ad sydera.  
 Quippe ait uenusta ualde, & admodum spectabili  
 Formae honore clara Edissa praenitebat omnibus,  
 Omniumq; se se agebat gratiosa adspectibus.  
 Prima forma erat Mariae luculenta caritas,  
 Qua Deum perfecte amabat, at secunda castitas  
 Singularis, prima uotum qua pudoris protulit.  
 Tertiam reor fuisse, quam peculiariter  
 Ipsa respectasse ab alto numen alium praedicat,  
 Ex eoq; se beatam dictitandam ab omnibus.  
 Haud enim communiori more, sed profundius  
 Semet abdicauit omni spiritus ferocia,  
 Ceu puella nuper orta facta, ceu columbula.  
 Quippe ni floreret istac cultione amabili,  
 Quam profari posset ulla lingua, quamuis eloquens,  
 Haud adepta nomen esset omnium potissimum;  
 Ut Dei mater clueret, & Parens altissimi,  
 Ceu sacri sanxere patres clara in urbe Amazonum.  
 Obstruentes os profanum contumacis Nestori.

Et



Et licet decore tanto membris enitesceres,  
 Haud tamen redebar ulli dignitate corporis;  
 Sed simul pollebat una formae utroque munere;  
 Quod si aures dictum adprobari, conde fido in pectore  
 Quae canit cantor fidelis; tota amica tu mea es  
 Pulcra, tota amore digna, nulla inest labes tibi;  
 Nulla deformat pudici pectoris celsum decus,  
 Nulla vultus liberalis florulentam gloriam,  
 Sed simul perfecta honestas te ornat intus, & foris.  
 Nec uacat sensu, peruncta quod feratur, mystico  
 Pulcra Edissa. Virgo gratius nam fuit lita omnibus,  
 Quas solet paterno ab ore flare manans spiritus  
 Proditur stipasse Edissam septem heram pedissequas,  
 Virgini sed turba uirtutum omnium haerebat comes,  
 Quatuor repertae in orbe, treisq; lapsae ex aethere.  
 Haec erant septem sigilla, quae librum obsignauerant  
 Virginalem, septem ocelli rupe sculpti in ardua;  
 Daedalum postae lucernae tot super candelabrum,  
 Tot thronum ad Dei micabant lampades praefulgidae.  
 Quin columnae fulciebant tot domum Sapientiae,  
 Haec erant, sibi Potentem magna, quae fecisse ait.  
 Scilicet mentem quod eius fecit esse credulam,  
 Reddidit quod eius alium fertilem almo germine,  
 Perpetemq; integritatem iussit esse in corpore.  
 Adde quod repleuit eius cor benigniori ope,  
 Caeterisq; angustiori culmine euexit decus;  
 Et nota celebriore sanctitatem insignijt.  
 Tum parentem culpa ademit demum ab ipsa fomitem.  
 Virgini tot obsequuntur nostrae herili gratiae.  
 Tot ministrae indefinenter adferunt laudes nonas.  
 Quod si ais posse obsequelam ancillarum intellegi  
 Principes septem angelorum, qui ministrant iugiter  
 Virgini, verum probatur id quoque esse maxime.  
 Quippe si septem hierarchi semper adstant spiritus  
 Principi Deo, manetq; Virgo sancta cum Deo,  
 Obsequi



Obsequi necesse eosdem Virgini almae identidem.  
 Quin aliis nixa inuenitur seruolarum in altera.  
 Florida Esther, laxiorem sublegebat insequens  
 Vestium sinum fluentum, syrma longumq; altera.  
 Sicq; mater sancta viuis semper incumbit thronis,  
 Lucidis dico ceteruis dicta Domina caelitum,  
 Moregnati, ancilla prima tale fulcrum delicat.  
 At secunda signat illos, qui student uestigia,  
 Illiusq; exempla morum sedulo sectarier.  
 Talem humi sensum fluentum lectio dat vestium.  
 Sed quid ille ornatus Esther, quidue quaerit splendidus  
 Ille cultus liberali regio olli munere  
 Adtributus, quo niteret omnibus conspectior?  
 Innuit summum decorem luculentae gloriae,  
 Quo Pater sponsam expoliuit sempiternus vnicam,  
 Vt coruscet, inter astra sicuti Sol aurea,  
 Nam potenter traxit ad se quod propheta praecinit,  
 O Deus praeclara dextris à tuis culta adstitit  
 Aurea Regina palla, compta ferto gemmeo.  
 Ecquid aurum, quidue viria, sponsa qua circumdatur,  
 Fert, nisi illa mille millia militum coelestium,  
 Qui ministrant semper olli, more limbiq; ambiunt;  
 Vnde & illi conuenire quis neget praeconium,  
 Quo prius se clarus ille fecit indignum Cherub,  
 Qui Deo desciiuit, atq; gloriam omnem perdidit.  
 Est tuum tegmen Maria maxumi preti lapis  
 Omnis, omnis gemma fulgens te coronat sardius,  
 Te topazius virescens, teq; iaspis lucidus,  
 Aureusq; te lapillus comit, ac rubens onyx,  
 Et nitor berylli amoenus, & lepos sapphirinus,  
 Comit & pyropus ardens, & viror smaragdinus.  
 Veste tali compta fulget virgo, tali tegmine.  
 Tu vetus liuore serpens impotenti rumpere,  
 Quod caput tuum puella contudit calcaneo.  
 Et decus clarum, excidisti quo tua arrogantia,

C

Quod



Quod minorem se autumabat omnibus mortalibus,  
 Induit, te pessum eunte, cum tuis fallacijs.  
 Et modo ecce collocatur in Dei monte arduo,  
 Igneos inter lapillos, unde tu proiectus es,  
 Putidum tamquam cadaver luce cassa in tartara.  
 Nec modo ordines noueni magnam honestant Virginem  
 Circum eam stantes, sed omne quidquid in caeli domū  
 Pulcrum ab orbe commigravit seruit eius gloriae.  
 Patriae Duces vetusti cum Prophetarum choro,  
 Fida turma Apostolorum cum coronis Martyrum,  
 Caelibum candor virorum, Virginumq; lilia.  
 Porro lux serena cunctis, & noua orta alacritas,  
 Turbinem quae loeti abegit, & grauem anxietudinem,  
 Quid dabit nisi huius almae Virginis partum inclytū?  
 Lux noua illa effusa in omneis partus auspicabilis  
 Exstitit Mariae, in orbem quo profudit paruolum,  
 Principem pacis perennis, vitae ouantisq; auspicem.  
 Hanc sacer Psalmista acuto personabat nablio,  
 Vanum, ait, vobis amici surgere ante candidae  
 Lucis ortum, noctem iniquam quae fugabit pectorum,  
 Adde quod Deus profatur per prophetam nobilem;  
 Te te ait lucem in coruscantem gentium dedi omnium,  
 Vt salus fias meorum terrae in oras ultimas.  
 Hanc eandem idem propheta tali honorat carmine.  
 Quae sedebat caeca in umbris auream loetalibus  
 Turba uidit lucem obortam mortis in caligine.  
 Haec enim est lux illa felix, quam paterna sanctitas  
 Vastum in orbem destinauit, ut nigrorem mentium  
 Liuidum longè fugaret tali adaugens omine.  
 Vade, ait, praeclara proles, esto mundi phosphoros,  
 Et maris sydus profundi; quippe lucem in gentium  
 Te dedi, ut uidere crassa nube praestes obstitis.  
 Christo enim nascente mundus coepit exsplendescere,  
 Exsui turpis veteris luridam rubiginem.  
 Induit nouum nitorem terra sudans balsamum.

Quam



Quam bene ergo priscus heros virginis pulcerrimae  
 Comparat partum nitentem splendido diluculo,  
 Atq; ab aëuo praeparatum dici illum condito.  
 Tunc enim tunc squallor ater coepit exobescere,  
 Tunc nefasta nox abisse, temporor ille lucifer,  
 Laeva quem parētis Hecae mens in orbem inuexerat.  
 Ceu solet quom mane surgens candido Palantias  
 Ore latè noctis umbras densiores discutit.  
 Et colos rebus reuertit, quem tenebrae ademant.  
**P**ublicae festivitatis sacra tympanistria  
 Iam ferens celsi Tonannis uentre germen floridum  
 Nomine omnium datorem uoce clara personat.  
 Sicut ante fecit huius Virginis cognominis,  
 Ediditq; omen puella, quae necatis hostibus,  
 Tympano capto sonanti, dexteram Dei extulit,  
 Quippe ubi infensam cohortem rubri in undas aequoris  
 Vidit elisam, sonauit cum suis aequalibus,  
 Danti id cantemus omnes numini victoriam.  
 Sic & haec beata cernens sospitanda saecula,  
 Sospitemq; adesse magnum, qui superbos deprimat,  
 Infimosq; exaltet, orsum tale plaudens inchoat.

Magnificat anima mea Dominum.

**M**ENS Herū mea auget amplis caelitū praeconijs,  
 Spiritusq; exsultat ardens in deo, vita mea,  
 Et fauoris laetor alti compotita munere.  
 Nam suae respexit auctor paruitatem ancillulae,  
 Hinc ferent me omnes beatam nationes gentium,  
 Noctifer qua uesper ardet: quae candet lucifer.  
 Quippe magnis liberalis extulit me honoribus,  
 Plurimum qui pollet unus, qui valet quidquid velit,  
 Et decus, nomenq. gestat omnium augustissimum.  
 Quin suae benignitatis omnibus uerentibus  
 Se se opes ultro patere uolt, nec ulli claudier



Supplici genus per omne prima abusq; origine.  
 Exserens fortem lacertum contudit mortalium  
 Impiorum fastum, & acrem spiritum ferocium.  
 Exsistit thronis dynastas, extulitq; his infimos.  
 Quos malè opprimebat angens tristis esuritio,  
 Rex datis largis referat ad satim congiarijs.  
 Copijs cassos remisit, atq; inaneis diuites.  
 Dexterâ porrectâ ab alto subleuauit Israel  
 Vnicum suum popellum, ne suum pactum foret  
 Irritum, nostris spopondit ut pijs parentibus.



Haec  
 Nec  
 Vp  
 Quis  
 Sole  
 Or  
 Veri  
 Du  
 Gen  
 Sed  
 Et  
 Vir  
 Haec  
 Qu  
 Pa  
 Nam  
 Ne  
 Ne  
 Sed  
 In  
 Il  
 Nec  
 Se  
 N



THEOTOCODIA 22  
DE IVDITH VIDVA CASTISSIMA,

& fortissima, quae fuit Mariae Reginae  
Virginum, hostisq; humani generis  
victoris figura.



EC quidem indignum putarit quispiam,  
aut incongruens,

Alteri si comparatur virginum flos v-  
nicus

Foeminae viro pudenter, ac thoro vni  
deditae.

Haud enim nuptum pudorem uirginali confero,

Nec quidem decus repertum tale sub caeli ambitu

Vspiam innuptae puellae dico ab auro condito.

Quis per oras albi apertas aetheris fulgentius

Sole ferri dicat astrum, quisue Lunae candido

Ore sudum peruagantis noctis vdo tempore?

Verum eam fuisse dico Virginis praeludium,

Dum neci dedit tyrannum, qui suam pessum dare

Gentem auebat, atq; iniquae seruituti addicere.

Sed celebre nominemus nomen huius strenuae,

Et genus matronae, & acta, queis fuisse noscitur

Virginis figura magnae sospitae orbis perdit.

Haec erat pudica Iudith, nata claro stemmate,

Quae se ab hostis obsidentis impetu forti manu,

Patriamq; caram ademit cum propinquis omnibus.

Nam lepore ornata, & omni formae honestae munere,

Nec tamen confisa formae singularis gratia,

Nec lepore luculento, comptibusue insignibus;

Sed fide, & pio fauore praepotentis numinis

In cubile inducta Regis abscidit ferox caput

Illius, secumq; in orbem cum triumpho detulit.

Nec caput secum recisum detulit tantummodo,

Sed simul palmam reuexit castitatis integrae

Nil probri perpeffa turpis barbarae lubricinis.

Sicq;




Sicq; mucrone impudici principis compescuit  
 Ferreo incestum furorem, sicq; fudit copias;  
 Quae suam gentem parabant ferro, & igni exscindere.  
 Tum bene Antistesq; summus dixit illam, ac caeteri  
 Principes, pubesq; cuncta cum pudicis matribus  
 Inclytis tulere ad astra laudibus viraginem.  
 Clara uictrix, ense nudo quae Ducis feri Assyri  
 Abscidit cervicem, & eius fudit omnem exercitum  
 Alteram quandoq; honesta mentibus sollertibus  
 Fortiorem longè Iudith indicabat adfore,  
 Atq; longè castiorem, quae nec ense ferreo,  
 Nec manu forti, sed alta sanctitate praedita,  
 Et Dei fide potenti, uiuidoq; robore  
 Caritatis, & spei almae publicum aduersarium,  
 Et satellitum ferocum frangeret proteruiam.  
 Haec erat puella clara nascitura splendido  
 De satù Dauid prophetae, & Regis inclitis sumi,  
 Atq; Iudae patriarchae de tribu primaria.  
 Hosticum fregit furorem quando uotum protulit  
 Virginalis puritatis, deinde quando credidit  
 Angelo fide tenaci pollicenti filium.  
 Tertio protriuuit hostis impium feri caput,  
 Filius quando pependit in crucis trabe ardua,  
 Perferendo acris doloris spiculum uiriliter.  
 Spiculum, quo uolnerata est Virgo in imo pectore,  
 Nec tamen crudele uolnus quiniuit illam sternere,  
 Quòd magis sentiret ictum caritatis feruida.  
 Nam sciebat morte sola filij nostrum genus,  
 Posterosq; Adae uniuersos posse vitam consequi,  
 Tartariq; liberari turbulento è carcere.  
 Ac licet nullus fuisse proditur cum principe  
 Vir comes calcante durum torcular, fuit tamen  
 Mulier haec Hebraea secum filium Patri obferens.  
 Sic parens percussa amoris acriori cuspide,  
 Ceu sacerdos facta ventris obtulit fructum sui,  
 Victimam piacularem, pro salute gentium.



Vnde & haec, ut ante Iudith, in Nabucodonosor  
Maximam confusionem, maxum umq; dedecus  
Intulit domum superbam, quom crucem iuxta stetit.  
Ergo prima fortitudo uirginalis castitas  
Virginis fuit, secunda credulum pectus Deo,  
At vigor uirilitatis tertium fuit decus.  
Vnde & hanc bene esse dictam legimus trina uice.  
Gabrielis uoce primum, deinde uoce Elizabeth,  
Tertius longaeui ab ore prodiit senis fauor.  
Sic eam trino decebat teste commendarier.  
Namq; florem uirginalem concelebrat angelus,  
Foemina at foecunditatem, uirq; robur pectoris.  
Hoc caput non Holofernis pugione triplici  
Abscidit Virgo superbum, sed draconis inferi  
Contudit caput malignum, qui tenebat omnia.  
Sicuti diuino ab ore mundi in ipso exordio  
Dictum erat truci colubro, qui priorem improuidam  
Foeminam persuasione versipelli infecerat.  
Nobilis quidem Iabelis claruit victoria,  
Quae dedit neci fugientem Sisaram, sed clarior  
Fulget inuadentem Iudith, quae Holofernem sustulit.  
Exstitit sed palma sanctae Virginis clarissima,  
Quae ferum hostem excussit alto principatus culmine,  
Et subegit iam imperantem gentibus late omnibus.  
Caeteris quidem subegit inclytis uirtutibus,  
Sed magis fide potenti, filium qua protulit,  
Quaq; mox patri lubenter uictimam sanctam obtulit.  
Quin subegit hostem atrocem uirginalis gloriae  
Inclyta professione, nobiliq; turgido  
Spiritus demissione fastui contraria.  
Quare eam & nos iure festis, & profestis lucibus  
Sospites pia fauoris consalutamus uice.  
O aue inter una felix gratia aucta foeminas.  
Sic enim saluere fortis iussit illam Archangelus,  
Nuncium quando puellae detulit faustissimum,  
Scilicet matrem futuram conditoris omnium.



Quin sagax prouerbiorum scriptor ante praeuidens  
 Talem eam fore incinebat spiritu prophetico.  
 Mulier (inquit) gratiosa consequetur gloriam.  
 Gratosam dicit, omni quod referta gratia  
 Praepotens, pollensq; abunde perduellem sterneret,  
 Et sibi decus pararet gloriae indelebilis.  
 Nunc ad alia transeamus Virginis praeconia  
 Concinenda, & mira facta digna Homeri carmine,  
 Et tuba Maronis alii, Pindariq; pectine.



Hand  
 Qua  
 Qua  
 Terra  
 Pl  
 V  
 Edit  
 Suf  
 Ex  
 Iamq  
 Ve  
 Sic  
 illa m  
 A  
 Ges  
 Terra  
 Ne  
 Na  
 Add  
 P  
 Q  
 Stult  
 De



DE TERRAE NOMINE DEIPARAE

25  
Virgini attributo Psal. 84. Benedixisti

Domine terram tuam.



IL fere hocce in uniuerso constat orbis  
ambitu

Conditum manu Tonantis clarioris nomi-  
nis,

Quin sui queat referre parte quadā Vir-  
ginem.

Haud tamen quidquam uidetur summa in hac consistere,  
Quod magis praesentet eius indolem lectissumam,  
Quam ferax natura terrae, quam soli huber fertile.

Terra fert herbas virentes, fert fibras contagijs  
Plurimis aptas medendis, sic salutis publicae st  
Virgo sancta seminarium, atq; virtutum parens.

Editos ex matris aluo nos benigna suscipit,  
Sustinet, pascitq; terra; sic renatos caelitus  
Excipit Maria, alitq; carne cari filij.

Iamq; natura abdicatos terra ab omni amplectitur,  
Vel cadauer putre tandem, prorogatq; nomina;  
Sic suos numquam clienteis Virgo mitis deserit,

Illa magnas portat urbis, crebra portat oppida,  
Arborum plantas, & amnis, sic Maria Principem,  
Gestat orbem qui creauit, & pugillo continet.

Terra vasto tota circumfusa pendet aere,  
Nec solo subsidit vlli, sic Mariae mens sacra  
Numquā adhaesit prona terrae, terreisue adfectibus.

Addidere prisca nomen saecula Telluri Deum  
Perperam magnae parentis: Virgini nam competit,  
Quae Dei sit filiorum facta mater omnium.

Stulta item Curetum ouantum gens Opi dictae chorum  
Dedicauit, qui uirili parte adempta inconditis

¶

Hanc



Hanc sequentes mente capti cantitarent versibus.  
 Ast Heram nostram insequimur ordines caelestium,  
 Sed seorsum principali semper haeret Virgini  
 Turba caelebs, quae magistram ritè laudant propriam.  
 Nam magistra haec vna dicta est, atque primiceria.  
 Virginum clarae coronae, prima quod vouit suum  
 Liliū pudoris almo Principi immortalium.  
 Laeta dat florum nitores terra verno tempore,  
 Datque fruges, sic Maria fert suum florem inclytum,  
 Fertque fructum, quo senecta recreantur saecula.  
 Dat metalli argenti, & auri, calculosque gemmeos  
 Terra; sic Maria felix pignus edit vnicū,  
 Quo latet thesaurus omnis, vna & omnis gratiae.  
 Quod virens tellus perenni firmitate nititur,  
 Nec vacillat, siue nutat; dat Mariam firmiter  
 In sua virtute semper perstitisse immobilem  
 Terra alit quodcumque viuit, quodque spirat & spiam,  
 Alma tellus virginalis vniuersos educat  
 Fructu ab ipsa procreato, filios magni Dei.  
 Quom globus terrae rotundus exstet, atque floridus,  
 Indicat perfectionem summam inesse Virgini  
 Inclytæ, summum decorem, maxumam elegantiam.  
 Istius terrae beatæ cultor almus exstitit  
 Spiritus Dei, calore qui velut Sol viuido  
 Fecit ipsam pullulare, ceu noualem fertilem.  
 Hac nouus formatus Adam prodijt terra huberi,  
 Veritas sublimis orta, fructus ortus nobilis,  
 Optimumque hac fluxit aurum, fonsq; manans iugiter.  
 Haec fuit promissa praeis sub figura patribus  
 Terra, dulci lacte abundans, & liquenti nectare,  
 Quae tulit vitae beatæ perpetem dulcedinem.  
 Hac idem de terra & illud dicier quis abnuat.  
 Ex humo Deus medelam procreauit optumam.  
 Nempe carne virginali corpus almi filij.  
 Hanc chorus prudens futuri saeculi propheticus

In



In suis passim sacratis codicillis inserit,  
Cum suoque fructu honestat luculentis laudibus.  
Inter hos Pater sacrarum cantionum inclariuit,  
Dum canit tellure natam veritatem roscida,  
Atque humum nostram tulisse floridum fructum suum.  
Hancque summum auxisse Regem luculenta copia  
Omnium pangit bonorum, ferreas qui rescidit  
Compedes plebi misellae seruitutis asperae.  
Quin Dei dicit benigna visitatam gratia,  
Et fluentis inrigatam munerum caelestium,  
Omniumque abunde aceruis conlocupletatam opum,  
Concinitque idem dicatam Regi eandem caelitum,  
Copiamque illius esse, constituisse immobilem,  
Scilicet fide tenaci, labis immunem putris.  
Cernit hanc fundatam in omne tempus aevi perpetis,  
Et Deum parasse in ipsa rite sanctuarium  
Proprium more unicornis, qui cubile construit.  
Psallit idem sempiternum principem caelestium  
In medio nostrae salutis terrae opimae maximum  
Esse opus molitum, in aluo nempe sanctae Virginis.  
Hanc suis quoque inferebat saepe terram oraculis  
Haud futuri ignarus aevi natus Amos nobilis,  
Taleque inter carmen edit caetera memorabile.  
Vos, ait, rorate celsi caeli abunde desuper,  
Vosque nubes rorulentae pluite iustum principem,  
Iamque humi sinus patefcat, germinetque Sospitem.  
Mox diebus, inquit, illis germen illud patrum  
Omnibus longè eminebit, summo honore habebitur,  
Atque fructus terrae opimae surget altum in aethera.  
Hanc eam puto esse terram, quam vetustus legisfer  
Propriae genti reductae finibus Niloticis  
Taliter depingit hortans, ut datam capefferent.  
Te nouum Deus colonum ducet in terram optumam  
Fontibus scatentem amoenis, amnibusque lympidis,  
Terram opimam frugis omnis, atque vini fertilem.



Hic ubi ficus grauescit foetu, & arbor punica,  
 Atq; oliuae pinguis humor, mellenq; exuberat,  
 Omniumq; rerum abunde perfrueris copia.  
 Ficus hic demonstrat almae Virginis dulcedinem,  
 Porro uinum virginalis fert amorem pectoris,  
 Verum oliuae fructus huber illius clementiam,  
 Sicq; rite interpretari quiueris, quae diximus,  
 Dictaq; alia, quae leguntur in sacris passim libris  
 Huberi hac de terra, & eius fruge, nempe filio.  
 Hic enim est frumentum opimum, (sicut ipse praedicat,)

Huius in telluris aruo consitum manu Dei,  
 Qui suo stirpem fidelem pascit almo corpore.  
 Haec profecto est illa tellus, siue ager, quo delitet  
 Nobilis thesaurus ille, quo reperto gestiens  
 Mox repertor uendit omnem censum, & illū praestinat  
 Quod si humi delectat huius nosse magnitudinem,  
 Non quidem amplam mole uasta, sed capacem gratiae.  
 Quid uetustus Scriba pangat diligenter percipe.  
 Magnus, inquit, exstat orbis terrae, & excelsus polus,  
 Igneiq; Solis acer cursus, & pernix nimis,  
 Qui die una cuncta lustrat; maior ergo bis conditor.  
 Corpus ob foecunditatem Scriba terram nuncupat,  
 Porro mentem ob eminentem Virginis caelum indolem,  
 Quod perinde ac illud astris, haec micet virtutibus.  
 Tale se caelum supremus dixit orbis artifex,  
 Talem humum replere totam glorioso numine.  
 Caelum, ait, serenū, & omnē terram ego vnus compleo.  
 Hanc humum quo pacto habere nos queamus edocet  
 Nos propheta, quae beatos possidenteis efficit,  
 Diuitesq; opum sacrarum, compotesq; gloriae.  
 Quisquis, inquit, mitis, atque comis haeres effici  
 Huberis terrae ualebit, longē ab hac excluditur.  
 Gens superba, & arroganti quae tumescit spiritu.  
 Haec humus, quam quisq; nostrum gressibus perambulat,  
 Nosq; pascit, mortuorum terra & est, & dicitur,

At



# THEOTOCODIA.

29

At beata Virgo terra dicitur uiuentium.  
 Quin & haec deserta terra dicitur, terra inuia,  
 Terra, ubi natus supremo Patre Rex adparuit,  
 Patris ut uirtutem aperte, gloriamq; ostenderet.  
 Sed quid est more unicornis quod canit uates Deum  
 Sanctuarium locasse fixa humo per saecula?  
 Hunc ferum negant sodalem posse quemquam perpeti  
 Proprium cubile inire, contubernalem ferunt  
 Nullum habere uelle, seorsum sed cubare perpetim.  
 Quod Patris fecisse constat unicum gaatum Dei.  
 Nam sibi soli sacellum uirginale floridum  
 Condidit, commune habere non tulit cum caeteris,  
 Sicuti decebat illum singularem Principem.  
 Quin solet barrum ferire cornu acuto, & sternere  
 Monocerotis uis ferocis, sic nefandum Daemona  
 Virginis fixit propago corporali spiculo.  
 Ceu lacus cornu salubri uirulentos temperat,  
 Ne queant ulli nocere; sic saluber filius  
 Tinctus ipse expurgat undas, ut saluti sint suis.  
 Hunc ferunt capi solere solo amore uirginis,  
 Illius sinu cubantem; sic Deus purissimae  
 Virginis lepore captus tradidit sese hostibus,  
 Sed solo terrae relicto, quo suum cubiculum,  
 Fixit acer unicornis, caeli ad altitudinem  
 Virginalis praedicandam transeamus ocus.

DE



DE CAELI NOMINE DEI GENITRI-

ci attributo. Pſal. 102. Dominus in caelo  
parauit ſedem ſuam.



EC putes ſolum eſſe caelum, quod ſolet  
vertigine

Vertier circum perenni, caelum & ipſa  
dicitur,

Caelitum quae fudit aluo Virgo Regem  
caelibe.

Vnde ait pulſator ille nobilis pſalterij,  
Qui ſua de gente vorat tantum oriri filium  
Sub figura Solis, ille geſtiet velut gigas  
Arduam viam vorare egreſſus arce ex aetheris,  
Tum ſuum pulcrum ſedile condet in caelo Deus,  
Atque regnum extendet orbis terrae in oras vltimas.  
Id quoque adteſtatur ipſe, tale qui caelum incolit,  
Caelum, ait, praeclara ſedes eſt meae altae gloriae,  
At meis ſcabellum amoena terra plantis ſubſidet.  
Quam Deus terram ſuum inquit eſſe ſuppedaneum,  
Ipſa erat corpus Mariae florulentum Virginis,  
Quod opifex caeli ſubiuit, vt ſuum inde adſumeret.  
Tale item carmen propheta, & nobilis pſalter canit  
Hoc ſuper ſacro ſcabili. Quiſque adorabit locum,  
Quo Dei pedes ſtetero fronte ſupplex cernua.  
Quin quoque ipſa tota tellus ſancta Virgo dicitur,  
Arduumque tota caelum, ſpiritus videlicet  
Ipſius ſanctae parentis, atque corpus candidum.  
Huius exemplar fideli Patriarchae maximo,  
Cuius ipſa eſt ſtirpe Virgo floritura mox erat,  
Obtulit Deus videndum, quando dixit erige  
Lumina, & caelum intueri, nempe celſam Virginem;  
Intueri caelum, & eius ſupputato, ſi potes,

Aſtra,



*Astra, idest virtutum acervum, dapflesque gratias.*  
 Tale caelum doctè & alter pangit auctor nobilis.  
 Forma, ait, caeli sereni constat astrorum globis,  
 Syderumque claritate, scilicet praenobilis  
 Virginis decor resulget plurimis virtutibus,  
 Quae velut caelata in eius signa fulgent pectore,  
 Atque conlustrant profundam saeculi caliginem.  
 Nam licet terras teneret, subque Sole degeret,  
 Nil tamen terrenum amabat, nil sitibat fluxile,  
 Sed Deo placere tota ardebat vni dedita.  
 Hocce erat caelum illud ardens, atque tellus fertilis,  
 Quae propheta cantat esse dedicata numini.  
 O Deus tuum esse caelum dico, humumque floridam.  
 Vnico pater parauit tale anaclynterium.  
 Terram, ait, semel ciebo, pictum, & astris aethera,  
 Moxque ager desyderatus se ille cunctis gentibus.  
 Haec duo illas esse opinor ianuas, quas belliger  
 Barbitō dulci celebrat Rex retexens, quae pius  
 Fecerat Deus benignè nationi incredulae.  
 Aetheris reclusit alti ianuas, inquit, Deus;  
 Et pluit caeleste nectar, quo potis vefci adfatim  
 Gens per aequor vecta rubrum pane caeli praebito.  
 Quippe erat sublimis aether sancta cunctis sanctior,  
 Iannae fuere apertae pectus, & venter simul,  
 Pectus excepit fidele verba, venter filium.  
 Nam Pater caelestis illum de supernis sedibus  
 Dulce manna misit orbi, ferculumque caelatum,  
 Vt profusus ventre casto vita sit mortalium.  
 Ergo sanctae humilitati virginale praebuit  
 Corpus, at diuinitati mens cubile regium,  
 Mens nouis rigata semper gratiae fulgoribus;  
 Vnde ait, cui lucta nomen indidit vates sacer,  
 In sua Sol mansione, Lunaque vna constitit,  
 Scilicet Deusque, homoque sacrosancta in Virgine.  
 Hoc item de caelo & illud, deque terra ait Deus.

Caelum



Caelum ego impleo serenum, & fertilem terram simul.  
 Scilicet animam Mariae, & corpus integerrum.  
 Hic caelum prius recenset quàm solum terrae Deus,  
 Quòd prius puella sancta mente concepit Deum.  
 Per fidem, sanctūq; amorē, uentre quàm corpus Dei.  
 Sed polo claram sereno conferamus Virginem,  
 Atq; eam verum esse caelum comprobemus indidem,  
 Hisceq; hymnum uirginalem proferamus symbolis.  
 Perpetim natura caeli permeat contra citos  
 Syderum cursus uagorum, sic Mariae intentio  
 Semper est aduersa sectis, atque prauis dogmatis.  
 Ac licet caeli rotetur semper ingens impetus,  
 Haud tamen fatiscit umquam, sic Mariae alacritas  
 Torpuit numquam, tenorem sed suum usq; retinuit.  
 Quippe & ipsa more caeli numquam it retrograda  
 Diua, sed prorsum meauit ardua uia adpe tens  
 Omnium uirtutum ad arcem peruenire gnauiter.  
 Orbis est caeli rotundus angulis prorsus carens,  
 Sic Maria aeternitatem concupisse noscitur,  
 Simplicescq; amasse menteis, respuisse duplices.  
 Caelum item immensum probatur esse, Diuae at caritas,  
 Atq; maiestas patescit axe caeli immensio r,  
 Nemo uti se abscondat eius à calore uiuido.  
 Caelum uti semper quietum st, inq; perturbabile;  
 Sic nec ulla uirginalem turba pacem polluit,  
 Quae fuit uera arca Noe per quietem pectoris,  
 Caelitus descendit imber, atq; ros, terrae aridae  
 Qui riget solum, Mariae scrinijs è ditibus  
 Huber ad nos gratiarum manat adfluentia.  
 Inde aquaeductus uetustis dictitata à patribus,  
 Dicta collum, quòd per ipsam mysticum in corpus meat  
 Multiformis fons bonorum, multiplexq; copia.  
 Mansio caelum angelorum, sic Maria mansio  
 Omnium uirtutum earum, quas habent ipsi angeli,  
 Quas Apostolus recenset Gallograecis scriptitans.

Cen



Ceu procul se sede ab ima celsus adtollit polus  
 Rebus ab nostris remotus, Virgo sic bis vilibus  
 Sancta curis expedita prominebat in Deum.  
 Lympidum caelum suapte luce semper fulgurat,  
 Nube ut inuolui putetur, nocte re obscura obtegi,  
 Sic serena Virgo semper, atque clara incanduit.  
 Nam licet pareret extra fusca volgo ignobili,  
 Quod putarent imminutam, nilque habere insignius  
 Caeteris, carere pulchra virginali zonula,  
 Attamen cunctis puellis una erat formosior.  
 Pondus alui nil ademit de pudoris flosculo  
 Virgini, magis sed illum pulcriorem reddidit.  
 Quia videri obscura quibat, tela quod gentilium  
 Scinderent linguarum, & acres integram calumniae,  
 Atque digna indigna multa perferebat immerens.  
 Quod parens illius esset, quoi volebant pessumè,  
 Sanguinem cuius sitibant, agni ut immanes lupi,  
 Talium perpeffiones denigrabant Virginem.  
 Et proinde aiebat almae filiae Hierusalem  
 Censeor quidem esse nigra, decolorque adpareo,  
 Re tamen formosa vera, sumque tota amabilis.  
 Ne nigrorem istunc putetis esse natium mihi.  
 Nam ferus me Solis acris decolorauit vapores,  
 Quique me vexant maligni filij matris meae.  
 Hisce diuexandam acerbis persecutionibus  
 Praemonebat sub figura mystici viror rubi  
 Conflagrasse visi, & ignis non perusti incendio.  
 Namque vis haud vlla quiuit Virginem percellere,  
 Impetus nec vllus ardens recto abegit tramite.  
 Verum omissis hisce rebus, prosequamur caetera.  
 Celsitas caeli procellas, & fragosa fulmina,  
 Turbinesque excedit atros, sic modestae virginis  
 Nulla mentem incesfit ira, nulla perturbatio.  
 Id rotam Solis corusci portat, orbis lampada,  
 Gestat alma Virgo Solem mentium praefulgidum,  
 E Quem



Quem iubar vates vocarunt aequitatis aureae.  
 Ac velut caelum capeffit orbis amplam machinam;  
 Sic sinu Maria caelo cepit illum, quem nequit  
 Continere vastus orbis, nec quidem caeli ambitus.  
 Gyrum ego immensum patentis caeli, ait, circumdedi  
 Sola, Christum nempe caelum continentem, & omnia  
 Ventre obuii Virgo nulli copulata coniugi.  
 Ipsa portat caritatis porro lumen splendidae,  
 Lumen alium caritatis, nostra quo praecordia  
 Luminat, facitque dulci flamma amoris feruere.  
 Ceu polum docti creare cuncta luminaribus  
 Astricis terrae in recessus vim suam imprimentibus  
 Autumat, frugesque, & herbas, & metalla, et caetera.  
 Sic opes, cultusque varios spirituales Virginis  
 Aestumant virtute mystae pullulare ecclesiae,  
 Queis foret priuata, tali si careret praeside.  
 Nec queam tacere amici quid Patris summi typum  
 Exprimens inuictus Heros filij cognominis  
 Gesserit, quonamve caelum hoc pinxerit nobis stylo.  
 Ille forte dimicabat cum suis cohortibus  
 Signifer terroris expers contra atroces principes,  
 Qui Dei gentem putabant posse sanctam exscindere.  
 At verens ne clara desit lux diei praelio,  
 Imperat Soli citato, medio caelo ut sisteret,  
 Donicum profligat omneis perduelleis funditus.  
 Tum viri dicto citus Sol imperantis paruit,  
 Constititque caeli in orbe fixus, atque immobilis,  
 Sic tulit clarum trophaeum dissipatis hostibus.  
 Dux, uti dixi ante, victor forma erat magni Dei,  
 Is gerebat bellum acerbum cum proteruis Regibus,  
 Quando Mors regnabat atra, noxa dira, & Daemones.  
 Tum volens Pater benignus turbam amaram sternere,  
 Quae suam gentem obsidebat, opprimebatque acriter,  
 Atque dira peste cunctos liberare perditos,  
 Praecipit se Soli oborto, fixus ut stet aethere,

In



In puella nempe sancta, quae suis virtutibus  
 Dicier meretur aether, atque caelum lucidum.  
 Sicque factum ut imperatum est, caesa turba est impia,  
 Quippe Rex armatus illic noster armis bellicis,  
 Nempe sancta humanitate, fregit infestam manum.  
 Ergo virgo sancta nostrum, maximum armauit Ducem,  
 Quom dedit gestamen aptum sacrosancti corporis, (lis.  
 Unde & hanc Mosae indicabat virga Hebraei Praesu-  
 Nam velut virgae efficacis ille fretus munere  
 Peruicacium magorum diruit molimina,  
 Terruit Regem superbum, terruit satellites,  
 Atque post diros fragores fulminum, post grandinem,  
 Post tenebricos nigrores, post cruoris flumina,  
 Fluctibus merfit phalangas impias tumentibus:  
 Hisque mersis sub profundis fluctibus rubri aequoris,  
 Sordidis victor cohortes liberas ergastulis  
 In Palaestinae feracis arua laeta transtulit.  
 Sicque noster Imperator virginali tegmine,  
 Ceu flagranti scuto amictus, Daemonum tyrannida,  
 Atque Mortis fregit atrae, vimque peccati improba.  
 Ac suos iugo solutos seruitutis horridae,  
 Flebilis vitae vadatis turbulentis casibus,  
 In beata regna laetos incolas tandem intulit.  
 Ac velut turmis proteruis tum freto rubro obrutis,  
 Principis soror Maria cum puellarum choro  
 Dexteram Dei potentem praecinebat vindicis.  
 Sic quoque intrusis Averno turbidis tumultibus  
 Hostium, trophaea clara Patris, atque Filij  
 Virgo sancta dulciori personauit tympano.  
 Quale carmen ipsa promit ore Diua candido,  
 Propriae virtutis altum specimen edidit Deus,  
 Nam truces forti cateruas dissipauit brachio.  
 Exsuit regno potenteis, ac superbis sedibus,  
 Infimosque his conlocauit corde miteis supplici,  
 Et bonis cunctis repleuit diuites exhauriens.



Caeterum ne istuc refellas, frivolumve existumes,  
 Scilicet virgae efficaci comparari Virginem,  
 Ipsius sponsi fidelem conde vocem in pectore.  
 Forti equae meae in quadrigas, copiasque Aegyptias  
 Obrutas cum peruicaci Rege in undas aequoris,  
 Te parem te dixi Amica, sponsa nostraque vnica.  
 Hic equam vocavit illam virgulam, qua strenuus  
 Tot patrauit mira Moses, quod foret vis illius,  
 Haud secus quam militaris vis equus fortis viri st.  
 Virga porro illa innuebat laureatae Virginis  
 Indolem, percussit acreis qua Deus duces Moab,  
 Sicuti vetustus Augur ante multo dixerat.  
 Hinc David virgam, inquit, alti roboris Pater tui  
 De Syen mittet decora. tu meum vero genus  
 Impera hostibus proteruis, obtere aduersarios.  
 Quippe quos gnatus valenti sternit altus brachio,  
 Hos & ipsa virga caedit, deiicitque fortiter,  
 Ac sibi subdit rebelleis dia mater Satrapas.  
 Nec nouum debet videri, nec Deo contrarium,  
 Virgula quod virginali tot patrarit ardua,  
 Torque mira per tenellam, flexilemque plantulam.  
 Nam solct per imbecilla magna moliri Deus,  
 Quo magis suumquerobur pandat, & prudentiam,  
 Et leui se posse cuncta facillitate momine.  
 Ergo Virgo sancta nostro subministravit Duci  
 Arma, quis aduersa victor subiugaret agmina,  
 Ac sibi regnum pararet dissipatis hostibus.  
 Quare & hanc matrem beatam pollicebatur fore  
 Lucidae nubis columna, qua Deus gentem suam  
 Tesqua per deserta vexit diuitem in prouinciam.  
 Nam simul soluit misellos anxys ergastulis,  
 Haud statim dedit poriri sedibus felieibus,  
 Sed quaterdenos per annos vallium per confraga,  
 Montiumque inhospitaleis duxit hos crepidines,  
 Ceu capras arguta pastor personante fistula,



Vt fidem exploraret omnis, an se amaret, agminis.  
 Et quia immortale numen non erat mortalium  
 Pupulis fas contueri nudum, & absque umbraculo,  
 Candida se nube textit, seque monstrabat suis.  
 Hac eadem nube saepius alloquebatur virum,  
 Quem suae genti magistrum, principemque dixerat,  
 Et sacrae mandata legis digerebat indidem.  
 Quin & hoc candenti amictu Praetor almus copijs  
 Ipse praebat, & laborem leniebat asperum,  
 Hostiumque proterebat insolentum audaciam.  
 Nubis haec columna, prisca quom forent nostri typi,  
 Indolem dabat Mariae, quae Duci nostro inclyto  
 Addidit velamen apti corporis spectabile.  
 Haec enim Virgo superno sola patri idonea,  
 Sola digna visa gnatum quom suum committeret  
 Vnicum, nostri induendum corporis velamine.  
 Id fore indicarat ante per suum vatem Pater.  
 Solem, ait, velabo nube luculenta flammeum,  
 Scilicet diuinitatem humanitatis núbilo.  
 Tale quid psaltes sonanti concinebat barbitro.  
 Ille summus Imperator, atque Rector caelitum,  
 Qui solet caliginoso considerare in abdito,  
 Qualis arboris viator lassulus sub tegmine  
 Arido recumbit aestu, quom canis torret sata,  
 Omnium potens sub umbra florida morabitur.  
 Hoc latens caelestis Heros inuolucro nobili,  
 Conditio pacto nouelli foederis, suos greges  
 Saeculi cura expeditos ducit in caeli domum.  
 Namque iter caeleste nobis Imperator vnicus  
 Corporali nube cinctus munit pessumdatis  
 Hostibus, qui nos solebant impedisse immaniter.  
 Ipse erat, quem nube amictum vidit olim Apostolus  
 De suprema parte caeli deuolantem Nuncium,  
 Et loco ferti gerentem vertice irin daedalam.  
 Huius adpectus micabat Solis instar fulgidi,

Et



Et pedes habebat ambos, ceu columnam flammeam,  
 Et ferebat paruum apertum dextera librum manu.  
 Hic item Dinam parentem sub figura candidae  
 Vidit idem nubis, atque splendidam prolem simul  
 Hanc super nubem sedentem, sicut ipse praedicat.  
 Tunc ego spectabam, & ecce clara nubes panditur,  
 Et super nubem sedebat os virile praeferens,  
 Fronte habens auri coronam, tum manu falcem aeneā.  
 Sed caue putes tenebris, quod cluet nubes, nigris  
 Virginem obsitam, vel esse debilem, atque euanidam,  
 Sicuti nubes, inanem quae volant per aera.  
 Nam Dei sufferta tota luce dia fulgurat,  
 Sicut & praeclara nubes, forma quae praecefferat  
 Istius, flagrabat igne tota caeli flammeo.  
 Quae quidem & speciem columnae praeferebat, ut scias  
 Virginem factam esse mundi columen, atque ecclesiae,  
 Quam suo favore fulcit, & rogatu sedulo.  
 Quisquis ergo mentis atris nubilis crassescere,  
 Siue se nutare sentit, ad columnam protinus  
 Currat hanc, si stare firmus volt, & exsplendescere.  
 Si cupit squallenti ab orbe peruenire ad caelitum  
 Regna tutus, spectet istanc usque claram Virginem,  
 Sicut & nubis columnam prisca pubes Israel.  
 Haud enim de plebe sancta duxerim illum existere,  
 Qui Ducem non hanc sequatur, sicuti nec de Israel  
 Gente, qui ductum columnae negligebat insequi.





THEOTOCODIA 39  
DE SOLIS NOMINE SANCTAE VIR-

gini attributo. Psal. 18. In Sole posuit ta-  
bernaculum suum.



**N** I L viget, ceu dixi, in orbe, nilque in oris  
aetheris,  
Quod quidem sit magnum, & amplum,  
sitque pulcrum, ac splendidum,  
Vnde nō denominari Virgo possit regia.  
Quare & hanc insigne Solis ferre nomen credimus,  
Quod micet quoque ipsa facta luminare fulgidum  
Solis instar, immo claro Sole luculentius.  
Cordium noctem repellit, & rigorem pectorum  
Saepe mollit duriorum, caeram vt ardor igneus,  
Interim ipsa algoris expers, & nigrae caliginis.  
Quin facit quoque are fluxum putidae lubricis,  
Atque vbi tantum solebat luma crescere hispida,  
Lilium candescit illic, purpurat vaccinium.  
Sol quidem nitet coruscus semper, & flagrat simul,  
Sed magis Sol virginalis puritate lympha  
Fulgurat, magisque feruet caritatis lampade.  
Ignifer Sol inter errat sex vagas semper faces,  
Treis supra se, treisque se infra; se supra Virgo Deum  
Trinum habet solum, sed infra quidquid exstat caelitus.  
Cuncta captant signa lumen luce de Solis suum;  
Sic chori celsi renident de nitore Virginis,  
Quam Deus vult esse fontem candicantis luminis.  
Nam velut Solis recent i mane concepta face,  
Enitent lapsae per herbam roris vdae guttulae;  
Sic Herae fulgore crescit caelitem sacrum iubar.  
Solis vt se emergit alto candor ardens aequore,  
Sydera obruit corusca, sic Mariae gloria  
Praenitet caeli coronis omnibus conspectior.

Sol



Sol *vti* nil diminutus proprio de corpore  
 Igneum iubar remittit, sic *Mariae* integritas  
 Vnicum nil laesa fudit ventre puro filium.  
 Syderum Sol nuncupatur Rex, Maria dicitur  
 Virginum potens, nitore ceu suo Sol cernitur,  
 Sic decus matris relucet in sua prole incluta.  
 Quippe quanto maior exstat gnatus, & pollentior,  
 Tanto & eius sancta habetur mater excellentior.  
 Nosciturque anteire cunctis ampliori gloria.  
 Sponsa quando electa dicta est nuptiali in cantico  
 Solis instar, dicta ipsam quinque privilegijs  
 Sol quibus pollet, decenter virginem insignirier.  
 Sol nitet fulgore miro, sed magis Virgo aurea  
 Enitet miraculorum luce fulgentissima,  
 Et nitebit vsque in aevi metam vbique gentium.  
 Quamdiu Maria in istoc saeculo cum corpore  
 Exstitit, Sol virginalis delitebat nubilo,  
 Nunc remota nube, claret fulguranti lumine.  
 Quom. Dei quoddam sit instar Sol, & idem luminet  
 Vniuersum solus orbem splendido vibramine,  
 Quomque nil sine ipso oriri possit vsquam viuendum.  
 Hac item de Virgine alma quisque debet credere,  
 Scilicet referre magnum conditorem expressius,  
 Perque gnatum ferre lucem, ferre vitam gratiae.  
 Oeties tellure tota corpus esse dicunt  
 Grandius Solis, Maria sic quoque octo dotibus  
 Praestitit cunctis beatis, qui fuerunt, quique erunt.  
 Vna erat quod virginale prima vouit lilium,  
 Deinde quod nullius esse censuit semet preti,  
 Tum quod incorrupta foetum Virgo concepit suum,  
 Mox sua suscepto in aluo quod ministravit Deo.  
 Adde quod doloris expers filium suum edidit,  
 Quodque partus singularis matris huius exstitit.  
 Adde ad haec, quod suscitata fulget almo in corpore,  
 Cumque gnato regnet olli conlocata proxima.

Ordī-



Ordines transgressa cunctos, & choros caelestium.  
 Pagina in sacra exaratur Virginis sacrum decus,  
 Sub figura Solis huius, mane oriri qui solet,  
 Et suo ortu lustrat orbis vniuersam machinam.  
 Nam suo beata in ortu comparatur ortui  
 Virgo Solis luculento propter innocentiam,  
 Atque summae puritatis eminentem gloriam.  
 Quin ibidem distitatur vasculum admirabile  
 Fulgurans nouo nitore continentiam ob suam,  
 Pignorisque singularis, nectarisque caelitum,  
 Filij summi parentis, ventre quem circumdedit,  
 Quem sinu nec vasta tellus, nec patens caelum capit.  
 Addiditque hunc esse Solem (nempe sanctam Virginē)  
 Architecti opus supremi scriptor ille nobilis,  
 Quod sit ipsa tanto honore condita, & praestantia,  
 Nil ut exstet in creatis rebus olli aequabile.  
 Nam velut solare corpus vniuersis praenitet  
 Rebus ollis, quas videmus, sic nitenti Virgini  
 Nullum opus par inuenitur conditum manu Dei.  
 Sic enim scriptum reliquit in sacro ille codice,  
 Sol in adspectu corusco, nuncians in exitu  
 Vas honoris esse miri, grande opus magni Dei.  
 Arguunt quae verba summo mox fuisse Virginem  
 Praeditam nitore ab ortu, qui cluet modo exitus,  
 Sacrum ad vsum deputatam, & conditam manu Dei.  
 Quippe primum exortus ardens syderis probat decus,  
 Innuit vasis secundum nomen admirabilis,  
 Tertium fert Solis huius pulcritudo, & dignitas.  
 Vase in hoc sponfus decorus iunctus est sponsae suae,  
 Hic suum fauum comedit, cum liquore melleo,  
 Et suo cum lacte vinum candido hausit optimum.  
 Namque lac inebriaui dulce sponsum amabilem  
 Virginali ab habere haustum, & temperauit pristinam  
 Illius seueritatem, qua solebat plectere.  
 Sicuti delectat ardens intuentum lumina

F

Sol



Sol suo splendore dulci, sic Maria caelites  
 Proprio lepore pascit, atque laetos efficit.  
 Nulla quom sit corporalis Soleres conspectior  
 Nec sit vlla vtilior vsquam, nulla sit praeclarius,  
 Quippe eo lucente bebescent cuncta luminaria.  
 Hoc item de Matre magna quisque debet credere,  
 Si genus mortale spectet, ordinesque caelitem,  
 Qui Mariae comparati lumen abdunt proprium.  
 Tolle Solem mundi ocellum, protinus cuncta occupat  
 Horridum chaos vetustum, sic fidelis, lampade  
 Cassa si foret Mariae, concio squaleretur.  
 Tale quid scriptum inuenitur in sacris oraculis.  
 Ceu iubar solare obortum mundi amocnat climata,  
 Sic decus matronae honestae propriam exornat domum,  
 Vis nequit Solis corusci fructibus marcentibus  
 Reddere amissum vigorem, sancta sed Virgo potest  
 Gratiam sarcire gnato dante lapsam in mentibus.  
 Hic nigris concedit vdae noctis umbris occidens,  
 Vtpote inlustrare totam qui nequit terram simul,  
 Sed chaos condensum opacat semper oram maxumam.  
 Virgo & ipsum vincit Orcum, regna tessit orcia,  
 Dum penetrat ardifoeta caeca corda lampade,  
 Et diem reducit alnum lurida in praecordia.  
 Saepe Soli densa nubes, lunave opposta obficit,  
 Et iubar confundit eius, sed nitorem Virginis  
 Nulla labes laesit vnumquam, nulla perturbatio.  
 Sed quid indicat globoso Solis orbis circulo?  
 Virginem expetisse clamat semper immensum Deum,  
 Lucidum spectasse caelum, & res carentis termino.  
 Hoc nitenti in Sole, venit quom tenebras pellere,  
 Et nigrae mortis satores, condidisse creditur  
 Caelitumque conlocasse Dux suum tentorium,  
 Unde post exiuit ipse splendidus Rex gloriae,  
 Ceu solet nouus maritus florido e cubiculo,  
 Ad fugandum principatus orbis huius impios.

DE



41  
DE LVNAE NOMINE SANCTAE VIR-

gini attributo. Cant. 6. Quae est ista quae pro-  
greditur pulcra, vt luna, &c.



*Q*UOMODO sacro de Sole dictum sit satis, iam  
candida

Ponè Solē consequatur luna, quae cluet  
soror

Ipsius Solis, geritq; Matris almae ima-  
ginem.

Haec enim st quae nocte lucet luna noctem illuminans,

Quaeque nigrae noctis umbras ore laeto discutit,

Vt viator nocte possit rectā iter pertendere.

Nostram Heram caeli cohortes quom viderent inclytam

Culmen in caeleste summo cum decore adscendere

Clamitabant cum stupore sciscitantes inuicem.

Quae nam ea st, quam conspicamur caeli in arcem tendere,

Sponsa, tamquā aurora surgens mane, pulcra vt cādida

Luna, tamquam Sol coruscus, omnium electissima?

Ergo lunae comparari constat almam Virginem

Non sine ratione dotes propter eius nobiles,

Queis videtur conuenire cum Dei Matre inclyta.

Luna lucem mutuatur de globo Solis suam,

Sic Parens captat nitorem, propriamque gloriam

De sui splendore nati, deque prolis numine.

Nam velut pignus beatum de suae substantia

Sancta Matris membra sumpsit, sic Deū dum concipit,

Illius diuinitatis fit quoque ipsa particeps.

Hocce amatus ille Mystes innuit mysterium,

Hic vbi alto conspicatur Angelum descendere

Aethere, atque inluminari terram ab eius gloria.

Angelum labentem ab arce caeli in orbis infima,

Consili magni fuisse nuncium CHRISTVM accipe,

F 2

Porro



Porro terram illuminat am tu Mariam intellige.  
 Docto & illud ore vates prompsit hac de Virgine.  
 Illius thronus manebit Solis instar perpetim,  
 Ac velut perfecta luna, testis in caelo Deus.  
 Dicitur perfecta luna propter excellentiam.  
 Caeteris enim beatis adtributa est portio,  
 Virgini se infudit omnis plenitudo gratiae.  
 Luna quom cuncta vna vincat astra pulcritudine,  
 Caeterosque obfuscet ignis aetheris sercior,  
 Et feratur virga Iesse pulcra, vt ipsa Cynthia,  
 Clamitat naturae vtrique Virginem antecedere,  
 Angelis dico coruscis, atque morti obnoxys,  
 Gratiaeque immensitate, & sanctitatis fulgure.  
 Nam licet sudum per omne caeterae reluceant,  
 Et micent stellae nitentes, luna magnitudine,  
 Et nitore excedit omnis, sicut ipsa caelites,  
 Luna praefert nocte eunti caespites per scrupulos,  
 Asperasque per salebras, lumen & claram facem,  
 Deuius ne longè aberraret, inque praeceptis corruiat,  
 Sic docet vitare Virgo confragosa criminum,  
 Quod ruinam fert saluti cumque nostrae, & obficit,  
 Et viam commonstrat illam, quam quoque ipsa triuerit.  
 Clara Phoebe quom nigrantis noctis umbras liuidas  
 Temperet candore laeto, dictat almam Virginem  
 Cordibus tenebricosis ferre lumen gratiae.  
 Quando Sol, qui Christus audit, in tenebras versus est  
 Per suam necem cruentam, luna tunc quoque haec pia  
 Per dolorem cordis acrem tota versa in sanguinem est.  
 In noua luna propheta buccinare nos iubet,  
 In die sollemnitatis, nam suo ortu gaudium  
 Inchoauit Virgo nostrum, quae salutem protulit.  
 Dicitur Regina caeli luna, quod nocte obsita  
 Nigricantibus tenebris, caetera inter sydera  
 Occidente principatur Sole tali tempore.  
 Sic Dei benigna mater quando Christus cuipiam

Abdi-



Abditur culpa obstruente, tum suam clementiam  
 Criminoso pandit illi splendido cum lumine.  
 Monstrat id situs micantis lunae, humo propinquius  
 Caeteris quae fulget astris adfusa orbi terreo,  
 Et sua terras iacentis luminat praesentia.  
 Quippe adest parata semper subuenire fontibus,  
 Destitutis Sole vero (nempe dulci filio)  
 Promptius cunctis benigna fert opem caelestibus.  
 Proprium lumen receptat luna de fonte haberi  
 Solis, & reflectit ad nos, sic receptam gratiam  
 A Deo retorquet ad nos, Patre summo luminum.  
 In globo lunae triformis cernitur velut puer,  
 Cyanusve oriri ephebus quando plena visitur,  
 Sic adulta quindecennis Virgo Christum protulit.  
 Imperat tumultuoso luna ponto menstrua,  
 Et vagas exercet undas, sic Maria inertia  
 Excitat saecula Imperatrix, nec sinit torpescere.  
 Dicitur quoque esse mater luna roris algidi,  
 Aridosque reficere agros, quos ferus torret calor,  
 Tale item munus Maria sancta habere creditur,  
 Nam facit crebro virere rursus, atque vivescere  
 Gratia menteis vigenti, dira quas terrestrium  
 Vsserat cupido anhelata rerum, & ardor aestuans.  
 Dicitur creata luna, ut praesideret luridae  
 Nocti, & umbras temperaret, sic Maria st edita  
 Ut ferat tenebricosis lumen, atque fontibus.  
 Luna semper Solis orbem spectat, & suum iubar  
 Haurit inde luminosum, sic Mariae intentio  
 Ad Deum adspiravit ardens, totaque inde exsplenduit.  
 Luna quod nocti decorem, fertque pulcritudinem,  
 Noctis esse *ἀγλαΐα* fertur; sic Maria saeculum  
 Excolit caliginosum, & obsitum ignorantia.  
 Quin adhuc mortali in hocce constituta corpore,  
 Atque vitae obscuritate plena fulsit lumine  
 Gratiae perfecta luna dicta priscis patribus.

Nocti



Noctiluca aduelat ignem Solis obtentu suo,  
 Ipsiusque obscurat orbem, sic Maria lucidam  
 Operuit diuinitatem corporali tegmine.  
 Syderum choris coruscis fulua Phoebe cingitur,  
 Ac velut Regina obitur, sic supremi Principis  
 Regiae Matri obsequuntur agmina immortalium  
 Perpeti gaudere luna noscitur silentio,  
 Et sacra quiete pasci, sic puella haec inclyta  
 Exstitit tranquilla semper, inque perturbabilis.  
 Quom ferant quoque esse lunam qualitatis frigidae  
 Defluque humoris, vnum dat pudorem Virginis,  
 Alterum demissionem fastui contrariam.  
 Falsum erat, quod aestimarit posse lunam carmine  
 Deripi caelo vetustas, esse sed verum probat  
 Quisque votis posse, vt assit, deuocari Virginem.  
 Luna si crescat, medullae opimiores ossium,  
 Atque fiunt pleniores, nostra sic deuotio  
 Auctior fit luculentae Virginis consortio.  
 Quare eam rogare quisque debet, vt pectus suum  
 Repleat vigore sancto, quo vigescat iugiter,  
 Indiesque augeat ille feruor, atque adfectio.





## DE NOMINE AVRORAE SANCTAE

Virgini attributo. Cant. 6. Quae est ista quae progreditur quasi Aurora confurgens, &c.



*AEC* item est Aurora dicta Virgo ab illa  
scilicet,

Supparo quae mane Solem luteo com-  
pta inuehit,

Et modum ponit nigranti nocti, & um-  
bras terminat.

Nam simul coorta Ditis trudit antra in liuida  
Purpuranti laeta vultu, quae tenebant omnia,  
Horridae noctis tenebras, & diem laetum inchoat.

Sic Maria exorta noctis triplicis caliginem  
Terminauit, dico legis inuolutae ambagibus,  
Inchoans pacti nouelli lumen auspicabile.

Editoque veritatis luculentae Antislite,  
Alteras discussit umbras noctis inlaetabilis,  
Mentibusque caecitatem dispulit mortalium.

Tertiae demum ipsa abegit noctis infaustum chaos,  
Nempe culpae noxialis squallidam fuliginem,  
Quae genus nostrum occuparat Protoplasti crimine.

Nam licet parens creatus lucido in meridie  
Primus esset conditoris exprimens imaginem;  
Attamen peccando clarum lumen illud perdidit.

Quando delenitus anguis sponsione callidi  
Rescidit sacrata iura, spirituque transfugae  
Haesit, abiecitque voltus dignitatem pristini.

Nec modo infausto misellus destinavit funeri  
Semet, ac malis tenebris, verum & omneis posteros  
Obruit funesta clades illa, & inuisum chaos.

Nec ferè est posthac repertus quispiam, qui lurida  
Dissipata lumen alium cerneret caligine,

*Sed*



Sed lues, crescente mundo, dira concrevit simul.  
 Donec obtentu nefasto conglobata obscuritas  
 Haec magis, magisque gliscens in dies vastum aera  
 Atque terrae obsedit oras, turbulentaque aequora.  
 Haec inauspicata erat nox, noxque detestabilis,  
 Qua genus nostrum refractis proterebant bestiae  
 Omnibus passim vagantes obuium repagulis.  
 Nec modum fecisset vnumquam pestis ingrauescere,  
 Obsito Matuta mundo ni noua illucesceret,  
 Ac diem nouum referret tetra monstra territans.  
 Qualiter bubonum heoi pulcer ardor syderis  
 Moenium minis ab altis mane primo exterminat  
 Spiculis vibrans coruscis, omen auersabile.  
 Nam Deum produxit orbi, qui tenebras orcias  
 Discutit, menteis serenat, damnat atros Daemonas,  
 Liberatque emancipator venditos sub crimine.  
 Hoc quoque aurorae albicantis munus esse nouimus,  
 Pellat ut sub antra nigra visa nocturnas auces,  
 Territetque obscoena monstra, quae tenebris gestiunt.  
 Sic Maria abominandas orta pellit haereseis,  
 Impiasque factiones, atque commenta arguit,  
 Lusciososque vrget hosteis veritatis se abdere.  
 Quippe amat caecis latebris omnis oblitescere  
 Improbis, lustrisque gaudet, fumidisque ganeis,  
 Qui malo errore implicatur, lumen odit candidum.  
 Haud secus quam infesta cunis paruolorum infantium  
 Strix nefasta, triste omen noctuarum informium,  
 Quaeque solo innisa stridet bubo fidens culmine.  
 Nam suis diffilauit auris mortuorum numina  
 Aureis, delubra tractu culta longi temporis  
 Diruit, ritus reuellit, ac profanas naenias.  
 Virgine aduentante clara, coepit euanescere  
 Quae dubijs ludebat ante furua gens ambagibus,  
 Perdidit Dodona sorteis, atque Pytho delphica.  
 Pessum abiit sistrata iunx, atque latrator canis,

Et



# THEOTOCODIA.

49

Et suum fanum reliquit pulsus Ammon corniger  
 Nec Themis resedit ultra incesta in oris Phocidos.  
 Obsoleuit Branchidarum vanitas Apollinis,  
 Proprioque excessit antro tetricus Trophonius,  
 Ardalus Troezenae fugit, & locris Proserpina.  
 Fugit & Latona Bruto ciuitate Aegyptia,  
 Territus sede emigravit Pergamena Asclepius,  
 Et suum Ismenon profanus liquit augur Teneros.  
 Quin magos exterminauit, Persicosque aruspices,  
 Orphei portenta dira, Zoroastrique orcia  
 Sacra, quis excire manis, atque sensus vertere.  
 Hanc fugam cernebat ille praepetem, qui dixerat,  
 Sub figura furis atri, callidique adulteri,  
 Et viri caede impiati. Per tenebras noctium  
 Suffodiunt lares domorum, mentium videlicet  
 Subruunt nostrarum opima templa atroces Daemones,  
 Diripiunt, vexant, profanant nocte in ignorantiae.  
 Sed rubens aurora mane si repente illuxerit,  
 Hanc putantes mortis umbram delitescunt protinus,  
 Expauent inquam Mariae fulgidam praesentiam.  
 Qui genus mortale sectas dissecare in plurimas,  
 Et duces sese esse vitae iactitare suenerant,  
 Hos simul confudit almo veritatis lumine  
 Edito praeclara adeptis Virgo sectatoribus,  
 Edito Sole aequitatis, quem prophetae praedicant:  
 Vnde centum aureis coronis promeretur cingier.  
 Hocce erat vetustus augur quod profatur inquiens  
 Emicabit virga quaedam praepotens ex Israel,  
 Quae duces Moab refringet, diruetque funditus.  
 Quidquid olim concioni recta sentientium  
 Inferebat labem abegit pessumorum dogmatum,  
 Sustulit commenta falsa cum suis auctoribus.  
 Dic ubi tua improbe Ari factio execrabilis?  
 Et tua Eutyches profane perduellis Virginis?  
 Quo Manes, Nestorve abiit, Marcion cum caeteris?

G In



In dies porrò ipsa sectas pullulantis arguit  
 Impias, damnatque magnis editis miraculis,  
 Ad sacrosque oueis reuerti deuias monet greges.  
 Nam nihil praepollet olli, nil habetve antiquius,  
 Nil prius, quàm sospitare perditos quamplurimos,  
 Et malis periclitantes è periculis tollere.  
 Et nequit mortalis, Eos media ni sese ingerat,  
 Ad diem adspirare clarum, sic homo nequam nequit  
 Ad Deum venire gnatum, ni parens interbitet.  
 Ut iubar solet colores, nigra quos ademerat,  
 Nox suos rebus referre, sic Mariae munere,  
 Quae prius fuere manca sunt redacta in integrum.  
 Protulit quippe ipsa Regem sanctitatis principem,  
 Principem perfectionis, atque virtutum caput,  
 Qui Dei in nobis refecit decorem imaginem.  
 Ac velut Matuta Sole nil hebescit edito,  
 Sed magis candescit aucta, sic Maria filium  
 Splendidum commixa creuit puritatis lumine.  
 Nil enim pulcri pudoris foetus ille amabilis  
 Abstulit de flore sacro, sed nitorem contulit  
 Virgini decentiorem, et auctiorem gratiam.  
 Hanc prius cernens caterua quàm sata esset caelitum,  
 Quaeritabant cum stupore; quae nam ea est, quàm lumine  
 In modum aurorae videmus pleniore progredi?  
 Nam videtur illa nocte caerula exoriri,  
 Atque sensim augere lucem, sic Maria obnoxij:  
 Patribus prognata creuit sanctitatis gloria.  
 Ut parens aurora roris, quo resecta germina  
 Arefacta Sole alescunt, sic Maria filium  
 Edidit, vernare sanctis qui facit nos moribus.  
 Flosculi per prata amoena se relaxant adfatim,  
 Et comas surgente laeto proferunt diluculo,  
 Nocte qui tota obserati delitebant moestiter.  
 Edita sic Virgine alma cum corusco lumine,  
 Qui prius p̄j latebant conditi sub nubilo

Publicè



Publici erroris patere quisque coepit illico.  
 Disicit Matuta somnum dormientum è pupulis,  
 Et sua excubare cunctos luce suadet aurea,  
 Indicans abisse noctem, non decere stertere.  
 Sic Maria clara oborta, torpor excessit vetus  
 Pectorum, coepere multi pulcra obire munia,  
 Et sibi vitae manentis comparare commoda.  
 Hacce sunt aurora abacta mentium crepuscula,  
 Caecitas vetusta cessit, cessit ignorantia,  
 Sicque vere aurescit huius cunctus orbis munere.  
 Hanc lues tetra opperita est, qua miselli gignimur,  
 Sed nequijt contingere ipsam, ceu *malutias* dixerat  
 Antea Heros, quem petiuit dirus hostis frangere.  
 Nox, ait, tristis manebit candidum aurorae iubar,  
 Quae plagas lustrabit orbis orta claro in lumine,  
 Nec videre illam valebit nox inauspicabilis.  
 Hoc Patre alloquente natum nomen alium inclaruit,  
 Munera, inquit, liberalis omnibus fundes tuis  
 In tui die triumphi, subiugatis hostibus.  
 De nitore sanctitatis dona fundes largiter:  
 Nam tuae florescet almus ros adulescentiae  
 Ventre ab aurorae nitentis, roscidoque corpore.  
 Quid mage aurorae per alium quit rubentis accipi,  
 Quidve per roris liquorem, quam Mariae clausula,  
 Atque conceptus pudicae Virginis mirabilis?  
 Haec enim nobis beatum protulit Solis iubar,  
 Qui sedenteis in nigrore mortis inuisens ferae  
 Dispulit tenebricosis mentibus caliginem.  
 Hanc celebrat ille Princeps, creta huius sanguine est.  
 O Pater, tuus dies est, noxque mater syderum,  
 Candidam auroram creasti, Solis orbemque igneum.  
 Sed mihi pandas propheta nox quid, et dies fiet.  
 Nox quidem est parens diei, nempe Christi Principis.  
 Is dies, lucem perennem qui tulit mortalibus.  
 Dicta nox non quod nigrescat sordibus parentium,



Sed quòd è tellure nata st, sicut & cunctum genus,  
 Et suis dulcem quietem conferat clientibus.  
 Quòd fuit tranquilla semper, atque solitaria,  
 Ac velut viuens fefellit mente Virgo humilluma:  
 Cuncta quae noctis soporae conficit silentium.  
 Dicta rursum nox, corusca quòd beatorum agmina  
 Fecit in caelo exoriri, pignore edito vnico,  
 Haud secus quàm nox serena clara promit sydera.  
 Sic nouum lumen retexit, sic nouum Virgo diem,  
 Et noua astra visa nondum, nempe Christum Principē,  
 Et sacros greges piorum, qui latebant antea.  
 Id quod ipsa confitetur praestitisse propalam.  
 Feci, ait, nouum emicare lumen alto in aethere,  
 Lumen indefectum, inardent quo polo stellae igneae.  
 Hinc tegi stellante peplo sponsa sacra inducitur,  
 Et caput cingi beatum ter quaterno sydere,  
 Sicut & distincta fulget nox globis micantibus.  
 Dicta nox tandem quòd ipsi, ceu vapores Solis feri,  
 Candidum colorem ademit dura persecutio,  
 Dura probra obiecta gnato, dura diuexatio.  
 Vnde ait, nolite quòd sim, filiae Hierusalem,  
 Fusca, me consyderare, quippe Solis feruidi  
 Decolorem fecit aestus, candidam natam prius.  
 Hac sacra de nocte pastor doctus ille psallere  
 Neruias ciens acutas tale carmen edidit.  
 Nox tibi in modum diei plena fulget lumine.  
 Huic viro mundi architectus, quom foret carus sibi,  
 Noctis huius, & diei dulce nomen protulit  
 Adserens eius nepotes post eum duces fore.  
 Si pote, insit, foedus istuc irritum abrogarier,  
 Quod tuli nocti, ac diei, ne suo exstent tempore,  
 Sic pote & pactum rescindi, quod tuli David meo.  
 Iam redire auroram ad ipsam fortis hortatur Iacob.  
 Is valenter nocte tota cum Deo luctatus est,  
 Quem videns durum esse vinci mane facto sic ait.

Fortis



**Fortis** Heros iam relaxa me, vt queam discedere.  
 Iam rosans aurora surgit, igneumque subuehit  
 Orta Solem, iam sinas me, quaeso, caelum adscendere.  
 Ille ad haec non te remittam, ni mihi dixis bene,  
 Antequam elapsus recedas prome fausta mi omina,  
 Tum petas caelum licebit, & chorum caelestium.  
 Ille ad haec Iacob vocari desines in posterum,  
 Iam tuum nomen cluebit Israel, quod nec Deo  
 Cesseris quidem, magis quam praeualebis caeteris?  
 Quilibet luctamur vncti cum Deo, quom nitimur  
 Obtinere quid rogando oratione sedula,  
 Atque iugi nocte in atra cladium prementium.  
 Sed videns auroram abortam, dico claram Virginem,  
 (Quippe ea est lux illa de qua per prophetam dicitur.  
 Clara lux est orta iusto, & corde rectis gaudium.)  
 Is remittit nos ad ipsam flagitatum gratiam,  
 Ceu suas vices honoris saepe causa, & regia  
 Deferens matri relegat Rex obire munia,  
 Nec tamen debemus vnumquam deprecando absistere,  
 Ni quoque ipsum suadeamus ferre nobis inclytam  
 Israel nomen, queamus quo Deum ipsum cernere.  
 Id decus virtute partum delicat victoriae:  
 Nam Deus celebre nomen dat suis victoribus,  
 Quod duces sibi arrogare quique fortes assolent.





DE LVCIS NOMINE SANCTAE VIR-  
gini attributo. Psal. 96. Lux orta est iusto &  
rectis corde laetitia.



ORRO quis clarae vocamen conuenire  
Virgini  
Lucis almae denegassit, quae nihil cali-  
ginis  
Sensit vñquam creta in aluo matris,  
aluove edita?

Haec enim est lux illa sancta, quam propheta musicus  
Concinebat voce tali, lux id pulcerrima  
Orta iusto, & laeta rectis corde nata alacritas.  
In suo ortu comparatur Virgo felix fulgidae  
Luci ob eius dignitatis eminentem gloriam,  
Quando nil Deo similis luce pura creditur.  
Quippe quae lux exstet illa, quam creator optumus  
De satù nostro creauit, vt tenebras mentium,  
Missa eidem nata ab ipso luce, tetras pelleret.  
Hac enim nascente mundus coepit elucescere,  
Exsistit turpis veteris pallidam rubiginem,  
Induit nouum nitorem terra sudans balsamum.  
Te precor vero ò Maria lux mea, vt fonte huberi  
De tuo in meum refundas cor nitorem amabilem,  
Quo tibi queam nitenti lucidum hymnum pangere.  
Te fore innuebat illa, quam Deus produxerat  
Auream lucem prius quàm texta mundi poneret,  
Vnde Sol concreuit ardens luminum fons omnium.  
Debuit creationi fausta recreatio  
Rite respondisse priscae, & ire per vestigia  
Illius, velut sacrorum ratio poscit mystica.  
Quid Deus molitor orbis dixit in primordio?  
Fiat, inquit, lux serena, liuidam ferruginem

Quae



Quae repellat, ac nitorem fundat in vastum chaos.  
Hoc item verbum imperavit restitutor optumus,  
Quando fecit exoriri fulgidam puellulam,  
Quae sua exornaret orbem luculenta lampade.  
Ceu bonus quondam architectus, quom struit pulcrā domū,  
Prouidet de luce aprica, triste ne tectum fiet,  
Sic Deus lucem parauit virginalem Ecclesiae.  
Nec sine instinctu putandum est, atque nutu prouido  
Spiritus sancti Mariam nuncupatam nomine,  
Quae iubar sonat maximum, siue sydus aequoris.  
Ac velut solare corpus luce de primaria  
Creditur fulsisse cretum, sic nitenti ē Virgine  
Inclutum Solem aequitatis Christum obortū credimus.  
Quippe Sol de luce natus filium dabat Dei,  
De puella nasciturum, quae sua pulcra indole  
Candidae lucis referret puritatem lymphidam.  
Additurque ibidem, vt illam viderit lucem Deus  
Conditor bonam emicasse, quod quoque ipsi Virgini  
Congruit dictum benignae, & vniuersis vtili.  
Vtilis fuit ruinis innouandis caelitem,  
Qui per ipsam sarcuntur, vtilis mortalibus  
Peste iniqua liberandis, atque acerbo funere.  
Fert opem quoque ipsa iustis, fert misellis fontibus,  
Dum quidem hos conuertit, atque copulat gnato suo,  
At probos virtute adauget, ditat amplis gratijs.  
Praesto adest secunda nautis aura fluctuantibus, (munt,  
Hosq; agit portū ad salutis, quos malae aerumnae pre-  
lis refert gratum leuamen, omnibusque commoda st.  
Porro quod diuisa ab vmbri ipsa fertur luridis,  
Indicat secretam ab atris mox fuisse saeculi  
Labibus, deuota summo quando deducta st Deo.  
Nam suam gnatam parentes obtulere trīmulam,  
Impigram Deo ministrā, sicuti spoponderant,  
Gratius manu parato numini sacrarium.  
Hic tenebrae saeculares iure dicuntur viri,

Rebus



Rebus additi caducis, atque fluxis saeculi,  
 His Deus lucem diremit, nempe diam Virginem,  
 Tum ferunt pupam tenellam quindecim templi gradus  
 Mysticos scandisse nixam nemini mortalium,  
 Quod dabat debere cunctos ordines supergredi.  
 Nam nouem classes feruntur esse diuum in aethere,  
 Angelos graio vocare quos suemus nomine,  
 Porro sex ex orbe sumptae, quas super Diua eminet.  
 Sicque verum euenit illud, quod paroemiographus  
 Dixerat. Multae sibi ante congregarunt ditias  
 Filiae, tu vero longè transilisti caeteras.  
 Ergo diuino puella mancipata cultui  
 Bina lustra mansitauit sub penetrali sacro,  
 Nubilem matura taedis donec aetatem attigit.  
 Sic Deo probante adulta Virgo sponso traditur  
 De tribu prognato eadem, scilicet quem virgula  
 Prodidit repente amicta fronde, & albis flosculis.  
 Sed scopum ad nostrum feramur, dirigamus spicula  
 Mente miti prompta ad almam virginalem lampada,  
 Atque lucem conferamus corporalem mysticae.  
 Lux serenat densa quaeque, pellit umbras liuidas,  
 Sic Mariae luce fulua cessit ignorantia,  
 Cessit error orbe toto, pulcra luxit veritas.  
 Lux sua natura amica se omnibus communicat,  
 Adfatim se blanda praebet; sic Mariae comitas  
 Se exhibet bonis, malisque subuenire gestiens.  
 Cuncta moerent luce cassa, cuncta squallent turpiter,  
 At renident luce tincta, sic nihil laetabile,  
 Nilque amoenum virginali destitutum gratia.  
 Adsolent secura corda freta lucis munere  
 Effici pauore pulso, sic clientes candidae  
 Virginis fauore Diuae tuti vbique mansitant.  
 Lux facit stirpem ad creandam, & nutriendam corporū,  
 Atque ad augendam creatam; sic propagat in dies  
 Spiritalem Virgo, alitque prolem, & auget lucida.

Sub



## THEOTOCODIA.

57

Sub serena luce apertae machinae insidentium,  
Et doli patent maligni. Diua pandit manuum  
Consilia tenebrionum, pandit astus improbos.  
Quare eam inuisam latrones expanescunt inferi,  
Quod suas fraudes reuelans efficit saepe irritas,  
Nec sinit circumueniri turbam amicam, ac decipi.  
Lux honorem rebus ollis, ac leporis gratiam,  
Quas super se fundit, addit, sicque fulgor Virginis,  
Quae vigent in orbe honestat, quaeq; summo in aethere.  
Deme mundo lucem amoenam, quid nisi obscurum chaos  
Restat, & confusa moles? tolle claram Virginem  
Pulcritudo moeret omnis, occidit cunctus lepos.  
Quis tenere porro prima corpora inter caetera  
Nescit almae lucis auram? sic Maria nobilis  
Ante nostrae genti honore cellit, & caelestium.  
Lux licet contingat vsquam spurca rerum corpora,  
Nil trahit contagis atrae, sic Mariae sanctitas  
De profani faece volgi nil recepit sordidum.  
Nam velut per noctis umbras luna lucet, nec tamen  
Noctis umbris inquinatur, sic nec hilum saeculi  
Hanc tenebrae polluere virginali lampada.  
Lux habet vitae calorem semper admixtum sibi,  
Quo fouet contacta cuncta, sic amorem candidum  
Virgo habet, quo mater omneis ceu suam prole educat.  
Omnia lucem concupiscunt contueri, ac perfrui,  
Quae valent visu sagaci, perspicaces caelitum  
Sic auent tui phalanges Virginis sacrum iubar.  
Qui viam per noctis umbras pergit, offensus ruet,  
Luce tutus ibit idem. Qui sine alma Virgine  
Vitam agit, nutat, vacillat, vix potest consistere.  
Lux vehit vires deorsum corporum caelestium,  
Et mouet subterna cuncta, sic Maria principem  
Detulit Christum superne, & excitauit saecula.  
Lux habet splendorem amoenum secum vbique candida,  
Deque se progignit illum, Virgo promit filium

H Unicum,



Vnicum, secumque gestat, quo refulget vndique.  
 Multiplex probatur esse lux sui diffusilis,  
 Quippe se propagat ample, sed nec istoc nomine  
 Virginem suam replentem vincit orbem gratia.  
 Iam sine ulla lacione lenis immensum acra  
 Lux supra, ac metitur infra; sic Mariae leniter  
 Fax polum permanat omnem, nostra lustrat saecula.  
 Ut nihil concrecionis, nilque crassi nubili  
 Lux habet solaris in se, pura sic tota emicat  
 Virginis succensa lampas flore de puro Dei.  
 Lucis est peculiare tenuiora corpora  
 Reddere, ac subtiliora, nec Maria pondere  
 Desinit mentis grauatas eleuare terreo.  
 Cernimus nubes aprica protinus sublimius  
 Luce in auras subuolare, sicque amore Virginis  
 Tacta humo se corda tollunt templa caeli in lucida.  
 Quid quoddam & lux fulua nouit cogere ad se diffita,  
 Atque in vnum congregare, dissidenti eis allicit  
 Virgo ita ad se nationes, atque in vnum copulat.  
 Cerne quam diuersa eodem multitudo confluat  
 Visere angustum sacellum colle Loreti situm,  
 Quo suum concepit alium, & educauit filium,  
 Nam velut lucem intueri gestit omne sensile,  
 Hac calere, inluminari, sic bonae mentes petunt  
 Virginalem lucem, ut eius consequantur munera.  
 Lux facit virere verno tempore, & florescere  
 Arbores, frugemque ferre, sic Mariae gratia  
 Plurimos facit vigere viuidis virtutibus.  
 Talibus quomodo Virgo sancta dotibus sit praedita,  
 Quid sua cum prole fari, lux ego orbis luridi,  
 In tenebris qui volet me vir sequi, non ambulat.  
 Proinde consectemur illam, & obsecremus iugiter,  
 Ut suo splendore nostra (ceu cluet nomen suum)  
 Pectora inlustret tenebris inuoluta tristibus.



19  
DE STELLAE MARIS NOMINE SAN-

ctae Virgini attributo. Num. 24. Orietur

Stella ex Iacob.



AE C licet Regina Solis, atque lunae can-  
didae

Nomine appelletur eius propter emin-  
tiam,

Haud ob id tamen recusat stella nuncu-  
parier.

Non recusat stella dici, quod sit indelebile

Illius praefigne nomen, stellae ad instar cardine

Quae poli subnixae summo stat perenni tempore.

Haec enim est primaria illa stirpe nata ex Israel

Stella, quae praeluxit ante caeteras ecclesiae

Mystico in caelo, emicauit vnde Christus omnium

Luminum sator nitore cretus huius syderis.

Haud enim concepit illum sordida e libidine

Diua, sed diuini amoris irrigata flammula.

Quippe in hanc descendit omnis fons amoris Spiritus,

Qui supremo e Patre manat, vnicoque filio,

Integramque fecit aluum Virginis tumescere.

Hunc adhuc desyderaret perditus caligine

Mundus infelix, nisi esset hancce nactus Virginem,

Quae suo decore summum traxit ad sese Deum.

Quin trahit terrae colonos huius ad caelestia,

Segne discutit veternum, discutit torpedinem

Frigidae infidelitatis, arguitque inscitiam.

Tanta vis est virginalis stellae, vt vsque ad infera

Regni vibret fulgur alium, temperetque liuidas

Noctis umbras turbae amicae sede in inlaetabili.

Sub sinus, inquit, profundos, terrae & alta in viscera

Intro, & illic dormienteis, qui suam fidem in Deo,

H. 2. Atque



Atque firmam spem locarunt vniuersos visito.  
 Et licet stella omnis exstet quaedam imago Virginis.  
 Attamen maris vocari stella gaudet amplius,  
 Cui suum debere nomen plurimi docti adserunt.  
 Haec ea est, quae semper haeret Arctico polo assita  
 Stella inerrans, semper ipsum circinat vicinior  
 Caeteris, spectandaque ardet semper immersabilis.  
 Quae quidem si cuncta sanctae Virgini adplicaueris,  
 Comperibis fluctuosi iure ponti dicier  
 Stellam, & olli tale nomen addecere maxime.  
 Quando nil excogitari quit Deo coniunctius,  
 Cardini rerum supremo, verticique altissimo,  
 Quam Patris dilecta sponsa, & alma mater vnici.  
 Ipsi adhaeret semper, ipso pendet, ipsi iungitur  
 Copula perfecti amoris, stella ut axem amplectitur,  
 Continetque angusta facta Regis aula caelitem.  
 Sic quoque orbis tota in ipsa vasta moles vortitur,  
 Adiuvatque rerum habenas temperare filium,  
 In gradu locata summo, dicta Princeps omnium.  
 (Haud enim primo, aut secundo, sed nec ipsa tertio  
 Alma sacro principatu continetur insita,  
 Sed refulget sempiternae Trinitati proxima.  
 Ceu sit praecellit omnes astricos ignes maris  
 Stella latius celsiore, sic Maria culmine  
 Tollitur supra vna coetus altiore caelitem.)  
 Id Pater curans ab orbis dixit usque exordio:  
 Haud decet virum esse solum destitutum compare,  
 Huic iuuamen demus aptum, quo labores perferat.  
 Quo magis prope ista summo cardini stella adsidet,  
 Certius commonstrat illum, sic Deo propinquius  
 Quom nihil sit matre, cumdem pandit exploratius.  
 Huc docet contendere aciem mentis, & subducere  
 Nos ab hocce turbulento, quo perimus gurgite,  
 Et bonum adfectare summum, propriumque exposcere.  
 Quod videtur stella ponti vix loco mouerier,

Addo-



Addocet numquam vagatam lubrica vortigine  
 Pectoris, fide tenaci sed stetisse immobilem.  
 Porro quod stet ista mundi stella parte à dextera,  
 Virginem numquam excidisse gratia clamat Dei,  
 Et modo adsidere gnati dextrae honore regio.  
 Nunc quoque illud differamus, quid sibi adpellatio  
 Haec velit stellae marinae, quidve praestet muneris,  
 Publicive usus, benignaeque adplicemus Virgini.  
 Sic cluet navis magistri, quodque gnari navitae,  
 Quom cita tumultuosa puppe tranant aequoris,  
 Hanc solent servare caeli promicantem in limite,  
 Atque ita infidum per aequor rectum iter pertendere:  
 Idque agunt magis, volucrem si ratem conlidere  
 Asperis turbo minatur fluctuosus cautibus.  
 Quippe ubi periclitari sese in vndis sentiunt,  
 Atque pessum abire spectant ad facem huius stellulae,  
 Sicque saxa caeca vitant, dira vitant funera.  
 Tum malus si turbat error noctis umbris obsitos,  
 Nec vident quo rostra vertant, quove cursum dirigāt,  
 Eripit fraudem viarum, deviosque corrigit.  
 Haec agit stella ergo nautas dux per aequor turbidum,  
 Et vagos portum reducit noctis in caligine,  
 Tum labantur per procellas corda fulcit languida.  
 Denique ereptos profunda servat è voragine,  
 Sicque opus nos destitutos Sanctam in hanc intendere,  
 Publicae portum salutis tutum, & aram gratiae.  
 Quippe qui iactamur vndis turgidae insolentiae,  
 Denique erramus inter nubila ignorantiae,  
 Otioque desidemus, ac veterno perditum.  
 Atque adeo vagae perimus mentis inconstantia.  
 Quare ad hoc sydus serenum, perfugium diuinitus  
 Vnicum cunctis paratum ( dico claram Virginem )  
 Undique adspiremus omnes, ni velimus criminum  
 Obrui fluctu nefasto, vel dari praeda hostibus.  
 Quippe si spectemus illam dira cuncta euadimus.

Nec



Nec secus qui transit huius hanc notet vitae mare,  
 Ac solent Phoenices vrsam, quam minorem diducunt,  
 Atque Achaeus nundinator Parrasin Callistoa.  
 Quisquis hanc seruat sagaci perspicax prudentis,  
 Neutiquam diram Carybdin incidit superbiae,  
 Nec voluptatis profana mergitur voragine,  
 Hunc nec excaecant tenebrae luridae ignorantiae,  
 Nec furens procacis aestus raptat iracundiae,  
 Aut gulae absorbet voracis Scylla vasto gurgite,  
 Sed triumphalem refertam mercibus caelestibus,  
 Transito mari malorum, & inferis praedonibus  
 Victor elusis, locabit sospitem in tuto ratem.  
 Ergo Virgo nacta nomen est marini syderis,  
 Incolas quod orbis huius turbulenti sospitet,  
 Candidaque luce noctem lustrat atri saeculi.  
 Quod quidem non desit vniquam sacrum opus perfungier,  
 Sed magis tunc egit istuc, quom iubar de proprio  
 Corpore illud fudit alium, quo renident omnia.  
 Quin & hoc insigne nomen ad piae clementiam  
 Virginis potest referri, qua solet solarier  
 Qui mari iactantur alto, nempe amarum cladibus.  
 Nam solet turbam misellam tristis aegrimoniae  
 Obrutam vndis recreare, subleuare lugubres,  
 Quos piget peccasse lapsos, ingemuntque amariter.  
 Testis est mortalis ille, transfugam qui addixerat  
 Se tyranno furui Auerni proprio chirographo,  
 Improbae cedens homullus impotens cupidini.  
 Is negarat quidquid omnes factum in ipsa credimus,  
 Moxque pertaesum nefandi perpetrati criminis  
 Virgo ademit impetrata pace ab orci faucibus.  
 Quosque habet male adfluentis nausae molestia,  
 (Taedium loquor laborum, & actionum fortium)  
 Excitat discusso inerti languidos fastidio.  
 Quin potest marina rite stella nuncuparier,  
 Quod statum vitae innocentis lapsa numquam perdidit,  
 Num-



Numquam ab alto sanctitatis corrui fastigio.  
 Nam velut stella illa inhaeret vsque caeli in cardine,  
 Nescit occasus ruinam, sic nec vmquam gratiae  
 Lapsa ab arce Diua cessit tincta fluctu criminum.  
 Huius instar Iani habebat patris immerfabilis  
 Arca, quam nequiuit aequor vanitatum mergere,  
 Sed supernatauit vndis omnium cupidinum.  
 Quippe virtutum quadrigae, & singulares gratiae,  
 Ne profani posset aestu turbulento saeculi  
 Obrui, sublimem ad astra subuehebant Virginem.  
 Sed caue, sis, parua volgo, caeterisque exilior,  
 Quod videtur esse in axe nautica stella insitis,  
 Arguas id paruitatem denotare Virginis.  
 Quando id est signum quod omneis dignitate transilit,  
 Si Deus paruos repensat ampliori gratia  
 Spiritu, graduque honestat celsiore in aethere.  
 Ac licet magni videtur stella ponti paruola,  
 Attamen virtute tanta pollet, vt sibi adtrahat  
 Ferreique vim rigoris, gemmae & indomabilis.  
 Sic pusilla Virgo ferro duriora pectora,  
 Atque saxis efficaci surdiora gratia.  
 Adlicit, ducitque, ferrum ceu lapis Magneticus.  
 Porro quod septeno obitur stella dicta sydere,  
 Inclutam caeli coronam totam adesse Virgini  
 Indicat, septemque seorsum maximos Archangelos.  
 Quin queunt fulua astra septem circum eam cingentia  
 Gratias signare sancti septiformis Spiritus,  
 Quis velut Regina sero sacrosancta comitur.  
 Haec queunt septena gaudia indicare identidem,  
 Quae sua de prole in ista nacta luce proditur,  
 Quaeque nunc in regno olympi gloriosa percipit.  
 Et quia ipsa saecularium, nautici instar syderis,  
 Neutiquam cor tinxit aestu turbido rerum suum,  
 Sed bona aeterna adpetebat fluxa mundi respuens.  
 Huic data est suprema sedes in Dei vrbe lucida,

Quae



Quae sita in septemtrionis fertur esse partibus,  
 Et choris saepta una fulget caelitem conspectior.  
 Ac velut stella illa numquam conditur sub aequoris  
 Fluctibus, Virgo perenni sic renidet tempore  
 Omnibus facem salubrem praeferens mortalibus.  
 Hincque vasti spectat orbis nationes subditas,  
 Patriamque immunem ab omni monstrat illam turbine,  
 Adiuvatque fluctuantis vitae in huius aequore.  
 Sin placet quoque adde dictis, scilicet volatilis  
 Quod Aquilo descendit istac parte natus ardua,  
 Indeque ingruens in orbem furua disflatur nubila,  
 Alta ponti stagna flabris concutit sonantibus,  
 Saepe humo turreis celeberrimis aequat, ac tecta edita,  
 Illices frangit tremanteis, dura sternit robora.  
 Sic quoque istac Virginali maxumus septemtrio  
 Prodyt sublimi ab arce, nempe Christus inclutus,  
 Qui sua vi dissipavit horridum errorum chaos.  
 Saeculaque acri torpida idem classico praeconij  
 Excitavit, spiritusque fastuosos perculit,  
 Veritati contumaces, ac tyrannos perfidos.  
 Ferre fertur sanitatem corporalem Aparctias,  
 Qui suo flatu fruuntur, Christus aegris mentibus  
 Dat valere, pellit idem corporum contagia.  
 Quis queat referre cuncta noster Aquilo, quae gerit  
 In modum flatus Borei? quippe & ipse congelat  
 Candidas niveis docendo puritatem pectorum.  
 Laxam humum restringit idem marcidorum corporum,  
 Dum voluptatum coercet improbam lasciviam,  
 Atque luxum temperantis lege continentiae.  
 Grandinem porro ipse denset, ac trisulca fulmina  
 Fabricat, torquetque in orbem, dum minatur trudere  
 Carcerem in tetrum rebelleis, in tenebrasque extimas.  
 Quin Syris cluere venti nomen huius abditum,  
 Atque opertum constat, usque quaque & hocce congruit,  
 Quem Deus occultum prophetae, dictitantque absconditum.  
 Nam



## THEOTOCODIA.

67

Nam latet sinu in paterno, & sanctae in aluo Virginis,  
 In sacris vatum figuris, in vetustis patribus,  
 In necis perpeffione, & inuolucro corporis.  
 Hunc prius sponsa euocauit de sua alta regia  
 In suum sinum sub horti florulenti nomine,  
 Vt latentem exciret eius nobilem fragrantiam.  
 Nec modo ipsum adciuit ad se sponsa votis feruidis,  
 Et frequenti oratione, verum & eius comparem,  
 Humidi sub nomine Austri, nempe sanctum Spiritum.  
 Illa sponsa erat Maria, quam videbat Salomon  
 Antequam progigneretur spiritu prophetico  
 Florituram singulari sanctitate praeditam.  
 Surge, ait, liquentis aethrae pennipes sator Aquilo,  
 Tuque ades mi praepes Auster cum tuo vdo flamine,  
 Per meum flate hortum, & eius profluent aromata.  
 Atque mox dilectus, inquit, noster horti in proprij  
 Commigret saeptum, suorum carpat vt feracibus  
 Ramulis pomorum opimum suauae fructum olentium.  
 Hic queunt suauae odores inclutae fragrantia  
 Virginis signare morum sanctiorum semina,  
 Nec minus duplex aroma Virginalis pignoris.  
 Quando enim vis sancti in ipsam lapsa caelo est Spiritus,  
 Et sibi Virtus paterna fecit ipsi vmbra culum,  
 Prodiit tum flos gemellus ille, odorque amabilis.  
 Hocce mortis exoleuit putor exsecrabilis,  
 Nam nouam vitae perennis spem suis cultoribus  
 Adtulit, lucisque saeculis pandit vsum interminae.




I DE



## DE STELLAE MATUTINAE NOMINE

sanctae Virgini attributo. Apocly. 2. Qui vicerit,  
& custodierit vsque in finem opera mea,  
dabo ei stellam Matutinam.



**V**NC age alterum canamus sydus illu-  
strissimum  
Post maris stellam coruscam, quippe &  
huius nomina  
Adplicant mystae Mariae, & qualita-  
tes Virgini.

Id quidem est astrum illud ingens syderum pulcerrimum,  
Quod solet Matutae heoo tempore anteuertere,  
Luciferque à deferenda luce in orbem dicitur.

Et Venus laeto ore ridens, & Diana phosphoros.

Phosphoros quidem Diana, Luciferque dicitur,

Tethyos quom mane glaucis fluctibus canae enatat,

Ac nouum face antecedit Solis ortum praeuia.

Verum vbi crineis in amnem floreos Atlanticum

Abluit Solem secuta, Vesperugo dicitur.

Nam licet Regina non sit antelucanum iubar,

Mane quod se tollit vndis Amphitrites caerulae,

Ac solet rotam ante Solis ire, vel retro insequi,

Sed fidelis Patriarchae Virgo creta semine,

Attamen gaudet vocari nomine huius syderis,

Scilicet conforme clarae quod sit eius indoli.

Nam velut diem recentem laeta Diana inchoat,

Discutitque noctis umbras omnibus denuntians

Iam fores pultare Solis praepetem currum aureas.

Sic Maria illustris orta nuntiabat adfore,

Qui fugata pestilenti pectorum caligine,

Conderet caeleste lumen, aureumque saeculum.

Nec modo huius antecessit principis praesentiam

Auspi-



# THEOTOCODIA.

67

*Auspicans faustum nitorem, sed suo de corpore  
Edidit puerpera almo, stella ut auram lucidam.  
Nam velut iubar recepat, ac remittit proprium  
Stella Solis versa ad orbem, intenta sic soli Deo  
Concipit suum Maria, filiumque enititur.  
Taliter phoenice castam candidum adspectum ferunt  
Obtueri mane Solis, contuendoque omnibus  
Igne concepto medullis dulce carmen fundere.  
Quin & orbem illustrat amplum moribus caelestibus,  
Nam probata vita Divae (cantat ut sacer chorus)  
Saeculis exemplar ardens, atque lux nova exstitit.  
Sic suis mortale cunctum conveniunt genus  
Cultibus virtutum honestis, ac lepore florido  
Facta forma sanctitatis, atque continentiae.  
Quam bene ergo a deferenda luce nomen Lucifer  
Additur Divae, novenis detulit quae mensibus,  
Protulitque lumen orbis, totque praebet munera.  
Et licet tali rebellis dictus esset nomine  
Angelus, qui praesidebat caeteris sublimior,  
Haud tamen servavit illud umbra factus lurida.  
Detulit secum tenebras, non iubar laetabile,  
Quod se ab almo fonte lucis, Patre vortit luminum.  
Sicque post caliginosus, restititque noctifer.  
Quin & alter tale gestat nomen, ille scilicet,  
Qui Deum tinxit lauacro sacrosancti fluminis,  
Quod tulit luci fidelis ultro testimonium.  
Sed magis Virgo beata debet istoc nobile  
Possidere nomen, alium quae iubar mundo intulit,  
Per quod ipse fulget orbis, templa fulgent caelorum.  
Huc quoque adde, illustris ortum comparari Virginis  
Phosphori nascentis ortu, nascitur quae filia  
Gratiae, non irae acerbae, sicut omnes nascimur.  
Gignimur tenebricosi luce, cassi gratiae,  
Sicque nascimur miselli, at ipsa nata ut lucifer,  
Nempe tota clara, & omni praedita innocentia.*

I 2 Vnde



Vnde & hac de virginali luce dictum credimus  
 Cladium viro probato multiformi examine.  
 Num suo induces tu beorum sydus orbi tempore?  
 Quin videtur comparari posse beoae lampadi,  
 Caeteris quod vna claret pulcrius sacris choris,  
 Qui tenent sedes supernas, sicut astris lucifer.  
 Tum fuit quoque ipsa clarus lucifer, quom filium  
 Edidit clarans prophetas, atque legis abdita  
 Sensa promens, ante nota nemini mortalium.  
 Nam latex tenebricosus est aquai in nubibus  
 Aeris, vates canebat, in prophetis scilicet,  
 Paginisque abstrusa sacris delit et scientia.  
 Stella Matutina Solis deserit numquam rotam,  
 Siue surgit, siue pessum it, sic comes superstiri  
 Diua Virgo semper haesit, occidentique vnico.  
 Quem reuersum mox ad alta consecuta sydera,  
 Splendidum Solem aequitatis virginalis stellula  
 Subditum mundum incolorat sempiterno lumine.  
 Dicitur iubar, nocere ne queant, blanda face  
 Temperare Solis ignes, Virgo sic magni Dei  
 Mitigat iustum furorem, ne cremet saecula impia.  
 Feruidi conflare amoris mutuum conspirium  
 Stella fertur Solis index, sic Deo nos copulans  
 Virginalis faustiori flamma iungit foedere.  
 Quos Deo inuisos reatus noxiorum criminum  
 Fecerat, rursum reducit pristina ad concordiam,  
 Inter hos, Deumque ruptam gratiam resarciens.  
 Quin velut diem futurum praenuenire noscitur,  
 Luciferque nuncupatur stella Solis aemula,  
 Sic facem lucet Maria mentis umbris obsitis.  
 Lucet ijs tantisper, ortus donicum refulserit  
 Solis ardor sempiterni, quo fugata inscitia,  
 Criminumque dissipatis ijs diescat nubilus.  
 Plura quid referre amici de venusto sydere  
 Hoc oportet, quando gigni cuncta rerum interpretes  
 Hoc



Hocce tradunt lato in orbe, concipique germina?  
 Quippe sero & mane nascens rore vitali omnia  
 In suo conspergit ortu, sicque conceptus creat.  
 Hinc licet plane aestimari, quam Maria polleat.  
 Hesperon denuum putarim posse Diuam dicier,  
 Quod malos respectet atra nocte mentis obratos.  
 Donum uti vitale possit lucis ollis pandere.  
 Quippe Vesperugo lucem prorogare nititur,  
 Et vicem conatur eius occidentis reddere,  
 Quando Sol caput recondit lucidum sub aequore.  
 Quod quidem facit Maria quando Christus deserit  
 Nos misellos, lumen alium nititur protendere,  
 Temperatque noctis umbras pectorum nigrantium.  
 Area in caeli planetae tres oberrant inuicem  
 Proximi, sublimis ardor Solis, & Cyllenius,  
 Ignis, & iubar venustum, quod Cytheren dictitant,  
 Sol quidem vitae vigorem, spiritumque suggerit,  
 Influit nepos Atlantidis callidam ad sollertiam,  
 Sydus at iucunditatem ferre heoum dicitur,  
 Trina porro haec apta, & inter se inuicem connexa sunt,  
 Inuicemque adglutinantur, nam quiesca postulat  
 Vita cum lepore laeto prouidam scientiam.  
 Atque si horum desit vnum semet amplectentium,  
 Vspiam nec possit vllus gentium iam viuere,  
 Nec foret vitalis illa vita, si quis viueret.  
 Nec parit stella ista tantum alacritatem gentibus,  
 Quae suo sub regno habentur, sub suoque horoscopo,  
 Sed sereno claritatem fert eisdem lumine.  
 Insupersua efficaci vi sub ima pectora,  
 In medullasque vsque labens tactu amoris adficit,  
 Imprimitque formae honorem, gratiamque amabilem.  
 Sic suos beatiori Virgo luculentia  
 Assolet mactare puro comparata Phosphoro,  
 Impetrando inluminantis gratiam scientiae.  
 Filio coniuncta rerum dat suis caelestium

Notio



Notionem veram amicis, sicut ipsa praedicat,  
 Feci ego in caelis perenne lumen exoririer  
 Splendidi caeli vocantur hic viri caelestia  
 Regna amantes, porro lumen nesciens hebescere,  
 Norio ipsa mysticorum sensuum recondita.  
 Hanc sophorum turba habere concupibant ingiter,  
 Sed Dei favore cassi, & stellulae huius lampade,  
 Numquam eam quivere nisi proprio nanciscier.  
 Quin perinde ut stella totam candida inlustrat face  
 Caerula sub nocte terram, sic Maria in saeculi  
 Istius crassis tenebris lustrat omnem ecclesiam.  
 Lustrat inquam perspicacem conferens prudentiam  
 Mentibus concretione terrulenta pinguibus,  
 Quare alumnam gnaritatis vspiam se nominat.  
 Haec simul formositatis fert venustam gratiam,  
 Non quidem ipsa corporalem, quam potest nequissima  
 Gens habere, sed nitentem puritatem mentium.  
 Mentibus contaminatis filij cum numine,  
 Eximit concretam in imis pristinae labis notam  
 Sensibus, pueros relinquit expiatis sordibus,  
 Nam velut stella ipsa fuscae noctis umbras discutit  
 Solis ob coniunctionem, sic beata e cordibus  
 Vitia pellit foeda nostris iuncta mater filio.  
 Haec enim st stella illa Matutina medio in agmine  
 Nubium densarum oborta, quae nigram caliginem  
 Dissipat saeculi profani, cunctaque obscoena omina.  
 Ceu lupi inbar rapaces, atque nocturnae striges  
 Antelucanum pauescunt, sic & huius candidae  
 Quaelibet pestis perhorret Virginis praesentiam.  
 Hanc tremit feralis Orcus, & profunda Tartari  
 Regna lucis almae egena, centicepsque bellua,  
 Denique & mors expauescit, & tenebrae lividae.  
 Nam inbar percellit ardens integellae Virginis  
 Monstra sancto inuisa Patri tortuosa caelitem,  
 Nec valet quodcumque tetrum cominus consistere.

Ad



*Ad Mariae dulce nomen inuocatum protinus,  
 Ceu lupi praedam rapaces quae retentat viscera,  
 Derelinquit pertinacum vis proterua Daemonum.  
 Quin lues tristis facessit, aegritudo mentibus  
 Anxijs excedit omnis, membra languor deserit,  
 Ceu tholis frequens tabella fixa sacris indicat.  
 Hanc amor, leposque semper, atque miris suauitas,  
 Gratiae sequuntur omnes, & venustas aurea,  
 Atque honos comes pudoris, & decens pudor simul.  
 Qua beatum cumque gressum fert, virescunt omnia;  
 Hic rosae rubent amoenae, candicant hic lilia:  
 Hic croci color renidet, & nitens violae coma.  
 Quin suo dulci lepore mitigat tigris citas,  
 Mitigat saeuum leonum semen, & pardos truces,  
 Et magis si quid creatur efferum terra, aut mari.  
 Porro quod iucunditatem perpetem vitae adferat,  
 Innuit dum dicit ipsa, sum David stirps, & genus,  
 Splendidaque luce vibrans stella matutina sum.  
 Proinde qui siticulosus, maceratusque acribus  
 Aestibus commigret ad me, captet vndas lympidas,  
 Flumen & vitae beatae iuge gratis hauriat.  
 Quin suos accersit ad se, seque adire prouocat:  
 Vos me, ait, vos quaeso adite, conuolate ad me vndique,  
 Ac meorum fructu opimo vos replete germinum.  
 Sed modum dic stella sancta, quo te adisse quibimus,  
 Te frui, tuoque fructu, nempe si persolvere  
 Sedulo laudum sacrarum munia accurabimus.  
 Nam solet laeti leporis impetrare gratiam  
 Nemini, laudare magnum qui Deum neglexerit,  
 Proinde grato quisque promat corde laudes numini.  
 Id docet nos per figuram quando tympanistria  
 Tympano capto Maria subrutis Aegyptijs,  
 Dulcibus modis Tonantis concelebrauit manum.  
 Quin docet per se beata, quando dulce canticum  
 Diua prompsit ore sacro maxumas summo Patri*

Gra-



Gratiā agens quod ipsam tot bonis ornauerit.  
 Nam velut stella ipsa matutina syluestreis aues  
 Excitat mane ad canendum, sic Maria ad carmina  
 Sancta praecentrix Deum nos prouocat sonantia.  
 Denique ignem sancti amoris adflat in praecordia,  
 Flammula sacri caloris segniter torpentium  
 Mentium ciet vigorem Regis alti pronuba.  
 Quippe quoddam suaue philtron fundit in se amantium  
 Cordibus, suum quod illos dulcem amare filium  
 Prolicit noua repletos suauitatis gratia.  
 Hinc sui sese fidelis voce sacra interpretis  
 Vspiam dilectionis pulchrae alumnam nuncupat,  
 Se benignam sacri amoris nuncupat materculam.  
 Hoc tamen conferre nulli Diua munus adsolet,  
 Illices vincat valenter ni prius cupidines,  
 Sicut ipsa cuncta vitia fortiter pessum dedit.  
 Ergo sanctae si velimus esse cordi Virgini,  
 Gratiāque tantam apisci, prauitatem vincere  
 Gnauiter curemus omnem; nam secus nequibimus.  
 Nam velut contriuit ipsa, contuditque anguis caput  
 Inferi, non illi amicus quispiam pote effici,  
 Ni prius supplantet artes perduellis callidi.  
 In sacris ita inuenitur exarata paginis,  
 Fulgor vt meridianus vespere exsurgat tibi,  
 Teque vbi absumptum putaris, exorire, vt lucifer.  
 Quin tuum pectus valenti fulcies fiducia  
 Spe data, defossus alta sic humo condormies,  
 Usque securus quiesces, nemo te exturbauerit.  
 Hanc lubens stellam venustam strenuis victoribus,  
 Vicerint qui saeculum, & eius illecebras sordidas,  
 Syderum Rex pollicetur sempiternus tradere.  
 Si quis (inquit) iussa nostra sedulo obseruauerit,  
 Impiūque vim proteruam saeculi peruicerit,  
 Huic dabo volens beoam stellam habere propriam.  
 Hunc mihi largire quaeso Christe Regum maxime

Pal-



## 73



K DE



## DE STELLAE REGIAE NOMINE SAN-

ctae Virgini attributo, nempe eius, quae magis mirabiliter in ortu Christi apparuit.

Matth. 2. Vidimus enim stellam  
eius in Oriente.



ESTAT vt stellam comantem, quae Magis adparuit,

Atque eos duxit corusco crine ad incubula

Maximi Regum, canamus tertio demum loco.

Nam perinde & ista signat gloriosae Virginitatem,  
Indolem, pingitque mores, ac supra dictae duae,  
Quamquam eam non aequè eisdem lineis quaeque exprimat.

Id genus faces fuerunt vel necem portendere,  
Vel grauis Regum ruinas, versionesque urbium,  
Nam rubent lugubre, & irae semper edunt omina.

Stella vero Regis ortum nostra quom denuntiat,  
Vindicis nostrae salutis, atque pacis auspiciis,  
Caeteris stellarum inardet milibus serenius.

Huic Leonis corque cedit, & Iouis nutricula,  
Cedit Arcturus, nec ausit Virginitatis spica aurcae  
Huic suos conferre crinis, ludicrumve Mercuri.

Nam suum Sole explicante fulgur astra caetera  
Propriam lucem recondunt, delitescunt illico,  
Obruta immenso fluente exuberantis luminis.

At nihil nouae ardor huius obstupet stellae obsitus,  
Nil hebescit luminaris principis praesentia;  
Sed simul cum Sole oborto Rege fulget syderum.

Idque dat cognosse magnae Virginitatis praestantiam,  
Quae licet conlata Soli, nempe Regi filio,  
Parua sit, cum Sole lucet conditore syderum.

Quippe



Quippe quom cuncta astra Diuum Solis ad veri iubar  
 Ora pallent, matris almae nil nitori derogat,  
 Ut pateat Virgo quantum distet ista à caeteris.  
 Id simul carae Parenti singulare contulit  
 Munus, ut notescat altae prolis excellentia  
 In suae matris decorae praenitenti gloria.  
 Ergo nil perpeffa damni, nil diei lumine  
 Stella laesa, bina curat, nempe matris inclytae,  
 Et simul gnati eminentem dignitatem pandere.  
 Proinde quisque rite posset syderi isti imponere  
 A die nomen Diurno, quod die per aetheris  
 Permearet alta Solis nil hebescent lumine.  
 Haud secus Reginae honorem monstrat admirabilem,  
 Quod Magis crinita stella visa, deinde euanuit,  
 Mox recandens duxit illos Regis ad praesepium,  
 Rex enim noster benignus non in ampla nascitur  
 Regia, thorove eburno, verum ut orbis hospitem,  
 Publico profudit illum Virgo diuersorio.  
 Quatuor stella ergo miris hisce rebus innuit,  
 Quatuor quoque esse in alma mira facta Virgine,  
 Ipsius quibus notare quimus eminentiam.  
 Unum erat, quod integella, neminique cognita,  
 Dum viri contactum abhorret, dumque contubernium,  
 Vnicam signata summi concipit prolem Dei.  
 Alterum, defectione quod sine illum detulit,  
 Integer concreuit aluo, et absolutus omnibus  
 Partibus suis eodem temporis vestigio.  
 Tertium, quod virginali non aperto operculo,  
 Nil nota laesa pudoris pristini foetum edidit,  
 Cui solet trocum rubentem terra verna enitier.  
 Quartum erat, quod educavit lacte presso ex hubere  
 Proprio neglecta ab aeuo lege naturae insita,  
 Filij rigans labella virginali nectare.  
 Haec quaterna mira vatum praecinebant buccinae,  
 Virginem qui floruere multis ante saeculis.



Nam Deus suis prophetis sensa pandit abdita.  
 Proinde primus inter hosce, & omnibus celebrior.  
 Ecce, ait, concipiet alma Virgo foetum floridum,  
 Efferet quem pura in oras luminis puerpera,  
 Patriaque adpellitabit voce natum Emmanuel:  
 Butyro vascetur infans, atque mellis nectare.  
 Quo bonum adprobare norit, & malum refellere.  
 At nouum, secundus inquit, magnus in terra Deus  
 Omen edet, vniuersisque insuetum saeculis.  
 Nam virum sinu puella continebit caelibe.  
 Tertius vero propheta, dedicata haec principi  
 Porta, ait, nulli patebit, nec vir illam gressibus  
 Pollnet, Deus per illam transiit quippe Israel.  
 Quod si aues teste adprobare quartum adhuc miraculum,  
 Ne pigescat lectitasse nuptiale canticum,  
 Illiusque facti habebis grande testimonium.  
 Quippe ibi sibi obtigisse inducitur praegestiens  
 Turba patrum Christum amictum carne nostra visere,  
 Et sacris pendentem ab eius matris almae mammulis.  
 Quis mihi, quis, inquit illa dulci amore percita,  
 Det meum fratrem inuenire copiam sine arbitris  
 Te foris fugentem honestae casta matris hubera?  
 Te profecto sic repertum limen extra patrium  
 Millies desuauiares, oscularer millies  
 Tam diu desyderatum, moque nemo sperneret.  
 Sed caue mireris illud, putidumve existimes,  
 Quod ferat Christum esse fratrem, quodque germanum suum,  
 Quippe iure humanitatis id decus sibi adrogat.  
 Quatenus Deus supremus Christus est noster sator,  
 Omniumque, quae videntur, quaeque se abduunt aethere,  
 Quatenus de stirpe nostra, noster est frater simul.  
 At quia haec inuiscrata, perque mira postmodum  
 Euenirent, ante mirae quatuor praecesserant  
 Haec figurae, vera ut isthaec saecula credant postera.  
 Nam rubus primum indicabat, quem propheta legisfer  
 Viderat



Viderat flagrare flamma, nec tamen comburier,  
 Sed manere intactum vt ante frondibus virentibus.  
 Is rubus flagrans, nec acre sentiens incendium  
 Plenus igne dat virentem Virginem complerier,  
 Prole diuina, pudoris nec pati dispendium.  
 Nam velut nil laetum adurit flammens vapor rubum,  
 Sed magis collustrat illum, sic Deus matris suae  
 Pullulans nil decolorat, sed mage auget gloriam.  
 Nec suapte id nata virgo st, vt rubus de semine  
 Nata nostro, at singulari vt stella facta gratia,  
 Quae suum nil laesa pulcrum concipit radium, ac parit.  
 Concipit suum nitorem stella de Sole integra,  
 Parturitque intacta eundem, sic suum de Spiritu  
 Concipit signata sancto Virgo, & edit filium.  
 Haud enim decebat illum, qui salutis munera  
 Venerat deferre in orbem, dignitatem perdere  
 Inclytae matris, sed illam clariorem reddere.  
 At secundo sicca virga congruit miraculo,  
 Quae ratam vt creationem comprobaret Praesulis,  
 Et tumultum murmurantis agminis compefceret.  
 Temporis puncto euirescens, atque eodem nomine  
 Fronduit, floresque fudit, atque fructus huberes.  
 Sicque turbae contumacis fregit insolentiam.  
 Tale opus typum gerebat sospitalis Virginis,  
 Quae statim, vt Deo adq̄uenit, atque consensum dedit,  
 Illico est foecunda facta, & praeis aucta munere.  
 Nam velut recisa virga stirpe nullo caespitis  
 Vidi vigore fota derepente protulit  
 Frondium laetos corymbos, gemmulasque floreas.  
 Inque foetus nocte eadem largiter sese induit,  
 Sic sine vllō humore foeta seminali extrario  
 Detulit Virgo absolutam partum ab ipsa exordia.  
 Haud enim concepit illum, caeterae vt vulgo solent,  
 Quae suos successionē temporis formant satus,  
 Sed simul concreuit alio totus vno tempore.

Conti-



Continent informe pondus, atque crudas offulas  
 Caeterae primum carenteis sensibus vitalibus,  
 Moxque eas maturat aetas, perficitque debita.  
 Sed simul Verbi subiit numen aluum Virginis,  
 Omnibus concrevit auctum partibus corpusculum,  
 Atque vir perfectus idem, floruitque idem Deus.  
 Verum opus nulli id videri debet admirabile,  
 Quando qui nunc vërre alescit nō homo est tantūmodo,  
 Sed Deus, Deique proles, conditorque syderum.  
 Quare & hoc non quivuit illa, virga vti de semine  
 Nata nostro, verum vt alto stella facta munere,  
 Quae suum inbar propagat totum eodem tempore.  
 Virga erat, terrae colebat qua solum inum corpore,  
 Stella vero vt eminenti caelicultrix pectore.  
 Virga erat, qua florulentum protulit corpus sui  
 Vnici, sed stella fulgens qua nitorem splendidae  
 Edidit diuinitatis, virga qua fructum adtulit  
 Caelitum, sed stella radijs qua rigat terrae infima.  
 Nunc age ad typum feramur tertij miraculi  
 Explicandum rite in actis exaratum iudicium  
 Israel sub fortis albo Gedeonis vellere.  
 Vellus id primum madescit rore lapso ex aethere,  
 Postmodum expressum repleuit concavū conchae sinū,  
 Idque erat suae adferendae gentis omen maximum.  
 Nam bonus scitatur Heros num parente ē caelibe  
 Concipi summus creator vnicū natum velit,  
 Ut suos emancipatos morti, & orco exsolueret.  
 Quippe si signum dedisset tale, tum confideret  
 Se quoque infestas potesse copias evincere,  
 Quae sibi imperant tributum turpe, & angunt duriter.  
 Ergo ponit in patenti nocte vellus area,  
 Et rogat madescat illud rore caeli gemmeo,  
 Terra vero posta circum vellus omnis areat.  
 Qui statim petita adeptus dux sacer, Deo auspice,  
 Ipse cum paucis suorum castra rumpit extera,

Et



Et refert clarum trophaeum liberatis ciuibus.  
 Vellus illud rorulentum praeferebat Virginem,  
 Non quidem complendam aquoso rore, sed magni Dei  
 Prole sancta, cuius exstat ros figura mysticus.  
 Porro victor exstat instar Patris almi filij,  
 Is nigranti extendit album nocte vellus area  
 Rore caelesti imbuendum, quom Mariam Virginem  
 Nulla in orbe fruge laeto, saeculo ignorantiae  
 Obsito squallore tetro, praeparauit gratiae,  
 Vt sinu Regem supremum candido capefferet.  
 Ac sagum Duci beato regium de vellere  
 Propriae carnis pudicae dia Virgo intexeret,  
 Quo potens mortem cruentam, tartarumq; exscinderet.  
 Quin & hoc signo petendo quaeritat fortissimus  
 Israel ductor, queat ne victimam talem dari,  
 Cuncta quae peccata tollat expiando saeculo.  
 Cuius umbram iam tenebant immolatum iugiter  
 Agnulum purum sub amplo foederis tentorios  
 Quippe vellus tegmen agni pacis exstat hostiae,  
 Tum vetus deposcit omen denuo sancirier,  
 Cuius olim ope emigrasse finibus Canopicis,  
 Sospites, ducente Mose, nouerat patres suos.  
 Nempe cum cruore caesi per domos agni hornuli  
 Postibus cunctis inuictis, & superno limine,  
 Horridam euasere cladem perditoris Angeli.  
 Hic enim mactatus agnus innocens, atque integer  
 Illius typum gerebat, qui sacrae adfixus cruci  
 Diluit peccata mundi purpuranti sanguine.  
 Hoc item psaltes propheta rorulenti velleris  
 Non modo inspicit reductam lympida mysterium  
 Mente, sed pulsus celebrat blandulae testudinis.  
 Ecce, ait, descendet altis Rex olympi sedibus  
 Imbris in morem cadentis lanam in albi velleris,  
 Et feret pacem perennem saeculis sequentibus.  
 Ergo in hoc vellus, manente mole terrae squalida,  
 Aethe-



Aetheris manavit arce roris humor deflui,  
 Unda quom diuinitatis lapsa solum in Virginem st.  
 Nec rearis otiosum, nec vacans mysterio,  
 Dux quod idem expresse vellus rore plenum scribitur,  
 Atque ventrem implese presso rore conchae concavit.  
 Quippe & hoc pingebat instar Patris aeterni Dei,  
 Qui sua producta ab aluo Virginis prole vnica,  
 Gratia compleuit orbem terrae, & oras aetheris.  
 Ac velut permansit illud vellus integerrimum  
 Post aquai expressionem, sic & haec puerpera  
 Pignoris post partionem mansitauit integra.  
 Mansit at virgo Maria filium dum concipit,  
 Mansit at dum gestat aluo, nec pudoris candidum  
 Dum sinu deponit almo, cassa florem perdidit.  
 Sed nec hoc est compotita, immune quod vellus foret  
 Passionis, verum vt astrum singulari munere  
 Praeditum, quod omnis expers laesionis fulgurat.  
 Caeterum quod educarit Virgo lacte proprio  
 Ipsa foetum sospitalem, petra monstrat mystica  
 Quae dedit per cussa virga fontem aquai lympidum.  
 Quippe quom gens Israelis per loca errans ania  
 In Dcum commurmuraret, quod siti tabesceret,  
 Feruido sub axe costa Solis acris ignibus;  
 Inclyti iussu Tonantis asperam crepidinena  
 Praesul icit rupis altae, puraque inde profilit  
 Vnda abunde, qua refecta st omnis illa concio.  
 Haec silex erat Maria virgo, de qua praescius  
 Incinit propheta, Regum maxume agnum mittito  
 De petra deserti ad altum filiae montem Syon.  
 Haec enim qua virga segnis gignere, & lactescere,  
 Qualis & natura rupis, fertilis gignit tamen,  
 Atque lacte abundat albo, petra fonte vt huberi.  
 Inde plures recreantur, qui prius cupidine,  
 Et siti rerum aestuabant torrida terrestrium,  
 Qui nihil iam fluxum habere, nil caducum gestiunt.

Sed



Sed nec id puella quinit, vt silex de semine  
 Nata nostro, at singulari vt stella facta gratia,  
 Quae sui actutum nitoris fundit auram splendidam.  
 Quam bene ergo comparatur Virgo stellae lucidae,  
 Quae suo admiranda in ortu nascitur, quam tot modis  
 Mira facta praefigurant, totque sacra aenigmata.  
 Scilicet rubus rubenti non peresa incendio,  
 Praefulisque virga sicco pullulascens cortice,  
 Roscidum Ducisque vellus, petra fontemque egerens.  
 Hic item breui explicandum stella cur haec regia  
 Dicitur, regaleque astrum, regium quod scilicet  
 Denotet genus puellae, augustioremque indolem.  
 Haec enim de praepotentum stirpe Regum profata  
 Se sua pro stirpe honeste rexit, ac regaliter  
 Regium stemma usque adaugens moribus regalibus.  
 Quin velut stella illa Reges duxit ad Christum magos,  
 Moxque eos rursum reduxit sospites in patriam  
 Praenio fulgore pandens rectum iter per denia.  
 Sic parens benigna recta dirigit per saeculi  
 Istius Syrteis profundas nationes gentium  
 Ad suum gnatum, atque caelum veritatis lumine.  
 Quod si ais Diuam vocari posse sydus regium  
 Illius propter fauorem, quo fauet mortalibus,  
 Hoc item sensu probando posse dici existimo.  
 Nam velut fax illa terris adpropinquabat magis  
 Caeteris stellis, ita alma caeteris propensior  
 Diuum adest Regina nobis, fertque opem lubentius.  
 Quin & hoc videtur astro comparanda Regio,  
 Quod magis profana ad urbem proxume aduentantibus,  
 Quae sui madere auebat caede gnati, se abdidit.  
 Quod facit beata tale semper auorsans genus.  
 Nam fugit perosa saeuos, qui cruento pectore  
 Innocentem persequuntur perduelles filium.  
 Haud enim tales merentur experiri gratiam,  
 Virginisque opem benignae, qui maligne laedere

L Caete-



Caeteros ament, sed omni se exhibet genti pia.  
Quin potest sydus diurnum Virgini conferrier,  
Quod suum parumper ignem condidit, sed postmodum  
Extulit Magis, ut ipsum impensius perquirerent.  
Sic quoque ista virginalis stella saepe subtrahit  
Se suis caris, ut ipsam concupiscant acrius,  
Postmodum se vero pandit mira portans gaudia.  
Quippe si exsultare solum tres viros praeludium  
Illius fecit reductum, quid putandum quom suis  
Laeta se Regina promet comptibus caelestibus?  
Et quidem se pandit istac saepe vita in labili,  
Haud tamen contingi aperto fas beatam lumine,  
Verum ubi huius inuolucrum corporis reliquerint.  
Tum suis tandem videndam se exhibebit clarius,  
Quam videre gestiebant, omnibusque gaudijs  
Delibutos ponet illos sempiterna in gloria.





DE NIVIS NOMINE SANCTAE VIR-  
gini attributo. Iob 37. Magna & inscrutabilia  
facit Deus, qui praecipit Niui, ut descen-  
dat super terram, &c.



*A* G N A pars, quae Diua gestat, nomi-  
num celebrium,  
Non modo eius dignitatem, sanctitatē-  
que indicat,  
Sed docet quoque eius vsum, commodū-  
que maximum.

Quale Sol, & Noctiluca, clarum & Aurorae inbar,  
Terra, caelum, stella ponti, lux, & hortus floridus.  
Et levis nubes, & altus mons, & arbos fertilis.  
Scala caeli, stella beoa, margarita candida,  
Iesse radix, & columna, & arca sancti foederis,  
Ciuitas Dei supremi, Solis alta Regia.  
Floridum Sponsi cubile, dulce Verbi vmbraculum,  
Et Dei templum serenum, & vrna manna continens,  
Hortulus nulli reclusus, daedala Iris gloriae.  
Roscidum vellus, rubusque concremari nescius,  
Igneus currus, perennis fons, & ara gratiae,  
Planta cedri, & vitis alma, balsamique arbuscula.  
Palma fortis, inque campis pulcra oliua consita,  
Planta vitae, myrra odora, fructuosa amygdala,  
Laeta myrtus, & pusilla nardus, arbos punica.  
Galbanus, pinus, salixque, ficus, atque cinnamum,  
Floridum pratum, propago sacra vernans iugiter,  
Flosculus croci rubentis, lilium conuallium,  
Et rosa inter delicata nata sentis hispida,  
Sola phoenix, quaeque pollet aquila acuto lumine,  
Gnaua apis, pudica turtur, & columba candida.  
Nauis ad portum salutis conuehens erraticos,

L 2 Pulpi-



Pulpitum Dei coruscum, ferculumque eburneum  
 Lectulus Sponsi superni mille vernans floribus.  
 Iudicis summi tribunal, purpuransque taenia,  
 Germinansque solitudo singulare lilium,  
 Floridumque ver, eburna turris, altare aureum.  
 Porta lucis, porta caeli, porta sanctuarij,  
 Fons oliui iuge manans, atque vas electrinum  
 Calculus candens, liberque clausus. aula regia,  
 Gemmeum sertum, corona regia, manna absconditum,  
 Et patens caeli fenestra, planta vitae perpetis,  
 Atrium sublime, amicta Sole mulier igneo.  
 Sardonyx, ardens topazus, & rubens carbunculus,  
 Fulua iaspis, & smaragdi gemma veris aemula,  
 Et Ducis scutum potentis belli inexpugnabile.  
 Regium sceptrum, corusca lampas, huber horreum.  
 Quis queat referre cuncta nomina huius Virginis,  
 Quae decus patescit eius, quaeque praestat munera?  
 Ergo iure inuitat omnis, prolicitque comiter,  
 Ut suum fructum capeffant, sentiantque gratiam,  
 Taliterque adfatur ore quemque mater melleo,  
 Gnara opum quantum ipsa condit, quid potis largirier.  
 Sum Parens dilectionis, atque amoris candidi,  
 Sum spei, sum celsi honoris, sumque veri culminis.  
 Gratia omnis veritatis, atque rectae semitae  
 Haeret in me, spesque vitae, spesque virtutis sacrae,  
 Quae meis volente nato dona amicis largior.  
 Proinde qui me cumque amatis, conuolate ad me vndique,  
 Vndique ad me conuolate, de meisque inania  
 Adfatim replete vestras quisque partitionibus.  
 Nam meus dulcore vincit suauis nectar spiritus,  
 Ante mel mea it, fauumque sempiterna haereditas,  
 Quin meum manet per omne memoriale saeculum.  
 Qui comest me adhuc famescit, qui bibit sitit magis,  
 Ac magis, qui in me laborat, in scelus prolabier  
 Haud potest, qui me celebrat, vitam habebit perpetem.  
 Hinc



Hinc licet niuis notari cur adoptant Virgini  
 Nomen, ut nimirum honestas, dignitasque inclareat  
 Illius, quantumque rebus consulit nostris pia.  
 Quippe quod candore pollet, algidoque frigore  
 Nix, dat hanc fuisse summa puritate praeditam,  
 Et simul turpi calori non fuisse obnoxiam.  
 Nec modo ipsa algore sacro compta caelebs perstitit,  
 Verum & omnis sese amanteis, & colenteis sedulo  
 Efficit pollere tali dote castimoniae.  
 In suis lenit furorem tristis iracundiae  
 Seruolis, domatque tetrum fomitem lubricum,  
 Dico opum, ventrisque turpis, atque honoris labilis.  
 Quin potest contractiorem delicare spiritum  
 Virginis rigor nivalis, quae genetricem Dei  
 Neutiquam se nominabat, sed ministram parvulam.  
 Nix item candore nostra quod retundat lumina,  
 Virginem compescuisse dat iecur procacium,  
 Nequiter ne sese amarent, neu cupirent improbe.  
 Porro quod facul liquatur, quodque tabescat cito,  
 Hanc eandem adfectione dat pia resolver,  
 Quando conflictamur artis, angimurve incommodis.  
 Tum solet benigna nostris subuenire angustiis,  
 Cladiumque acerba lenit, sicuti mandat Deus,  
 Scilicet maturet opportuna adesse egentibus,  
 Multa, ait, patrat stupenda, & ardua indagarier  
 Inclyti virtus Tonantis, qui niui albae praecipit,  
 Ut super descendat amplam terram ab oris aetheris.  
 Hic niuis sub voce Dinam tu Mariam intellige  
 Mystico de more nostro, porro terrae nomine,  
 Terrea compage cretum saeculum nostrum adcipe.  
 Sic Deus proles beatæ Virginis matri suae  
 Imperat nobis adesse, sospitareque anxios,  
 Quippe qui vult aduocatam nostram, & esse praesidem.  
 Cana quod perstringat aciem, quod queat vix perspicere  
 Nix nitorem ob candicantem, signat almae Virginis  
 Gloriam



Gloriam vix comprehendi, vixque posse percipi.  
 Si ferunt fulsisse tantum donicum nobiscum erat,  
 Vix ut illam posset vlla contueri pupula,  
 Quid putandum sempiterna nunc locatam in gloria?  
 Proditur venisse ad ipsam patricium Mineruium,  
 Pauli alumnum, ac viso honestae Virginis miraculo,  
 Conspicari luculentum clamitasse instar Dei.  
 Ac professum tantum honoris illam ab ore emitte,  
 Quod nisi exploratum haberet de fide sui vnici,  
 Credidisset esse numen vniuersis praesidens.  
 Istius sagaci honorem mente conspicabilis  
 Viderat niuis Sacerdos filij cognominis  
 Ante multis quàm vigeret fusa in orbem saeculis.  
 Ergo vates virginali praecinit sic de niue.  
 Gloriam candoris eius visus admirabitur,  
 Crebritatem ninguidi imbris cor stupefcet intuens.  
 Quis quidem verbis retexit quàm fiet spectabili  
 Virgo compta puritate, quamque sit largiflua  
 Gratijs impertiundis in genus mortalium.  
 Quod niuis natura in altis, & locis sublimibus  
 Gignitur minuta, signat Virginem esse humillumam  
 Mente, quamuis constet ortam regio de sanguine.  
 Decidens candor niualis integit prata herbida,  
 Et satorum laeta culta, tum pruina tegmine  
 Tali operta non perurit, nec Boreas depascitur.  
 Sic fauor sponsae decen' is, atque suffragatio,  
 Ne Dei nos perdat ira facta nostra ob impia,  
 Protegit nos à periclis cladium ingruentium.  
 Ninguis ex longo incubatu terra pinguescit macra,  
 Et solum fit laetum, & huber, sic seges terrestrium  
 Mentium de virginali exhuberant consortio.  
 Quod Noti spirante flatu liquitur nix algida,  
 Atque humum foecundat vdam, dictat almi spiritus  
 Diuam amore adflatam opimis nos beare dotibus.  
 Sed cedo alias qualitates Musa comparabiles,

Quas



Quas Hera cum nostra habere nix aquosa creditur,  
 Hincque capta occasiones consuendi carminis.  
 Nix deorsum lapsa ab alto veste sordidis candida  
 Occulit, fimeaque atra, Diva nostra turpia.  
 Probra mater velat excusando, ne compareant.  
 Iam suae candore fonteis vestit innocentiae.  
 Haud enim patrocinando nos tegit tantummodo,  
 Sed suorum ditat addens de bonorum scrinijs.  
 Pangit id propheta in hymnis inquiens, Lauda tuum  
 O Syon Deum, niuem qui dat velut lanam tibi,  
 Scilicet Divam nitentem pro tuo velamine.  
 Nec quid insuetum videri debet, aut cuiquam novum,  
 Copijs vestire nudos posse mortales suis,  
 Quae Deum immortalem amictu de suo magnū induit.  
 Hocce amictu vidit olim tectum eum vates sacer,  
 Ipse, ait, sator resedit temporum. Diespiter,  
 Illiusque laena candens tamquam erat nix albida.  
 Nix quieto lapsu ab alto se profundit aere,  
 Et niuale ponit aequor, sic benigna aequaliter  
 Exhibet se virgo iustis, exhibetque noxijs.  
 De niue eductum liquorem vim ferunt compescere  
 Aluum habere dissolutam, lubricosque idemtidem.  
 Alma stipat, atque luxu nequiore perditos.  
 Molliori aestate pendent poma quot rubentia  
 De suis ramis, seueros, tot facitque sobrios,  
 Antea qui difflebant turpiter lascivia.  
 Nix feris inuisa, prodit quod pedum vestigia,  
 Obtegitque passionem, sic latebras daemonum,  
 Machinasque Virgo pandit, eripitque pabula.  
 Quod sua nix laxitate non secus quam sponsia  
 Huberem rorem capeffit, signat almam Virginem:  
 Et Dei sitisse dona, et dona adeptam plurima.  
 Nix petit sublimiora montium cacumina.  
 Saepius, sic Diva menteis arduas conuifere  
 Adsolet, loquor, solutas terreis contagibus.

Can-



Candidasque has usque reddit impetrando Spiritus  
 Gratiam sancti, niuis quam cana signat claritas,  
 Sicut ipsa dixit olim Romulae urbis Praesuli.  
 Namque quom sibi Aesquilino colle vellet exstrui,  
 Sirio flagrante templum, ningue fusa desuper,  
 Quae locum tantum occuparet erigendi culminis,  
 Te tua, inquit, gnaua virtus usque eò laudabilem  
 Ponit, vt confiat orsum tale primum, te auspice,  
 Tale opus, nemo quod ausus sit prius molirier.  
 Hic mihi templum exstruendum mando vbi nix mystica  
 Decidit, locumque totum texit albo vellere,  
 Quae quidem candore donum signat almi Spiritus.  
 Hinc reor sanxisse patres hunc diem obseruabilem,  
 Atque festum vbique habendum, quo die miraculum  
 Tale factum, ad finis almae nix quod exstet Virginis.  
 Quippe fiunt continenter mira in orbe plurima  
 Virginis virtute sanctae, non celebrantur tamen  
 Feria peculiari rite, vt istuc adsolet.  
 Sic quotannis censuere publica lucem vice  
 Hanc haberi sacram vbique nedum ob id miraculum,  
 Verum ob id quod comparatur nix nitenti Virgini.  
 Quo niuis demum adplicemus lubricum, ni laudibus  
 Ipsius, queis quisque quantum se tenere eam putat,  
 Labitur tantum, nec vlla laude quit comprehendier.  
 Aequè vti nitaris vdam si manu muraenulam,  
 Aut tenere anguillā in arta, quanto enim illam fortius  
 Postules pressare, tanto elabitur velocius.  
 Quanto enim quis plura dicit, plura restant dicier,  
 Fine nulla terminantur illius praeconia  
 Quam lubet cunctis vbique praedicetur saeculis.  
 Hi cernunt thesauri opimi, quos Deus Iob arguens  
 Adserit numquam attigisse mentis acri indagine,  
 Num ne, ait, niuis fauissas tu subisti candidae?  
 Hinc licebit usque sumat quisque quantum optauerit,  
 Haud tamen vastum profundum explere tale quiuerit,  
 Quin supersint plura sumptis, atque maiora indies.

DE



DE PARADISI TERRESTRIS NOMI-  
ne sanctae Virgini attributo. Gen. 2. Plantauerat  
autem Dominus Deus paradysum volu-  
ptatis à principio, &c.



**S** P E M quoque adferebat huius sospitalis  
Virginis,  
Quod Deus Solis sub ortum seuerat po-  
marium  
Omnibus vitam refertū commodis bean-  
tibus.

Hocce enim horti virginalis cum suis virtutibus,  
Quae notantur rebus illis, quæ refertum erat nemus,  
Mysticum exemplare quoddam proditum est diuinitus.  
Proditum, ut speraret orbis quod figuræ notio  
Praenotabat illa posse tandem apisci, scilicet  
Virginem tot compotitam munerum adfluentia.  
Tradit id scriptor vetustus exstitisse exordio  
Conditum mundi, prius quàm summa rerum existeret,  
Ante quàm depacta moles terrei foret soli.  
Quin situ excessisse fertur montium cacumina  
Omnium, quo nulla posset nubilorum densitas,  
Non vapores terræ, nec atræ vis procellæ attingere.  
Vnde quando dirus imber obruisse traditur  
Omnia, ut scelus nefandum plecteretur mortaliū,  
Usque eò non pertigisse pontus ingens creditur.  
Hic nihil stringit vetustas, nil vietum, aut marcidum  
Visitur, pulcra vigescunt sed iuuentute omnia,  
Quidquid intra tale saeptum floret æuo perpeti.  
Cultaque amnem temperasse laeta amoenum proditur,  
Qui refusus in sonantis quatuor mox vortices,  
Irrigaret vniuersæ terga terræ squallida.  
At nemus perflabat aura lenibus Faunij

M Flo-



Floridum flabris tepentis haud parum incundior,  
 Et fruteta pulcra mihi recreabat flamine.  
 Herbidis comis virebat suave terra olentibus,  
 Floribus passim micabat discolori in gramine,  
 Atque frugum hubertim alebat quidquid usquam provenit.  
 Hic decus magnum enitebat arborum felicium  
 Aureis onusta pomis mitis arbor consita,  
 E quibus, si quis comesset, esset expers funeris,  
 Unde de re adpellitatur congruo cognomine,  
 Quod suo de fructu edentum prorogare nouerit  
 Spiritum, Vitalis arbor, planta vitae perpetis.  
 Huc quoque accedebat arbor nobilis scientiae  
 Dicta, quod coorta ibidem mentibus dementiam  
 Demeret, scitaque fruge perspicaces redderet.  
 Huc Deus sollerte cura quem luto compactili  
 Finxerat, nouum colonum duxit, ut laetabilem  
 Possideret hortum, et illum cultiorem redderet.  
 Tot bonis pollens heois partibus seorsum situm  
 Huber alnum erat Mariae forma solitariae  
 Omnium ditis bonorum luculentis gratijs.  
 Quod manu Dei, quod esset consitum sollertia,  
 Suggestebat singulari florituram gloria  
 Virginem, nec comparandam caeteris mortalibus.  
 Quod foret situm sub ortum Solis, ingerit nouum  
 Virgine alma Solem oriri, qui fugata inscitiae  
 Nocte, caecis dulce lumen mentibus praepanderet.  
 Quod foret porro ante rerum conditum natalia,  
 Innuit fuisse mente destinatum in numinis,  
 Virginem ut talem crearet primo ab aevi exordio.  
 Necdum, ait, vorago abyssi facta erat, nec fontium  
 Eruperat latex perennis, nec cacumen montium  
 Arduum stabat sub astra, quando ego prognata sum.  
 Quod nec id turbo proteruus, nec vapores perstringeret,  
 Virginem exsortem futuram terreis adfectibus,  
 Motibusque turbulentis exprimit cupidinum.

Quippe



Quippe erat praeclarus ille, quem beata Terni  
 Cluserat sera perenni, saepseratque gnaviter,  
 Hortulus, ne posset ipsum pestis vlla invadere.  
 Hunc patris summi potestas contra iniqui daemonis  
 Munijt vim, contra & astus callidos sollertia  
 Filij, contra malitiam Spiritus benignitas.  
 Nempe ea decebat illam, cui Deus concredere  
 Vnicum suum volebat, sanctitate excellere,  
 Qua sub ipso nulla maior quit Deo inuenirier.  
 Quod situ nil hic fatiscit, nil putri corrumpitur  
 Tabe victum, signat alma nil fuisse in Virgine  
 Obsoletum, nil vetusto rancidum peccamine.  
 At scatens hinc flumen ingens suggerebat filium,  
 Non quidem lymphis aquosis temperantē humū aridā,  
 Sed sacris fibras quaternis cordium sermonibus.  
 Ipse, ait, felici ab horto more silani exij,  
 Quem sator mundi expoliuit daedalis nitoribus,  
 Huberemque fecit omni gratiarum copia.  
 Quin potest amoenus amnis denotasse huberrimam,  
 Virginisque exhuberantem gratiae clementiam,  
 Quam refundit per quaternos orbis ampli cardines.  
 Optima ipsa testis huius prodat sententiae;  
 In meatus morem aquai profluo fonte huberi,  
 Profluo, nostrumque flumen ad mare vsque adlabitur.  
 Pertinet quid vero ad almam lenis aura Virginem?  
 Clamitat fuisse sancti peruiam solatio  
 Spiritus aestum leuantis, & labores anxios,  
 Clamitat fuisse septem compotem charismatis  
 Ipsius, donisque optimis, quippe sponsam propriam  
 Omnibus benignus auxit luculentis dotibus.  
 Quin viror comantis herbae, & flosculorum gemmulae,  
 Atque ibidem fructus ortus huber ipsam delicat  
 Omnium virtutum honestis floruisse insignibus.  
 Arbor at vitalis illa praeferebat Virginis  
 Vnicum natum, cruentae mortis ultorem inclytum,

M 2 Et



Et repertorem salutis, luminisque perpetis?  
 Hunc adumbrabat quoque illa planta dicta scientiae:  
 Nam cluet Rex noster omnis notionis arbiter,  
 Et rationis fons, & omnium mentium verum iubar.  
 Hic fidei se erigebat cedrus altum in aethera,  
 Pullulabat hic cupressus viuidae spei simul,  
 Tum rosa ardens caritatis purpuranti murice.  
 Hic oliua index virebat lenitatis huberis,  
 Quaeque nulli palma cedit impotenti turbini,  
 Atque lato ad protegendum nata tegmine platanns.  
 Quod Deus nouum inquilinum denique hortum in huberē  
 Duxerit, puellae in aluo non viri de semine,  
 Sed Dei virtute dictat gignier magnum hospitem,  
 Redderet qui fructuosam virginalem clausulam,  
 Cultibusque ornaret amplis florulentae gratiae,  
 Et simul florem pudoris contueretur sacrum.  
 Hisce lucus congruebat cum nitenti Virgine  
 Symbolis, rebusque sacris, pluribusque idemtidem  
 Discrepabat victus, infra quae retexam nauiter.  
 Primulum terrestri in horto de virili condita est  
 Degener foemella sexu, virginali agellulo,  
 Virque verus pullulauit, & Deus verus simul.  
 Patuit ille perditori, qui colonum, ac posteros  
 Interemit, angui atroci, at hic salutis principi  
 Se reclusit sempiternae, clausus angui perstitit.  
 Quin & anguis virulenti, qui priorem foeminam  
 Tabido infecit veneno, & nos per ipsam obnoxios  
 Fecit omneis morti, & orco, obtrinit impium caput.  
 Sicuti truci draconi dictum erat diuinitus.  
 Bella te inter saena ponam, foeminamque mutua,  
 Inter vtriusque semen, haec tuum obteret caput.  
 Illo ab horto extrusus Adam est protoplastus turpiter;  
 Ast honeste in hocce princeps collocatus Christus est,  
 Matris inquam cum pudore cretus Adam postumus.  
 Sic obex conflatus illic nosque, & inter caelites,

Es



Et maceria ducta in altum diruta est hic denique,  
 Inuicemque copulata sunt procul distantia.  
 Ac licet semel per ortum corporalem hunc hortulum  
 Exijt diuina proles, hunc tamen per saecula  
 Incolet diuinitatis templum, & aulam regiam.  
 Creuit illic fructus ater, qui necem mundo intulit  
 Imbuens malis venenis, fructus auspicabilis  
 Creuit hic, mortale saeculum quo reuixit denuo.  
 Arborea terrestri in horto quaelibet iuxta genus  
 Proprium fructum ferebant, Virgo sed supra suum  
 Protulit genus, Deum quae intacta nobis edidit.  
 Nam supra genus muliebre est, virgo quod conceperit,  
 Zonulaque cum pudoris quod sit enixa integra,  
 Atque quod virgo educarit lacte pignus proprio.  
 Sed quid est firma quod vsque virginis hortulus  
 Hic sera claudi feratur, quodque forti pessulo  
 Cantico in sacro asseratur semper oppilarier?  
 Hortus oclusus vocatur, non quod vllus gratia  
 Arceat sua benigna Virgo, sed quod illius  
 Candidum florem pudoris nemo delibauerit.  
 Quin & ipsa dicta opertus hortulus, quod neutiquam  
 Arculam cordis subiuit tetra cogitatio  
 Siue sponte oborta, siue immissa ab hoste callido.  
 Huic nequit phaeacum amoena sylua compararier,  
 Nec solo semper virenti laeta tempe Thessala,  
 Aut nemus Solis, quod ales picta phoenix pascitur.  
 Haec enim numquam adtulere culta germen floridum,  
 Quod tulit clausum perenne virginalis pratulum,  
 Arborem tollentem olentis saeculi putredinem.  
 Hic oriri mala cernas profluenter omnia,  
 Quae rubescunt suauis, & auri flore flauent luteo:  
 Nec genus quod fertur vsquam cumque desit nobile.  
 Hinc & illae emissiones prodeunt amabiles  
 Quae replent iucundo odore quidquid vsquam tegmine  
 Clauditur caeli patetis, quidquid extra extenditur.  
 Cyprus,



Cyprus, & nect̃ar salubre nardus halans naribus,  
 Tum croci colos rubentis, cinnamumque nobile,  
 Atque myrrae planta odorae, planta aloes, & fistulae.  
 Quin ferunt arbusta gemmis hic virere lucidis,  
 Iugiter scatere fonteis aureis liquoribus,  
 Et iubar nostro exoriri Sole luculentius.  
 Hoc vireto in singulari regia sato manu  
 Maxumus Pater parauit omnibus conuiuium  
 Gentibus, quo nemo lautius vidit, aut proluxius.  
 Quippe in hoc agno nitenti, qui scelus mundi cluit,  
 Omnibus sponsam iugauit adfluentem dotibus,  
 Ac thorum taedis beatissimam strauit idem floribus.  
 Hic sacrata nuptiarum foedera auspicatus est,  
 Vnicum gnatum coronaque induit spectabili,  
 Fulgido aduelauit ostro, regis̃que insignibus.  
 Quis queat tot explicasse ferculorum milia,  
 Quisve massici, caleni, caecubique pocula?  
 Regis̃ quis adparatus gloriam admirabilem?  
 His nequit solaris illa mensa compararier,  
 Quam ferunt cunctis patere, qui velint accumbere,  
 Omnibus cibis refertam sponte suppetentibus.  
 Hic supra circumque obumbrant carbasa intentata aurea,  
 Russa, ferruginea, fulua, per columnas lygdinas,  
 Et trabeis per aurulentas, lectulos argenteos.  
 Quis pauimentum superbum gemmeis emblematis  
 Explicet consertum, elenchis vndique albicantibus?  
 Quisve picturae lepores, atque opus toreumatum?  
 Ter beatus, ampliusque qui vireta indugredi  
 Haec queat, Rege adnuente, mysticasque sumere  
 Hic dapes, numquam esuribit, numquam egebit postea.  
 Huc suum praeclarum Amorem casta amica, vt carperet  
 Poma, caeli deuocauit lucidis cubilibus,  
 Et comesset carpta ramis arborum felicibus,  
 Adnuat porro ille votis gratiosae amiculae  
 Crebra se inuitantis, atque praeferacis hortuli

Flori-



# THEOTOCODIA.

95

*Floridum saeptum petiuit, sicut ipsa concinit.  
In suum descendit hortum dulcis ille Amor meus,  
Et procul spirantum adiuit areas aromatum,  
Vt sacris pascatur hortis, colligatque lilia.  
O mihi concedat huius mitis horti consitor,  
Et satus felici in horto fructus horti floridus,  
Vt feracem ingressus hortum dulce pomum colligam.*




DE



## DE PALMAE NOMINE MARIAE

triumphali Virgini attributo, propter eius inui-  
ctam fortitudinem, per quam cunctas vicit  
aduersitates, & contriuit caput serpen-  
tis antiqui. Eccl. 24. Quasi pal-  
ma exaltata sum in cades.



*V*NC mihi quaedam expedire mens pecu-  
liaria  
Suggestit Diuinae attributa Virgini voca-  
bula  
Arborum, quae claro honore praeferun-  
tur caeteris.

Inter has cur palma dici gaudeat retexere  
Nunc velim, sed difficultas terret alti carminis,  
Arduumque opus, sed ipsa fretus auspice ordiar.  
Ergo palma nuncupatur in sacris oraculis  
Palmeum quod gestet instar proferens suauissimum  
Dactylon, quo loeti amaror coepit edulcescere.  
Palmeo nam comparatur pignus almu dactylo  
Virginis, tum propter olli dulce nectar inditum,  
Tum rubrum propter cruorem, quo madescens occidit.  
Quod nec umquam cessit atro principi caliginis  
Mente summo intenta caelo semper, & caelestibus  
Sed caput diri draconis calce forti contudit.  
Adde quod vesaniente flexa numquam est impetu  
Turbidi saeculi, sed ipsum cum suis terroribus,  
Cum suisque virulentis perculit pellacis.  
Quippe enim Cades beatis educata in saltibus  
Creuit usque sanctitate caeteris felicius  
Emicans, nec quiuuit vlla vi maligna inflectier.  
Unde clara praedicari voce victrix se audijt  
Arbitri pugnae insonantis. Dia Virgo haec indoles,

Et



Et tua haec statura palmae comparata est arduae.  
 Hic crucis palmam vocavit Rex triumphalem arborem,  
 At staturam forte robur mentis usque inflexilis,  
 Pectorisque vim potentis nescij pandarier.  
 Nam velut nostri hasta Regis fixa nisu perpeti  
 Crux stetit, dum vindicaret saecula adfremmentibus  
 Circum eam, supraque magnis hostium tumultibus.  
 Sic Mariae mens fidelis, caeteris lapsantibus,  
 Firma mansit more rupis passionis tempore,  
 Quam graues procellae adurgent turbulenti marmoris.  
 Nam licet quot Christus ipse seminiuo in corpore  
 Volnerum gerebat ictus, tot quoque ipsa saucijs  
 Virgo plagas ferret intus anxia in praecordijs,  
 Ac licet confossa acuto cor doloris spiculo,  
 Sicuti senex prophetae antea praedixerat,  
 Quo die dilectum Iesum paruolum Patri obtulit,  
 Haud locum compleuit omnem questibus muliebriter,  
 Nec genas carpebat vngui prouoluta in puluere,  
 Aut scidit comptus reuolsis virginales crinibus.  
 Nilque prorsus indecenter egit, aut incondite,  
 Nil malo externata tanto turbidum ore protulit:  
 Sed suum moerorem acerbum temperabat fortiter.  
 Et quidem prorsus decebat caeteris materculis,  
 Impotenter quae suorum filiorum in funere  
 Eiulant, distare nostram singularem Virginem.  
 Nam perinde ac gnatus almus, aestuans incendio  
 Flammiganti caritatis indolebat acriter  
 Pessum abisse mancipatum tartaro nostrum genus.  
 Id sciebat velle patrem, velle & ipsum filium,  
 Spiritumque velle sanctum, velle cunctos ordines  
 Caelitum resarciendos, velle terram, & aethera,  
 Sicque sub crucis valenter stabat immota arbore,  
 Et suum Patri obferebat candidum agnum ouicula  
 Innocens, piacularem, victimam placabilem.  
 Proinde Dina inuicta propter hancce fortitudinem

N Ne-



Nesciam tanto malorum ponderi succumbere,  
 Ceu phalanx armata nostris horrida est facta hostibus,  
 Si trucum te infecta circum turba sistit daemonum,  
 Ut procellat, inuocato nomen almae heroidis,  
 Et fugabis monstra tetra, ceu fugat fulmen crucis.  
 Nam valet perinde nomen Virginis fortissimae  
 Ad fugandum quodque tetrum, quodque inauspicabile,  
 Atque signum insigne nostri Regis inclytissimi.  
 Ergo agonum censor ille primitus caelestium  
 Arboris fortis vocamen detulit viragini,  
 Ante quam prodiret orta pusa in orbis aream,  
 Nil enim decus Mariae norat aequè ostendere,  
 Atque palmae insigne robur fortibus decens viris,  
 Quod ferunt quoque insecutum, quom migraret saeculo.  
 Quippe ubi almam sospitator maxumus feretrius  
 Vellet in secreta caeli templa Matrem adsumere,  
 Et supra coetus beatos conlocare caelitum.  
 Tum citis comptum decenter legat alis Gabriel  
 Angelum in nemus, quod orbis seuerat primordio,  
 Ac iubet spadica ferre Virgini duellicae.  
 Nempe uti virtutis index eius esset omnibus,  
 Qui sacrum funus viderent virginale efferrier,  
 Et decus praesigne adeptam noscerent adoreae.  
 Isque adit nemus volatu praepeti, & ramusculum  
 Palmeo de crure carpit praenitentem argenteis  
 Frondibus, desertque diuae lectulum ante caelibem.  
 Talibusque adfatur, horto de geniali termitem  
 En tibi fero Alma palmae iussu amati filij,  
 Quem feretrum ante imperabis ferrier functae tuum.  
 Te decet, te praeter omneis Virgo palma nobilis,  
 Mille te decent coronae, & militares laureae,  
 Ciuibus quae liberaasti cum tuis cunctum genus.  
 Hisce dictis laetus ales tranat immensum aera,  
 Seque hero sistit supremo, & expedit quid egerit,  
 Illa agit submissa grates maxumas Patri Deo.

Mox-



Moxque in vnum ex vniuersis Rex sodales congregat  
 Partibus vectos per aethram Matris ad limen suae,  
 Ut fuant praesto emigranti, & iusta soluant funeris.  
 Nam ferunt optasse Diuam tum videre, & alloqui,  
 Ante quam defungeretur, saeculoque excederet,  
 Quidquid in terris manebat illius sacri chori.  
 Quare ei sistuntur omnes pro suo voto ad fores  
 Insimul diuerso ab orbe rapti in altis nubibus,  
 Decubantemque introeuntes repperere lectulo,  
 Non quidem febris acriore, pignoris sed vnici,  
 Quem diu desyderarat, dulci amore languidam,  
 Quod pati nequiret eius amplius diuortium.  
 Id palam testatur ipsa sponsa sacro in cantico.  
 Qui tenetis pacis urbem ferte Dilecto meo,  
 Quod misella amore flagro, quodque amore languo.  
 Huc item celebriore de nota complusculos  
 Tum simul praeter relatos conuolasse proditur,  
 Nempe mystas hierarchis cum suis lectissimos.  
 Te quoque ex Areopago facte noster municeps  
 Cum magistro interfuisse scriptitas praenobili,  
 Et Dei Matrem extulisse per vices aptis modis.  
 Haud enim Sanctam putastis prosequendam naenijs,  
 Luctibusque praeficarum more, sed concentibus  
 Rite factis, quae salutem perditio mundo intulit.  
 Ergo vt hos Regina vidit, consalutat singulos,  
 Omnibusque adgratulatur Gnati alumnis inclyti,  
 Sed iubet Doctorem auere nominatim gentium.  
 Maeste, ait, dilecte fili Paule, noui angustias,  
 Quas tulisti veritate pro tuenda fortiter,  
 Compedes, plagas, labores, milleque aerumnas graueis.  
 Sed tibi preti parata est palma inaeestimabilis,  
 Et corona promerenti sempiterno in lumine,  
 Quam manu sumes benigna filij victor mei.  
 Sicque conlaudabat omnis singulatim Apostolos,  
 Quasque poenas quisque passus, exprimebat gnauius,  
 N 2 Pro



Pro sui que honore Nati, & pro salute gentium.  
 Tum venit quoque ipse Christus cum choro immortalium  
 Tollere in caeleste regnum Matris almae spiritum,  
 Mox reuersurus receptum copulatum corpori.  
 Sic domus candore miro coepit exsplendescere,  
 Et nouo suffitu olere aromatum caelestium,  
 Quo refectus iubilabat coetus ille nobilis.  
 At Deo illa gratulari plena inexplicabili  
 Gaudio, quod hora adesset iam migrandi è saeculo,  
 Atque ouanti dulce carmen illud ore expromere.  
 En tibi Rex confitebor summe princeps caelitum,  
 Te meae salutis auctor, te canam decus meum:  
 Et tuum sublime nomen grata tollam laudibus.  
 Quod mihi adiutor fuisti, quodque custos optumus  
 Vindicasti à clade tristi corpus, & vitam meam,  
 Cassibus de linguae iniquae, tristibusque opprobrijs,  
 Atque contra me insequenteis obstitisti fortiter,  
 De molaribus leonum, pro tua clementia,  
 Liberasti rugientum, & omnibus me angustijs.  
 Rex sub haec animam euocare coepit, vt praesul chori,  
 Praecinens mea electa adesdum, cura ades mea vnica,  
 Te meum thronum esse creui, Virgo ades de Libano.  
 Illa ad haec, Deus paratum, corque promptum adest meum.  
 Gestio dudum emigrasse, vt gratias agam Patri,  
 Et tibi benigne fili, Spiritusque numini  
 Hisce pro mihi adtributis splendidis honoribus,  
 Caritas paterna sponsam, quod sibi me adsciuerit,  
 Tuque praestas dulce germen, dicar vt mater Dei.  
 Quodque me fecit suum ardens spiritus sacrarium,  
 Unde cuncta me beatam propter isthaec munera,  
 Nemini collata ab aeno, praedicabunt saecula.  
 Ergo ades plexa corona vinciam te sydere  
 In meo regno nitenti, ceu me in orbe taenia  
 Virginali cinxisti, & almo corporis gestamine.  
 Te boni propensa Patris, te voluntas filij,

Spiri-



Spiritusque praestolatur. te videre exercitus  
 Caelitum praegestit omnis, laudibusque tollere.  
 Hisce dictis exiliuit gnati in amplexum sui  
 Spiritus candens Mariae luce Solis clarior,  
 Quem lubens excepit Heros summus vlnis obujs.  
 Sicque treis remansit ortus illa Solis candida  
 Corporis compage cassa, prolis exemplo suae,  
 Verum vbi Matuta fulsit ter, resumptis artubus  
 Gloria auctis sempiterna, se recepit ad Deum  
 Omnium stipata nube luculenta caelitum,  
 Tum patere coepit illud peruetustum oraculum  
 Editum iam retro multis sub figura saeculis,  
 Foederis sublata nubes clara de tentorio,  
 Per suasque iere turmas cuncta pubes Israel-  
 Praeuium ductum sequentes nubis admirabilis:  
 Porro ea in Pharan resedit monte solitario:  
 Clara, ait, sublata nubes foederis tentorio st.  
 Nempe Virgo pura ab istoc mundiali tegmine,  
 Israel sequente turba, scilicet caelestibus,  
 Quae Deum spectant, choreis circum eam stipantibus.  
 Conquieuit porro nubes in Pharan secessibus,  
 Quando sancta in luculentis aetheris septem-  
 dica campis collocata st per manus sui Vnici.  
 Hanc Dei nubem coruscam subuolantem ad sydera,  
 Ac nouo complementem odore templa caeli lucida,  
 Caelitum stupens caterua fudit ore talia.  
 Quae nam humi desertae ab oris Dina surgit inclyta,  
 Ceu columna celsa fumi de vapore thureo,  
 Deque myrra ducta, et omni pulue pigmentarij?  
 Tum Saba est Regina felix sacra Idumes moenia  
 Cum frequenti ingressa pompa, nempe Virgo caelitum  
 Cum choris caelum subiuit, proprijsque dotibus.  
 Nec tacet vero ipsa claris quomodo successerit  
 Atrijs caeli patentis, sed manu sui vnici  
 Se refert deductam honore, quo decet matrem optumã.

Tn




*Tu quidem, inquit, care fili dexteram tenens meam,  
 Me lubens deduxti in ampla caelorum palatia,  
 Inque sedem collocasti maxima cum gloria.  
 Iam supremas lucida arceis incolo summi aetheris,  
 Igneae in nubis columna stat meus nixus thronus,  
 Quae iubar caelis perenne feci oriri in arduis.  
 Huic item Reginae honori sub typo praeluserat,  
 Intumum quom limen aulae pulcra Edissa regiae  
 Tota diti compta cultu tertia intravit die.  
 Sic suo cum corpore alma Θεοτόκος deducitur  
 Praenitens caelestem in aulam, sic decoris adcipit,  
 Et preti virtutis ergo palmam inaeestimabilis.  
 Ipsa erat quippe illa victrix palma, quam se dixerat,  
 Ante quam progerminaret, velle adire filius,  
 Atque fructum laetum opimis carpere è spadicibus.  
 Addidit fidemque dictis, quando se exinaniens  
 Aetheris demisit arce matris in sinum piaae,  
 Seque conuestiuit almo corporis velamine.  
 Quare & hanc putamus esse margaritam nobilem,  
 Quam bonus mercator olim, venditis rebus suis  
 Omnibus, tandem repertam comparasse proditur.  
 At negotiator ille quis foret nemo ambigit,  
 Nempe qui migravit ad nos de patris sinu abdito,  
 Ut salutis nostrae obiret arduum negotium.  
 Vendidit porro suas res, quando se exinaniens  
 Induit mortale corpus sumptum ab istac Virgine,  
 Nos suae ut velaret immortalitatis lumine.  
 O nimis felix relictis qui caducis reculis,  
 Hanc sibi indagarit vnam gemmam inaeestimabilem,  
 Hic erit profecto in aeuum diues, & superfluens.  
 Sed puer gigantica germinalem ad palmulam  
 Praescius saeculi futuri nos reuerti praemonet,  
 Hic ubi confert parenti praeuirementem filium.  
 Haud secus florescet, inquit, iustus ille insignior,  
 Atque palmae laeta planta, quae suis felicibus*

Fron-



*Fronibus semper virefcit, fructibusque exhuberat.  
Hinc tibi palmata veftis Imperator vnice  
Chriftc texta, qua proteruis diffipatis hoftibus,  
Hanc triumphans intulifti caeli in amplam regiam.  
Quam chori facri intuentes ciuium caeleftium,  
Quis (canunt) quis ifte, Idumes qui venit de finibus  
Dux fagum refperfum amictus punica finopide?  
Hocce erat fcutum illud ardens, quo coronafli tuum  
Vnicum Pater fupreme, vt dimicaret fortiter,  
Vtque flictu acri petito peftem ab orbe expelleret.  
Hocce eum Pfaltes rogabat, hoc petebat cingier,  
Incinens fcutum capeffe, fcutum & ancile aureum,  
Ac mihi fuccurre preffo, fer falutem perdito.*






## DE ARBORIS PVLERRIMAE NO-

mine sanctae Virgini attributo. Leuit. 33.

Sumetisque vobis fructus arboris pulcerrimae.



*V* A M bene inter alia nomen huic quoq;  
addunt Virgini  
Arboris semper virentis, conferuntque  
floridae  
Arbori, riuos aquarum quae secundum  
consita

*P*orrigit fibras sequaceis ad fluores perpetes,  
Nec verens ortum aestuosae torridum caniculae  
Germinat secura, flores fundit, & fructum huberem.  
*V*nde visum laeta mulcet fronde delectabili,  
Lassulisque amicam in aestu praebet umbram feruido,  
Et sapore blando amoenat frugis ora edentium.  
*Q*uipe Virgo intenta legi, patrioque cultui  
Corde sancta cogitare, sanctaque ore proloqui,  
Et manu sollerti obire sancta quaeque munia.  
*A*rboris nos imperabat sub figura vescier  
Talis ille fruge opima emancipator Israel,  
Quando eos promissam agebat nobilem in provinciam.  
*V*os, ait, novos colonos, quom potiri praedijs  
Fecero, vestris spopondi quae bonis parentibus,  
Tum mihi septem diebus feriari sancio.  
*Q*uipe messe iam peracta, iam noua vindemia,  
Ferias edico sacras inchoandas protinus  
Septimo de mense, in ipso nempe plenilunio.  
*A*tque ne de mente vobis, neve vestris posteris  
Incolas olim fuisse, & inquilinos excidat,  
Moxque me domum reductos, patriamque vindice,  
*H*is volo diebus extra tecta commoremur

Sub-



Subdiales umbra in vda frondium virentium,  
Vnde & haec volgo vocabunt festa Scaenopogia.  
Ac diem vt primorem agatis caeteris sollemnius,  
Ultimumque edico cunctis, neve quisquam polluat  
Publicae dictos quieti functione sordida.  
Tum sibi in primo decorae quisque vestrum sumito  
Arboris fructus, spathasque palmeas cum dactylis,  
Addat ijs & plantae opacos perplicatae ramulos.  
Addat & strictas salignas amne torrenti comas,  
Et Deo coram his diebus vitam agat genialiter.  
Quae quidem sunt sacra dicta intelligenda mystice.  
Sunt enim istaec res peractae, suntque rerum symbola  
Quando quidquid gestum ab illis omne perplexabile,  
Nempe gestum, vt adplicetur rebus nostris gnariter.  
Ergo quod genti reductae finibus Canopie  
Sit dierum indicta festa septimo mense hebdomas,  
Dum suis lucet repleta Noctiluca cornibus;  
Id monet nos post labores saeculi aerumnabilis  
In plagas laetas olympi aetate ductos septima  
Corporum cum claritate gaudio in ingi fore.  
Septimus nam mensis iste septimam aetatem indicat,  
Floridae surrectionis, quando sextam ducimus  
Haecenus mortali in aeuo cum caduco corpore.  
Porro quina dena luna, nempe plenilunium,  
Corporum dat claritatem, datque plenam gloriam,  
Non vt ante diminutam semper, & mutabilem.  
At diebus ducta septem sacra feriatio  
Indicat laeta in quiete perpeti aeuo nos fore,  
Numerus vniuersitatis quod patenter innuit.  
Tum dierum denique horum primus, & nouissimus  
In quiete sacra aguntur, quae vocatur sabbatum,  
Quod quiete cum perenni vita sanctis suppetet.  
Nam dies per hosce ducta sabbato cum duplici  
Circulari ducit orbem, conficitque circulum  
Musicum, quo finis ipsi exordio coniungitur.

O Pri-




*Primulo demum dierum, nempe festo sabbato,*  
*Arboris fructum comesse praecipit pulcerrimae*  
*E catasta vindicatis sordida Deus suis.*  
*Tunc enim, tunc servitute criminum, atque corporis*  
*Perfruemur liberati Virginis fructu inclytæ*  
*Maxima in tranquillitate florido ventre edito.*  
*Fronduit qui more citri semper, atque floruit,*  
*Protulit fructum salubrem, quo refecta saecula*  
*Iam gravi confecta senio pubuere denuo.*  
*Scilicet rufum puellum pulcriorem sydere,*  
*Et super cunctos decorum, quare ad instar sumitur*  
*Citrini pomi nitentis, atque olentis suaviter.*  
*Iussu ad haec eisdem Hebraeis, palmeos ut ramulos*  
*Tollerent, victoriarum quae forent insignia.*  
*Tunc enim decus coronae quisque victor auferet.*  
*Sed quid est, quod idem habere suave olentis myrtae*  
*Arboris comas, & ima quod salignas carpere*  
*Imperantur valle frondis inrigatas flumine?*  
*Anne id est quod fructum acerbae colligemus tunc crucis?*  
*Atque virtutum virenti vestiemur tegmine,*  
*Nil deinde exhuberantum functionibus pijs?*  
*Iamque nostram ad principalem dirigamus spicula*  
*Arborem deprompta mente, non pharetra sutili,*  
*Hanc petamus, quando vates tela nobis suggerit.*  
*Nam volens spectatum in omni sorte virtutum virum,*  
*Ac per id beatorem caeteris ostendere,*  
*Indoli istiusce confert praeferacis arboris.*  
*Integer vir (inquit) almae deditus legi Dei*  
*In modum plantae virescet, quae sata ad iugis aquas*  
*Huberem foecunda fructum proprio edet tempore.*  
*Huncce fructum ego esse duco Virginalis pectoris*  
*Instituta pulcra, prolem sed magis mirabilem,*  
*Edidit quam virgo, ut arbor foeta pomum nobile.*  
*Hocce iactat compotita sponsa sacro in cantico:*  
*Sedi, ait, sub eius umbra, quem diu expetiueram,*  
*Atque*



Atque fructus eius exstat gutturi dulcis meo.  
 Hinc agit grates merenti sospes illi concio.  
 Tu clues tu praeter omnis Virgo felicissima,  
 Vescimur te fructu opimo perpetis vitae auspice.  
 Hoc pius vir integrascit, inualefcitque indies,  
 Et noua floret inuenta, ceu Paroemiographus  
 Adserit fructum esse iusti perpetis vitae arborem.  
 Quin eodem teste & ipsa planta vitae dicitur,  
 Atque eam si quis capeffat, ac tenere quiuert,  
 Hunc refert victurum in aeuum sempiternum alacriter.  
 Haec enim st quae sub figura fruge vitae praedita  
 Exstitiisse florulento planta in horto proditur,  
 Quem Deus plantasse in orbis fertur ipse exordio.  
 Haec eapse st arbor illa mira, quam Rex persicus  
 Per quietem vidit olim, rettulitque interpreti  
 Somniorum perspicaci visionem edifferens.  
 Contuebar nocte, & ecce conspicio miram arborem  
 In medio terrae cacumen inferentem in aethera,  
 Maxima proceritate, praeditamque robore.  
 Terminos haec pertinebat terrae ad orbis ultimos,  
 Adfatim foetu huberabat compta laetis frondibus.  
 Subter hanc ferae manebant, at super citae alites.  
 Haec erat Mariae imago, non profani Principis,  
 Quae sata in terrae vmbilico, nempe ventre ecclesiae,  
 Se exhibet cunctis paratam ferre opem indigentibus.  
 Altitudo porro talis arboris dat Virginis  
 Nobilem demissionem, & comitatis gratiam,  
 Quae cluet vera altitudo, summaque eminentia,  
 Planta quod fortis feratur talis, atque ingens simul,  
 Indicat diae Mariae forte robur pectoris,  
 Copiamque caritatis, & benignae gratiae.  
 Quod plagas terrae replet vnuerfas, delicat  
 Virginem gentis per omnis nomen alium extendere,  
 Ut suo has fructu beato, recreetque tegmine.  
 Quippe quos replet salubri fruge, eosdem protegit



*Sedula defensione continenter, ne cremet  
 Iudicis post ira magni, nec gehennae incendium.  
 Quod genus tandem omne subter belluarum degeret,  
 Et super pictae volucres arborem quiescerent,  
 Et suam inde pastionem, pabulumve carperent.  
 Indicat refectiorem non modo inde excerptere  
 Qui vacant rebus supernis semper, & caelestibus;  
 Sed quoq; ij, qui terrae adhaerēt, brutū vti solet pecus.  
 Sive dic fuisse in istac vniuersorum cibum  
 Arbore alta, nempe Christum pabulum viuentium,  
 Pabulumque dormientium, & resurgentium simul.  
 Sed breui sermone ad alias transeamus arbores,  
 Virgini quarum adplicantur principi vocabula,  
 Et seramus nostrum amoena floridum sylua nemus.*





DE CEDRI NOMINE SANCTAE VIR-  
gini attributo. Eccl. 24. Quasi cedrus exal-  
tata sum in Libano.



*TEM* PVS est cedrum canendi prominen-  
tem caeteris  
Arborū plātis, & ipsi cōferēdi Virgini  
Inclytam versu rotato, deinde & alias  
ordine.

*Sicuti cedrus petessit fulua caeli sydera  
Semper in sublime tendens; sic Mariae intentio  
Ad Deum adspiravit omnis, atque cogitatio.  
Ac velut situ acre lignum nescit imputrescere  
Cedrinum perenne durans; sic Mariae integritas  
Mansit inlibata semper, tabe nulla emarcuit.  
Sicut illa expirat auras nobilis fragrantiae  
Planta late; sic Mariae singularis sanctitas,  
Atque vita oppleuit orbem fama odoris optumi.  
Quin uti fructum illa multis rebus edit utilem,  
Distinet cariem vetustam; sic Maria protulit  
Omnibus partum salubrem, quo lues dira interit.  
Cedrum item laetis virere tempus omne frondibus  
Novimus, nec Virgo plantae cedit hocce nomine,  
Gratiae quae plena nullum sensit aestum criminis.  
Sicut illa enodis, atque tereti recta stipite,  
Sic fuit Virgo sine ullo recta culpa nodulo,  
Recta, levis planta ab ima ad usque summum verticem.  
Quid moror multis? amoenae se cedro met comparat.  
En sum, ait, praelata cunctis clariori gloria,  
Cedrus ut consurgit orta Libani in cacumine.  
Haec profecto st illa cedrus, qua creata st altera  
Matre maior, qua volucrum nidulantur millia,  
Praepetesque pulli alescunt, insident que frondibus.  
Id Sator caelestis olim per prophetam expresserat,  
En capeßam ego flagellum de cedro summum ardua,  
Idque*



Idque captum parte summa rite pangam denuo,  
 Scilicet stringam supremum turionem impuberem,  
 Omnis expertem laboris surculum tenerrumum,  
 Et super deponam odoram monte celso plantulam.  
 Monte sublimi intuentis hanc seram viri Deum,  
 Germinascet rixa fibris, ingrauescet fructibus,  
 Atque cedrus fiet ingens forti adulta stipite.  
 Tunc aues sub umbra amoena conquiescent aduenae  
 Plurimae, nidosque ramis congerent felicibus,  
 Arbores scientque cunctae quae volo posse omnia.  
 Huc quoque adludebat illud vatis aenigma ipsius,  
 Libano plantata cedrus pulcra ramis inclytis,  
 Frondibusque ornata densis inter arbusta omnia  
 Sustulit clarum cacumen aucta plena ad flumina,  
 Libano depacta cedrus, Virgo nata in candida  
 Puritate virginali, & educata idemtidem.  
 Scribitur ramosa, & vndique ampla tendens brachia,  
 Prompta quod sit vniuersos sancta Virgo amplectier,  
 Et piaae protectionis confouere tegmine.  
 At virens coma innuebat frondium vernantium  
 Virginem conuestiendam multiformi gratia  
 Omnium virtutum, & omni sanctitatis munere.  
 Altitudo signat ingens inter arbusta edita  
 Virginem auctam dignitatis celsiore culmine,  
 Omnibusque praesidere coetibus caelestium.  
 Porro fontes plantae alumni legis almae paginae  
 Exstiteret, & scripta vatum, sed magis melliflua  
 Verba gnati, quis rigabat vsque pectus sedulum.  
 Vnde ait Rex me introduxit propria in cellaria,  
 Et suae mihi reclusit scrinia sapientiae,  
 Quae prius nulli patebant mi retexit abdita.





DE OLIVAE NOMINE SANCTAE

Virgini attributo. Eccle. 24. Quasi oliua  
speciosa in campis, &c.



*E*C sinam desyderari Diuæ oliuam in hor-  
tulo

*N*obili semper virentem, quando & ip-  
sa dicitur

*P*ulcra oliua, propter eius arboris prae-  
stantiam.

*V*nde oliuæ sese apertis rite campis comparat  
Consitæ, suam patere semper indulgentiam  
Innuens, opemque cunctis huberem poscentibus.

*E*st enim cunctis liquorem propriae profundere  
Gratiæ parata, cunctis ferre misericordiam:  
Nec queri quisquam inuocatam defuisse habet sibi,

*N*am velut latex oliuæ caeteris supernatat,  
Nescit ulli subsidere; sic & hæc prænobilis  
Obtinet virtus in alma principatum Virgine.

*O*rchiten negant virentem frigidissimis locis,  
Pausiamve prouenire; sic vbi alma caritas,  
Atque amor friget, Maria nil solet frugescere.

*H*æc oliua cassi numquam fronde, vel bacca exstitit.  
Quippe vitæ tempus omne continenter floruit.  
Actibus, pijsque dictis brumæ inertis inscia.

*H*uius æmulus propheta incinebat hymnifer.  
Impius scelus patrare perget; at virens ego,  
Tamquam oliua in aede sacra pullulans fructum feram.

*I*psa lætæ pacis index, pacti & auspex foederis  
Patris inter numen alti, & inter humanum genus,  
Ceum probat columba, in arcam termitem quæ detulit.

*T*ermes ortus ille oliua forma Christi Principis  
Exstitit pacis datoris, arca sanctæ curiæ,

*Mysti-*



Mysticis purgandae in vndis, at columba Virginis.  
 Quae fuit puella felle cassa amarulentiae  
 Cassa felle tristis irae, cassa fastu turgido,  
 Gratia repleta tota, tota amore candido.  
 Quin oliua signum adeptae splendidum victoriae st,  
 Inclytæ testes Athenae, quae suis victoribus  
 Fronde de tali parabant dulce niceterium.  
 Nec modo alma insigne partae Virgo palmae effloruit,  
 Verùm & ipsa elisit hosteis, quae Ducem nostrum edidit,  
 Qui truces nostrae salutis stravit aduersarios.  
 Hanc Minernae ignara quondam gens sacrarunt arborem,  
 Virginali honore eandem quod vigere crederent,  
 Tale sed decus Mariae congruit, non Palladi.  
 Quod feraci vero oliua stirpe pullos plurimos  
 Procreat, magnam Parentem distat esse regiam  
 Virginem, vectam quadrigis non Opem lymphaticis.  
 Quippe in vno procreando filio Dei vnico,  
 Nos simul produxit omnis, atque adoptauit Deo,  
 Filij denominamur quotquot eius nomine.  
 Hac de oliua fluxit vnguen, delibutusque vngvine,  
 Atque aliptes magnus ille, nos athletas qui efficit,  
 Efficit Regesque sanctos, & sacerdotes simul.  
 Vnum adhuc peculiare restat huius arboris  
 Nobilis, tempus per omne quod solet virescere,  
 Nec pili facit decembreis, & rigores ninguidos,  
 Sed viror quid iste praefert laureata in Virgine?  
 Illius fidem vigentem perstitisse immobilem,  
 Nec quidem arefactam atroci morte cari filij.  
 Scilicet quando vniuersa candidum perterrita  
 Destitutum turba fratrum liquit agnum deserens,  
 Immolandum pro salute perditarum gentium.  
 Quom crucis durae expetiuit immori sacro rogo  
 In patris primi vocato colle de caluaria,  
 Ut scelus mundi cruoris expiaret flumine.



THEOTOCODIA 113  
DE CYPRESSI NOMINE SANCTAE

Virgini attributo. Eccl. 24. Quasi Cypres-  
sus in monte Syon.



ED satis iam dixi oliuam, nunc cupres-  
sum concinam,  
Quem fuisse mentiuntur nobilem puer-  
culum,  
Cui fuit perempta cerua causa acerbi fu-  
neris.

Occu pat sed nomen istuc rectius Virgo inclyta,  
Quipp e quae crudele funus interempti atrociter  
Flebilis gnati immerentis moestula olim luxerit.  
Et modo grauis ruinas, nostra probraque ingemit,  
Quod relicto Rege caeli nos vocante ad sydera,  
Gloriamque sempiternam, mergimur sub tartarum.  
Ergo iure luctuosae comparatur arbori  
Virgo sancta, sed cupressus haec quoque apte dicitur  
Inclytæ quod sanctitatis fert odorem amabilem.  
Quin velut vermis cupressus enecat fragrantia,  
Effugat tortos colubros; sic Maria tormina  
Pectorum leuat nocentum, daemonaque exterminat.  
Hanc ferunt numquam esse plantam obnoxiam teredini,  
Esse fortem fasci iniquo obnitier, sic integra  
Perstitit Virgo, nec vllis languit molestijs.  
Sine quom vitans tyranni perfidi vesaniam  
In Pharon descendit exsul cum tenello pignore,  
Sine perpeffa aegra multa iam reuerfa in patriam.  
Quin nec eius membra morte extabuere florida,  
Tota sed syncera in altum subuolauit aethera,  
Hic vbi Regina regnat sempiterna in gloria.  
Iam comas tradunt periti, & galbulos cupressinos,  
Corticemque miram habere vim medendo corpori,

11

B

Hube-



Huberem praebereque vsum rebus alijs plurimis.  
 Sed Mariae cuncta verba fusa ab ore melleo,  
 Studia cuncta, gestus omnis, actus omnis denique,  
 Plena virtute exstiteret, plenaque efficaciae.  
 Nec quidem proceritatem praeterisse conuenit  
 Arboris sacrae, sub aethram quae cacumen porrigit,  
 Quando sese sponsa tali comparat fastigio.  
 Haud secus sublimis euasi (infit) ac molli in Syon  
 Prominet cliuo cupressi planta acuto vertice.  
 Quod quidem dictum esse constat omnibus verissimum.  
 Nam decus Diuae nitentis, gloria & ineffabilis  
 Fulgidum chorum antecellit cinium caelestium,  
 Vincere ut solet cupressus celsa viburnum breue.





THEOTOCISTA  
116  
DE NARDI NOMINE SANCTAE

Virgini attributo. Cant. 1. Dum esset Rex  
in accubitu suo, Nardus mea dedit  
odorem suum, &c.



**N** VNC vocor nardi pusillae nomen ad lau-  
dabile,  
Quippe & hoc sibi Maria iure virgo vin-  
dicat,  
Sive nardus ipsa dicta, sive virtus ipsius.  
Porro suavis nominatur ipsa nardus, quatenus  
Ex ea conflatur vnguen pingue, nostrum quod genus  
vitae odore recreavit, sanctitateque imbuat.  
Ille erat Patris supremi singularis filius,  
Qui sibi stirpem adplicatam nostram inunxit caelitus;  
Quom semel se infudit aluo virginali primulum.  
Id canit quoque ipsa sponsa principali in cantico,  
O Pater transfusum oliuum nomen est sanctum tuum,  
Patrio de corde manans in tuae ancillae sinum.  
Hinc latini Regem inunctum dictitamus nomine  
Atque cum graijs vocamus voce χρυσόειρα gracula,  
At Palaestinis cluere Νάρδ. solet Syris.  
Sed frutex dic nardi olentis quam refert virtutē Herae,  
Quemve morem, aut institutum, Musa dic mihi sacra,  
Expedi quod possim & ipse caeteris expromere.  
Indolem refert beatam, quae decore amabili  
Mouit ad se diligendam, & eligendam ex omnibus,  
Qui polum distinxit astris igneum micantibus.  
Nam licet longe vigeret vna praestantissima,  
Atque summo digna honore, se tamen submissius  
Omnibus gerebat, atque se aestimabat infimam.  
Parua tali induxit arte Virgo Regem ex aethere  
In suum sinum migrare, seque velo adcingier

P 2 Corpo-



Corporis sacro recepto virginali è corpore.  
 Nempe uti nardi videtur planta despicabilis  
 Caule curto, et stirpe pulla, frondibusque exilibus,  
 Sed tamen virtute odoris promeretur gratiam.  
 Sicque Virgo ignota volgo, cassa pompa saeculi  
 Hoc suo candore grata facta Regi caelitum  
 E sinu allexit paterno pignus eius unicum.  
 Hoc quoque ipsa profiteri non veretur propalam.  
 Rex (ait) suo incubabat consueto in lectulo,  
 Quom mea adspiravit olli nardus auram amabilem.  
 Sicque Rex nardi esse coepit spicus huius mysticae,  
 Quando eum concepit expers coniugalis foederis.  
 Ediditque casta Virgo, roreque albo nutrit.  
 Ipse enim conroboraui per fidem sensum virum,  
 Excitavi que adpetitum spe boni incorruptilis,  
 Cordaque acri, adcendit igne caritatis algida.  
 Sicque sublimata crevit Virgo super sidera:  
 Nam Deus sublimis humiles, supplicesque respicit,  
 Usque adauget, at superbos deprimat sub tartara.  
 Sed frutex quom sit calentis iste naturae admodum,  
 Hoc calore clamat ipsam sancto amore feruidam,  
 Sicut idem paruitate dictat esse humillumam.  
 Quo minus mirari oportet, si in suum traxit sinum,  
 Quem medullis expetivit omnibus mitem Deum:  
 Nam Deus probatur esse fons amoris totius.





2117  
DE MYRRAE NOMINE DIVINAE GENITRICI attributo. Eccl. 2 4. Quasi Myrra electa dedi suauitatem odoris, &c.



EC quidē potest latere causa cur se comparat  
Diua myrrae Virgo heoe. Nēpe quod  
gratissimi  
Iactet auram late odoris, sicut ipsa concinit.

Myrrae ego in morem probatae, stiriaeve stacteae  
Spiro odorem passim amoenum, recreari quo queat  
Omnis aeger, deque bustis mortui resurgere.  
Hic odor vitalis, ipsa quem canit se emitte,  
Fert eam spirare in orbem vim latentis gratiae,  
Qua subit mentis profanas, sanctitateque imbuat.  
Myrram item corruptioni nouimus contrariam,  
Nec sinentem tabe olenti confici cadauera,  
Sed suo incorrupta succo membra seruare oblita,  
Sic genus mortale noxis iamdiu loetalibus  
Suscitat virgo sepultum, putidumque denuo  
Efficit vigere, fulcit, ne labascit, gratia.  
Haud enim solum ipsa sancta est, sed suorum pectora  
Labibus polluta purgat, impiataque expiat  
Deprecando oratione Regem olympi sedula.  
Haec prius quam germinaret smyrna sancta, dixerat  
Illius germen futurum coetui caelestium;  
Ipse myrrae montem adibo, thuris & collem sacrum.  
Montem adire velle dixit myrreum Rex caelitum,  
Nempe Matrem smyrnae habentē qualitates stacteae,  
Et molestiarum aceruum cum caduco corpore.  
Hanc adiuit Rex supernus quando consensum dedit  
Virgo sancta Gabrieli, & se induit velamine

Lan



Languidae mortalitatis, qui poli extendit domum.  
 Haud secus tentoriorum quam solet pellem artifex,  
 Sed quid est suam parentem quod vocat verruculam,  
 Sive collem thuris idem? nomine hocce delicat  
 Hanc Dei deuotioni dedicandam, & cultui,  
 Feruidaſque orationes, ceu vaporem thureum,  
 Castaque emissuram ad astra vota, & ad sedem Dei.  
 Hancce myrram, quando in orbem veste serui obtegi  
 Rex Olympi venit almus, messuisse se adserit.  
 Messui myrram meam (inquit) cum meis aromatis.  
 Messuitque exinde quando pertulit conuitia,  
 Pertulit grauis labores, atque amara verbera,  
 Et meae salutis ergo pertulit duram crucem.  
 Hinc suum praeclarum Amorem nuptiali in cantico  
 Fasciculum sibi esse factum sponsa cantat myrreum,  
 Qui suas inter papillas commoretur iugiter.  
 Fascem, ait, sibi esse factum Virgo dilectum suum  
 Myrreum, conlectionem nempe amaritudinum,  
 Quam suis semper repostam ferret in praecordijs.  
 Unde quis neget Mariam fortium priuarier  
 Martyrum palma, vicem quae non modo ipsa filij,  
 Sed suam quoque indolebat dura passa, & aspera?  
 Quin canens dilecti & huius sponsa labra mollia,  
 Haec rosis rubere amoenis, candicare lilijs  
 Adserit, primique distillare myrram nominis.  
 Namque flammam purpurantem caritatis igneae,  
 Et iubar regni albicantis praedicabat aetheris,  
 Atque macerationem contumacum sensuum.  
 Sponsi, ait, mi multum amati labra vernant lilijs,  
 Et rubris comis rosarum, funditantque liquidum  
 Adfatim Stactae liquorem de nota non vltima.





THEOTOCODIA 119  
DE PLATANI NOMINE EIDEM SAN-  
ctae Genitrici attributo. Eccl. 24. Quali Platanus  
exaltata sum iuxta aquas in plateis.



EC quia infoecunda surgit Platanus vn-  
dis adsita  
Iugibus, debet putari deesse luco Virgi-  
nis.  
Quin adest adprima, laetisque ornat il-  
lum frondibus.

Sed quid hic formosa signat arbor istaec mystici?  
Quid monet? si quis viator macerescit aestibus  
Solis acris, si fatiscit longiori de via,  
Hac reperta conquiescit umbra opaca lassulus.  
Artubusque recreatis sub patenti tegmine,  
Damna defecti vigoris hic resarcit denuo.  
Tale quid facit Mariae Virginis clementia,  
Si retorridae laborat labe conscientiae  
Quispiam, vitaeque iniquis angitur molestijs.  
Ad fidemque huius Patronae, gratiamque confugit,  
Anxiae praesens leuamen sentit aegrimoniae  
Protinus, vigescit auctus duplici solatio.  
Quam bene ergo Virgo sancta pingitur compluries  
Pallij sub tegmen amplum confouere plurimos,  
Ceu solet gallina pullos subter alas nudulos.  
Ergo sese iure platano comparauit caelib.  
In plateis iuxta aquarum consitae vndas mobiles,  
Quod solet propinqua semper turbae adesse fluxili.  
Inque vitia defluenti, pro sua clementia,  
Est parata subuenire, lubricosque sistere;  
Nam prope est benigna cunctis rite se inuocantibus.  
Quippe uti haec arbor tenella folia fert, & mollia,  
Sicque nostra in nequiores Domina gestat viscera;

Hos



Hos inuat factis benignis, atque dictis erudit.  
 Nec docet modo hosce ab alma veritate deuos,  
 Sed quoque instruebat ipsos voce docta Apostolos,  
 Quae sui seruabat acta, & dicta Gnati in pectore.  
 Ergo sublimata creuit propter vndas labileis,  
 In plateis ciuitatis, matris inquam Ecclesiae,  
 In magistris antedictis omnibus communibus.  
 Creuit ipsa dum procurat quidquid illis profore,  
 Ad salutem quidquid interesse norat omnium,  
 Et iubar vitale in omneis porrigebat sospita.  
 O nimis dilecta planta, quam Dei felix manus,  
 Omnibus perfugium vt esses, panxit auspicatus,  
 Me quoque obtentu beato seruolum tuum obtege.  
 Quo loco Regina plantis semet hisce comparat,  
 Hoc se ait fragrare cinnamomi odore, & balsami,  
 Galbani inuisae colubris, atque olentis styracis.  
 Ergo tu quaecumque scriptor quisque scite differit  
 His super plantis reuolue diligenti examine,  
 Quae valentque hae sensu aperto mystico tu intellige.  
 Sic enim virtutem olere in his amandae Virginis  
 Suauiter mirandam, & altum filij decus sui  
 Senties non absque fructu industriae magno tuae.





DE ROSAE NOMINE SANCTAE VIR-  
gini attributo. Eccl. 24. Quasi plantatio  
rosae in Hierico.



*I* queat sentire pulcer quisque flos decus  
suum,  
Non suis praeferre tantum se rosa una  
cerneret  
Dotibus, sed Virgo dicta quod suo de  
nomine sit.

*Haec rosa insigni colore est blanda, suauisque halitu,*

*Purpurascens caritate, puritate candicans,*

*Suauius spirans amomo, blandiusque balsamo.*

*Quae licet de noxiorum stirpe patrum prodijt,*

*Haud tamen contagem auiti sensit ullam germinis,*

*Sicuti nec sentis vllum sentit ictum flos rosae.*

*Mentiar, ni teste vero comprobem, quod dixerim.*

*Ceu rosa, inquit, laeta spinas vernat inter hispidas,*

*Emicat sic inter alias nostra amica filias.*

*Quin velut de senticeto flos rosae exit aspero*

*Delicatus, atque mollis tactu, ita ipsa floruit*

*Hispida de gente tota suavis, ac tractabilis.*

*Sin lubet tute experire, quom premit necessitas,*

*Quae sit Annae lenitudo, comitasque filiae,*

*Protinus me vera compos comprobabis dicere.*

*Nemo opem deposcit eius, nemo ad ipsam confugit*

*Propriae salutis anceps, quin leuamen sentiat,*

*Seu malis iactetur intus, seu foris periculis.*

*Hinc monent nos sponsi amici flagitare opem illius,*

*Scilicet quater rogantes. N. D. W. reuertere,*

*Ab reuise nos misellos, intuendam te exhibe.*

*Sulamith quom sit vocamen pacis, atque idem sonet*

*In simul perfectionem, competit planissime*

*Q*

*Virgini,*



*Virgini, perfecta pacis quae datorem protulit.*  
*At quater precantur illam suggerentes quatuor*  
*Principes causas, benigna quis moueri debeat*  
*Ad ferendum destitutis Diua opem terrae incolis.*  
*Prima quod sit orta nostra stirpe & ipsa humanitus,*  
*Vt nihil cognatione mutua efficacius*  
*Vrget ad genus tuendum, & proprios domesticos.*  
*Nam licet caelestis illam gloriae fastigium*  
*Subtrahat nobis in ima sede demorantibus,*  
*Ceu tamen sibi propinquam quisque fidat adfore.*  
*Supplicant ergo Mariae, quo velit propensius*  
*Insito naturae adesse more nostris casibus,*  
*Compotesque posse voti sic fore omnes innuunt.*  
*Hanc secundo hortantur idem, ne abnuat renisere,*  
*Regioque more turbam supplicem defendere,*  
*Quo suos debent potentes contueri subditos.*  
*Huic enim data est potestas, ac facultas omnium*  
*Sive in orbe terrae, & aethra, sive in orco lurido,*  
*Ut queat Regina olympi quod lubet cumque exsequi.*  
*Tertio vt dextram benignam porrigat lapsantibus*  
*Flagitant diuini amoris per suae incendium,*  
*Aestuantis continenter virginali in pectore.*  
*Nam si amor Deus probatur esse flagrantissimus,*  
*Ignique fons amoris, ambigendum nemini est,*  
*Quin & ipsa amore flagret tota plena numine.*  
*Vnde & hanc sponsus supernus nuptiali in cantico*  
*Vnicam sponsam vocandam caritatis nomine*  
*Censuit, peculiare quod Dei esse nouimus.*  
*Quippe tota amore flagrat, tota melle suauior*  
*Spiritum gerit suauis suauiore melle nectare,*  
*Tota mitis, tota leni comitate amabilis.*  
*Quisquis ad mitis Mariae confugit clementiam*  
*Tristibus iactatus vndis, & malorum turbine,*  
*Protinus sentit leuamen maximo in discrimine.*  
*Semper hic felix patescit omnibus portus sacer,*  
*Semper*



Semper excipit misellos, sospitatque naufragos,  
 Qui putabant se perisse sub profundo gurgite.  
 Ergo & hocce sponsi amici nomine almae quaesitant,  
 Ac fidem implorant patronae perbenigne impendere  
 Quidquid & prodesse censet, ad salutemque adtinet.  
 Ultimo obtestantur ipsam subuenire egentibus  
 Gratiam per singularem, qua beata ex omnibus  
 Est parens effecta summi Regis vna milibus.  
 Qua simul quoque ipsa nostri dicta mater omnium;  
 Nam pium gignendo Regem sospitem mortalium,  
 Gentium castis cateruas Virgo fudit ilibus.  
 Ergo cui thesaurus omnis gratiarum creditur,  
 Quantus est Dei, valetque quae volet cumque omnia.  
 Quid moramur supplicare nostra in aegritudine?  
 Quis nam enim magis tueri nos queat caelestium,  
 Quis molestijs leuare, cladibus defendere,  
 Quam Dei benigna mater diues omnium munerum?  
 Talibus sponsi sodales expetunt sentiscere  
 Nostrae Herae causis fauorem vitae in huius turbine,  
 Quando ter quaterque dicunt Sulamith reuertere.  
 Conferunt alae supernae candidae ortum Virginis  
 Huius Aurorae rosanti, mane quom freto emicat,  
 At vetus flori sacerdos contulit rosaceo.  
 Haud secus puella herilis, ac rosarum prodiet  
 Flos rubens vernis diebus, quando Aedon saltibus  
 Insidens dulceis querelas integrat reconditis.  
 Hanc item subuectam ad astra inducit almo numini  
 Gratulantem voce tali, ceu rosa exaltata sum  
 Nata in hortis Lunae habentis nomen vrbs mollibus.  
 Nata in hortis lunae amoena quid rosa aliud innuit,  
 Quam puellam, virginali quae nitore candicans  
 Purpurascit per dolorem vulnerati pectoris?  
 Quippe prole sauciata corpus omne atrociter,  
 Mater est confossa acuto cor doloris spiculo,  
 Ac rosae duxit ruborem filij de sanguine.



Nec rosam velim latere dici amoris flosculum,  
 Dicit ἁλματ' ἄρος ἀβραῦ voce Graia insigniter,  
 Pulcrius quod ornet vna, verque reddat laetius.  
 Proin cluet Regina florum nobilis vernantium,  
 Floreis sceptris potiri propter augustum decus  
 Insitae formae micantis caeteris venustius.  
 Nam velut Reges amicti veste fulgent punica,  
 Sic & haec colore rubro purpurai gloriam  
 Aemulans dictat Mariam virginum esse antislitem.  
 Caeteri florum comantum caeteras praestabiles  
 Virgines ferunt, sed omnium flos rosae pulcerrimus  
 Indicat cunctis Mariam praenitere millibus.  
 Iure dicit ergo sponsus illius desyderans  
 Intueri formae honorem, sponsa sodes regia  
 Mi tui vultus reuela luculentam gratiam,  
 Nos quoque adspectum benignae gestientes visere  
 Virginis clamamus, illa gratiosa lumina,  
 Et pios conuerte ocellos ad misellos exsules.  
 Inde Mystis visum ut esset caritatis σύμβολον,  
 Quod velut praestare cunctis haec videtur floribus,  
 Caeteris sic antecellit caritas virtutibus.  
 Quam bene ergo Diua gestat flammeae nomen rosae,  
 Quae rubet non solum amoris ipsa sancti incendio,  
 Verum & ipsum sempiterni fontem amoris protulit.  
 Hunc (rear) propter ruborem nuptiali in cantico  
 Ipsius genae decentes comparantur fragmini  
 Punici mali, labella pulcra vittae coccinae.  
 Flos rosae Sabaeum odorem spirat in sacra atria,  
 Quom solemus cingere aras lucibus sollemnibus  
 Annuo de more fertis, atque verbenis sacris.  
 At Mariae blando odore quid queat iucundius  
 Inueniri, cui sodales dictitant in canticis.  
 In tui vnguenti suauem currimus fragrantiam?  
 Ceu rosae Soli coorto proprium flos muricem  
 Explicat, sic Virgo Soli se aequitatis protulit,

Et



Et suum expandit decorem, quando consensum dedit.  
 Quando fudit ore roseo fulgido internuncio  
 Sacrosanctae Ternionis, praestolor faceffere  
 Iussa Patris, iamque fiat quod mihi denuncias.  
 Nec quidem illud negligendum censeo, quod proditur  
 Punicae rosae virere plantulam felicius  
 Debita translatione, & vstione congrua.  
 Patrijs nam Virgo ab oris, patrijsque sedibus  
 Cum suo translata flore ad nationes exteras,  
 Spiritus sancti igne flagrans pullulat feracius.  
 Adde quod flos virginalis ob ruborem dicitur  
 Nobilem, nam casta pusa de leui tinguat genas,  
 Sive facta obscoena cernat, sive verba inaudiat.  
 Adde item morbis mederi quod solet quam plurimis,  
 Enecat quod forti odore infecta quaedam vilia,  
 Et colubros tortuosos effugat fragrantia.  
 Nec velim me continenter talibus reposcier  
 Explicandis immorari, quippe ineptum, & putidum  
 Caeteros damnassee velle tarditatis frigidae.  
 Proinde tu suppleto mente, si qua omitto, sedula,  
 Interim nos prosequemur institutum alacriter  
 Hymni iter portum volantes Dina ad optatum auspice.  
 Symbola alia ponit antedictus auctor nobilis,  
 Virginis nos sanctae adhortans instituta subsequi,  
 Aureos moresque sacri pectoris capeffere.  
 Taleque orsus carmen edit. Dicta nostra percipe  
 Auribus diuina pubes, ac velut rosa adsita  
 Lymphidis, vernate, lymphis, fructum habete iugiter.  
 Vos amoenos longè odores, atque latè emittite,  
 Thuris arbor quos fuerit, nec secus quam argenteum  
 Lilium verno renidet tempore, efflorescite.





DE LILII NOMINE REGINAE VIR-  
ginum attributo Cant. 11. Sicut liliū inter  
spinas, sic amica mea inter filias.



LILII liquet quoque *Almam* nuncupari  
nomine,  
Idque iure exposcit eius si quod aliud  
indoles,  
Sive eam spectes seorsim, sive gnati com-  
potem.

Namque floris candor huius integelli corporis,  
Pectorisque puritati congruit planissime,  
Nulla quōi peccati adhaesit insidens labecula.  
Nam velut flos iste candet intus, atque extrinsecus  
Insimul, sic flore semper intimae innocentiae,  
Extimaeque integritatis *Virgo sancta* floruit.  
Tale fertur obtulisse fortis illi *Gabriel*  
*Lilium*, quando puellae nuntium auspicabile  
Adtulit. Salve ò repleta gratia, tecum *Deus*.  
Id tulit (si fama vera est) innuens *Ecclesiae*  
Floruisse primam in horto, primulumque maximo  
Principi *Deo* pudoris obtulisse *lilium*.  
Nam velut noui alma proles foederis *rosa* exstitit  
Per necis perpeffionem prima, sic primum parens  
*Lilium* per castitatis canduit votum aureae.  
Prōinde fertur de pudica virginum propagine,  
Vos velut, diuina pubes, *lilium* florescere.  
Candidae mores *Mariae* scilicet sectamini.  
*Lilium* vidit propheta tale, quando protulit  
Iam renidescet recenti terra cultu squalida,  
Vasta pulcrum solitudo germinabit *lilium*.  
Porro odoris dulcis aura, qua rigatur hortulus  
*Lilio* vernans comanti, conuenit caelestibus

Mori-



Moribus Diuæ eruditum queis renidet saeculum.  
 Tum crocum rubens, & aurum, calathæ quod procreſcere  
 Cernitur, ſceptri que virga, pulluſſe ex Virgine  
 Denotat diuino honore prolem, & auctam regio-  
 ſeu crocum, decuſque ſceptri Virginem incandefcere  
 Diſtat igne ſancti amoris intimis præcordijs,  
 Regnū adeptā cæli, & orbis terræ, & immenſi maris.  
 Nec quidem bis ternagrana, queis crocus diſtinguitur,  
 Autumem nequicquam oriri, ſed referre treis modos,  
 Cum ſuis cauſis, amabat Virgo queis magnum Deum.  
 Liliæ radix ſub ima fixa terræ eſt virginis  
 Inclytæ fides tenacis nixa fibris pectoris,  
 Nam fides fundamen omnis exſtat vna gratiæ.  
 Inde thyſſus ſurgit altus, & rubor croci inſuper  
 Aureus, bonis quod olli certa de cæleſtibus  
 Spes adeſſet poſſidendis, atque duplex caritas.  
 Ac velut ſuum ille ſurſum corculum vorſum erigit  
 Candidus flos parte ſumma virgulæ aptum regiæ,  
 Sic ſuum cælo inferebat ſanctæ terræ extranea.  
 Nam licet colona terræ veſceretur munere,  
 Mens tamen ſublimis eminebat orbe terreo,  
 Cælitumque ales petebat diæ contubernia.  
 Cuncta quæ relata ſponſus vnica ſententia  
 Expedit, dumeta vt inter vernat album lilium,  
 Filias ſic floret inter noſtra amica cæteras.  
 Hic vocat ſe ſponſus album lilium, at verpos vepres  
 Hiſpidos, quos inter agnus vt lupos, verſatus eſt,  
 In crucem qui ſuſtulerunt innocentem immaniter.  
 Idem & almae tali honorat matris aluum carmine.  
 Virgo, ait, tuam beatam dico acernum tritici  
 Liliorum ſæptam odoris fertilem aluum fertulis.  
 Dicit aluum vallo obiri liliæ multiplicis,  
 Amplius quod caſtitatis ſimplici fulſit vice,  
 Triplici ſed vna ſerto ſemet exornauerit.  
 Sine cinctam dicit aluum lilijs, quod perpetim

Ante



*Ante partum Virgo mansit, mansit in partu integra,  
 Atque post signata partum labis expers perstitit.*  
*Nunc venit mi in mentem & aliud, posse dici lilia  
 Caelitum sacram cateruam, candidumque exercitum,  
 Qui frequens vallabat almam Virginem plenam, Deo.*  
*Bis triceni Salomonis floridum, inquit, ambiunt  
 Lectulum, delecta ab omni gente pubes Israel,  
 Ensibus cincti coruscis, arte docti bellica.*  
*Tritici quod porro aceruum dicit alium Virginis,  
 Innuit complendam ab ipso. quippe & idem tritici  
 Se vocat granum, atque panem, quo perennè vivitur.*  
*Nescit interire in aenum rite qui tali dape  
 Vescitur, pubescit vsque pastus almo nectare,  
 Et veterinosum senectae ridet aetatis situm.*  
*Nam licet dumtaxat vnum opplevit alium Virginis  
 Tritici granum, sed illud pullulavit largiter,  
 Et seges coorta ab ipso st, atque aceruus dapsilis.*  
*Quin reor sinum vocari mentis alium Virginis  
 Posse, quo dicta ingerebat sacra, aceruum tritici  
 Ipsa dicta, queis alebat semet, & suum gregem.*  
*Sive lilia dicit esse castitatem corporis,  
 Atque mentis, quam professa Virgo, dilectus mihi,  
 Ast ego illi, cantat, inter pascitur qui lilia.*  
*Scibam (ait) caput pudoris summum amare lilia,  
 Et libenter pasci in illis, en ego olli lilia  
 Obfero casti pudoris bina, in illis pascitor.*  
*Nec pio sensu euagari posse quemquam existumem,  
 Pectoris si vota pura, candidisque adfectibus  
 Florida studia explicassit antedicta lilia.*  
*Hocce erat caeleste nectar, quo solebat pascier,  
 Hoc magis magis teneri, copularique vniter  
 Sponsae amatae sponsus almus nodo inenodabili.*  
*Quin suas manus pudicas dictitasse lilia  
 Quis neget posse, inter infans quas solebat pascier  
 Ille caelestis, liquorem dum traherat huberum?*

Has




*Has manus pares fuisse crederem sponsi sui,  
 Scilicet torno politas, expeditasque vsibus,  
 Caerulis plenas hyacinthis, vsibus caelestibus.  
 Liliū sublime folia tollit alto stipite,  
 Veram idem illa mox repandat, indicans hanc Virginē  
 Dotibus pollere summis, sed nihil se pendere.  
 Nam licet de stirpe Diua pullulasset regia,  
 Abraham de gente clara, de tribu primaria,  
 Se tamen vilem putabat, nulliusque nominis.  
 Nulla corporis venusti dos, nec vlla gratia,  
 Nulla virtus singularis mentis obliuiscier  
 Virginem fecisse quiuit nobilem modestiam.  
 Quod fuant porro ipsa flori sena liliaceo  
 Cuilibet folia, indicantur sex modi primarij,  
 Quis docet sacrum pudorem Virgines tutarier.  
 Quod si ais signare folia sena sex sententias,  
 Virginisque sena verba, quae profata proditur,  
 Neutiquam fereris auctor vanus, atque futilis.  
 Cum Giganteo locuta scribitur bis nuncio,  
 Bisque item fecisse verba prole cum melliflua,  
 Cum ministris nuptiarum, cumque anu graui semel.  
 Nec sinam neglectum abisse quod sacrarum interpretes  
 Afferunt rerum inueniri lilij triplex genus,  
 Liliūque templi, & horti, & liliū conuallium.  
 His tribusque delicari Virginem aiunt inclytam,  
 Liliū templi fuisse propter intentae in Deum  
 Mentis excessum, & supernis ruminandis deditae.  
 Liliū seclusum in horto, propter intactum decus  
 Corporis, cordisque casti, liliū conuallium  
 Denique ob submissionis singularem gratiam.  
 Inde factum vt complaceret omnibus communiter:  
 Nam Deo iucunda seorsum dia contemplatio  
 Illius fuit, Deus si mente pura tangitur.  
 Tum choris caeli coruscis virginalē ob gloriam  
 Haec fuit cordi, sed aegris amplius mortalibus,*

R

Comi.



Comitatem propter imam, qua misellis subuenit.  
 Numquam enim frustra inuocatur, vniuersis se exhibet  
 Indigis opis parata semper auxiliari,  
 Supplicum votis benignas semper aureis adplicat.  
 Nam licet cuncti supernae ciuitatis incolae  
 Vsq̃ue sint nostris parati subuenire angustijs,  
 Nos solet tamen iuuare caeteris haec promptius.  
 Quippe quae propensiori mente, vti mater pia,  
 Expetit nostram salutem caeteris caelestibus,  
 Tota quae feruore flagrat spiritualis numinis.



DE



131  
DE VITIS NOMINE SACRAE VIRGI-

ni attributo. Eccl. 24. Ego quasi vitis fructificaui  
suauitatem odoris, & flores mei fructus  
honoris, & honestatis, &c.



AE C quoque illa est alma vitis, qua pro-  
pago nobilis,  
Atque tradux ducta vernat matre ma-  
ior, palmites  
Quae suos extendit oras vsque in orbis  
vltimas.

*Sed quis hanc panxit propagem, nobilemve traducem,  
Quae suis ornavit orbem terrae amoenis pampinis,  
Et dedit mustum salubre, quo rigescunt mortui?*

*Scilicet matricem & ipsam qui prius conseruat,  
Vinitor, parensque Verbi, quippe & ipse filius  
Nuncupat Patrem satorem, seque vitem fertilem.*

*Is tulit merum cruorem, misso ab aethere ipsius  
Spiritu, Matris feracis, & sui cum sensibus  
Integris compegit alium filij corpusculum.*

*Quin parens quoque ipsa tradux, & propago in paginis  
Dicitur sacris, fidelis stirpe quae ducta Abraham  
De vetusta Patriarchae fruge pulcra pubuit.*

*Huc facit quoque illa ab imo ducta corde oratio.  
Ab Deus reuerte sodes, agminum caelestium  
Imperator, respice altis aetheris de sedibus.*

*Iam reuise ferro, & igni vineam accisam fero,  
Ac prope erutam propagem stirpitus, quam dextera  
Seueras tua, reuise pignus adscitum tibi.*

*Ab manus tua adsit alma dexterae tuae viro,  
Quem tibi adsciisti amore summe princeps patrio.  
Is licet nostra sit ortus gente filius hominis.*

*Hunc locum si diligenti mente perscrutabere,*

R 2 Litterae



*Litterae sub inuolucro, qui latebat, duplici  
 Dite thesauro reperto te beari senties.  
 Sentiesque sacram ab oris vineam Memphiticis,  
 Quam Deus quondam reuexit, protulisse traducem,  
 Quae tulit germen beatum, quo vigescunt saecula.  
 Ac tibi vt leuem laborem quaeritandi, percipe  
 Huncce thesaurum euolutum, quo queas ditescere,  
 Scilicet Parentem herilem cum sua prole inclyta.  
 Haec enim tradux vocatur Virgo, quod traducta sit  
 Ex Hebraea gente, vt ante populus Aegypto suus,  
 In coloniam piorum cum suo Gnato vnico.  
 Nempe quem Vates sonanti concelebrat nablo  
 Dexteræ virum vocando, & nostri alumnū sanguinis,  
 Quod Patri adsidet supremo membra nostra gestitans.  
 Hic enim propagis huius palmes exstat floridus,  
 Vineae rubens racemus, quam volebant perditam  
 Impij, ne pullulare vita posset indidem.  
 Quippe & haec vitis sacrata nuptiali in carmine  
 Proprium pignus recemum, siue botrum dicitur.  
 Est meus dilectus (inquit) Cyprius botrus mihi.  
 Nec nouum debet videri, si ante adulta dicitur,  
 Quam sata in Parentis aruo, quippe vates perspicax  
 Hanc, prius quam gigneretur, iam videbat editam.  
 O nimis felix repertam qui sibi adseruauerit  
 Hanc Dei matricem amandam, nam repertor ipsius  
 Repperit vitam, & salutis neectar haurit perpetis.  
 Istius vitis propheta cantat excelsum decus,  
 Fulgidis qui vidit alis quadriformes belluas,  
 Et rotarum vidit illud inuolucrum viuudum.  
 Creuit (inquit) illa frondes inter euecta arduas,  
 Brachia extendens opaca, fertilesque palmites,  
 Et suum conspexit augmen pullulantis vndique.  
 Hic mihi frondes phalangas accipe immortalium,  
 Quae virent caelesti in horto, quas super Virgo eminent  
 Omnibus praelata, cedrus celsa vt inter arbutos.*

*Istius*



*Istius dilucet almae vitis excellentia,  
 Quodd secundum humanitatem filius magni Dei  
 Est suae dignatus esse matris omnia similis.  
 Quare & hanc talem creauit quatenus verus Deus,  
 Conditorque, qualis ipse cum parente creuerat  
 Pullulare, & esse in orbe corporis compage homo.  
 Sic enim de matre sancta, deque nato dicitur  
 Per prophetam magnum Osee. Laeta vitis Israel,  
 Fructus exaequatur illi pube pulcer incluta.  
 Viteas sed conferamus qualitates Virgini,  
 Ceu suis villas, & agros vitis ornat crinibus,  
 Atque laesos Solis acris spiculis refrigerat.  
 Sic Maria conuenuit proprijs ecclesiam  
 Gratijs, facesque sedat pectorum aestuantium,  
 Et malorum tristi ab aestu recreat retorridos.  
 Putidas odit paludes vitis, & stagna humida,  
 Adpetit colleis apricos, & supinos cliuolos,  
 Inde fert miteis racemos, & meri florem optumi.  
 Morem item secuta talem nostra vitis claruit.  
 Quippe & ipsa luxum aquosae abominans lasciuiae  
 Sole flagranti expetebat mentium incallescere.  
 Vnde vinum, vt ipsa cantat, dulce Dilecto obtulit,  
 Obtulit vinum, quod ipsum fecit obliuiscier  
 Criminum nefariorum suauis amore inebrians.  
 Quin velut vitis salubri florum odore conficit  
 Anguium vim tortuosam, virus atrum mitigat,  
 Diua sic motum impudicum reprimebat omnium.  
 Caeterae pulchrae intuentum feruidum solent iecur  
 Lubrico inritare voltu, sed Mariae gratiam  
 Intuens quisque exsuebat improbam proteruiam.  
 Nam licet decore cunctas iret ante foeminas,  
 Quaeque sunt, & quae fuere, & quae futurae in posteru  
 Haud tamen fuisse fertur concupita a quopiam.  
 Tanta enim insidebat eius corde castimonia,  
 Tanta honestas gestu in omni, & moribus modestia,  
 Vt*



*Vt virum sese intuentum virus omne exstingueret.*  
*Tyndaris vultu solebat obuios laceffere,*  
*Atque bellum excire caecum, sed Maria concitum*  
*Mitigabat, & tumultum temperabat pectorum.*  
*Ceu capras, hircosque olentis vitis inuisos habet,*  
*Quod petant se morsu amaro, Virgo ita odit foetidae,*  
*Qui sacrum laedunt pudorem, deditos lubrici.*  
*Militum quatit flagello primipilus viteo*  
*Terga ductor emanentum, nostra item e viticula*  
*Claua fit nodosa, tetros qua lares compescimus.*  
*Vt vepreis vitis perosa sit, atque dumos hispidos, (ges,*  
*Quodq; se, & fructum male angat, sic malignanteis gre-*  
*Quodq; se, gnatumq; vexent, Alma abhorret, ac fugit.*  
*Quin parens incunditatis laeta vitis dicitur;*  
*Nam merum geniale gignit, sed Mariam id amplius*  
*Addecet nomen, datorem quae profudit gaudij.*  
*Quod medulla multa abundet, quodque lenta, ac vitilis*  
*Pullulet natura vitis, lenitatem intelligi,*  
*Virginisque comitatem, datque obedientiam.*  
*Vt ferat fructum feraci laeta vitis palmite,*  
*Haeret vltimo nixa forti, destituta coniuge*  
*Pessum abit, nullumque fructum parturit, nullumque alit.*  
*Sic Maria adhaesit almo, ne labaret, numini,*  
*Vitis instar, atque flores inde suauis protulit,*  
*Protulit fructum vniuersis hospitalem gentibus.*  
*Haec enim ipsa est illa vitis, quae se odoris praedicat*  
*Protulisse suauitatem, roscidosque flosculos*  
*Adserit fructum esse honoris, atque honestatis suos.*  
*Hanc bonam produxe vitem credimus fragrantiam,*  
*Flosculisque auctam gemellis, quando natum nixibus*  
*Edidit formosum habentem diuum, & humanum genus.*  
*Ipsa enim vitali odore impleuit orbis moenia,*  
*Instar vnguenti refusi per domus amplae atria,*  
*In sacris elatriatum dictus vnguen canticis.*  
*Proprios porro hosce flores propter excellentiam,*  
*Atque*



Atque opum propter nitorem mysticam vitem autumo  
 Fructum honestatis vocasse, splendidaeque gloriae.  
 Siue flores multiformeis dicit ipsum vnicum,  
 Omnium quod florum honores ipse solus continet:  
 Candidae nam gestat in se castitatis lilium,  
 Gestat & crocum rubentem caritatis igneae,  
 Et rosam perpeffionis purpurantem sanguine,  
 Caeterisque ornatur idem flosculorum gemmulis.  
 Quod simul demum hosce flores gloriae fructum adserit,  
 Copiaeque ditis esse, filium suum innuit  
 Splendidum decus tulisse saeculis, verasque opes.  
 Caeterum quantum iste fructus omnibus praepolleat  
 Fructibus, rebusque caris, plurimi quas pendimus,  
 Id palam parens profatur vniuersis gentibus  
 Optime vna gnara quanti sit preti foetus suus:  
 Longè, ait, gemmis, & auro praenitet fuluo meus  
 Fructus, argentoque multo nostra praestant germina.  
 His tribus, mortale saeculum queis honeste comitur,  
 Proprium multo ante partum dicit ire, quod siet  
 Ad genus nostrum excolendum caeteris pollentior.  
 Quin valor flauenti in auro maxumus perpenditur,  
 Nobilis vis in lapillis, certaue efficacia,  
 Claritas demum in metallo luculenta argenteo.  
 Ergo in his pretiositatem expendito substantiae,  
 Atque virtutem efficacem, & nominis clarum decus,  
 Queis tribus mundana constat, seque iactat gloria.  
 Verum & his decentius nos fructus ornat Virginis,  
 Nam pretium dat caritatis, datque robur pectoris,  
 Efficitque insigniori nos vigere gloria.  
 Ergo verant scripta prisca, quae canunt fructum omnibus  
 Huncce rebus praefendum, nec pote exoptabile  
 Eius aestimationi quidpiam conferrier.  
 Ipsa adest testis locuples nunc meae sententiae.  
 Quisquis, inquit, me inuenire, meque habere quinerit,  
 Is profecto vitam habebit, & salutem perpetem.

Nam



Nam solet suos ministros munerari hoc praemio,  
 Sedulo sibi obsequentis, vnde rite pingitur  
 Brachijs complexa castis pusionem amabilem.  
 Innuunt hoc signo habere, quo suos remuneret,  
 Praemium Diuam nitentem sedulos clientulos,  
 Scilicet prolem beatam, diuitem omnis gratiae.  
 Proinde quisquis esse felix volt, sub huius conferat  
 Ocyus se vitis umbram, fertileisque palmites:  
 Nam sine hac nulli licebit tale munus consequi.  
 Flosculos quidam esse dicunt Virginis multiplices  
 Esse virtutum nitores, huberesque gratias,  
 Nec quidam à scopo vagantur veritatis auj.  
 Quòd suos porro esse flores fructu honoris adserit,  
 Atque honestatis refertos, actuosas indicat  
 Hasce virtutes habere, non inerteis otio.  
 Hac sacra de vite & illud quis neg assit dicier?  
 En tua vxor fida, ritu fertilis viticulae,  
 In tuae domus abunde pullulascit atrijs.  
 Haud enim vmquam effoeta torpet, aut fatiscit partibus,  
 Sed Dei plantata in aede planta felicissima  
 Pignorum aut nouella gignit, aut alit mox edita.  
 Nec queam illud transilire, sicca quòd vitis licet  
 Pareat bruma rigenti, vere vernat attamen,  
 Et repullulante fructum fert nitentem palmite.  
 Sic quoque haec puella sancta, quom foret virgo integra,  
 Siccaque adpareret extra, germinauit tempore  
 Attamen suo, salubremque omnibus fructum adtulit.  
 Unde & hanc antiqui Aronis virga designauerat,  
 Quae licet matrice dudum iam recisa, & arida,  
 Fronduit floresque fudit, protulitque amygdalas.  
 Nam velut resecta virga posta sub tentorio  
 Foederis sola inter omnis pullulauit virgulas,  
 Cumque opaca fronde fructum foeta fudit huberem.  
 Sic Maria sub patenti sola caeli tegmine,  
 Extimo saturo remoto virgo gignit filium,

Qui



Qui tribus notescit vnus hisce rerum symbolis.  
 Laeta frons dictus, quod aestu nos malorum protegat,  
 Flos quod adpectu suauis, quodque odore recreet,  
 Fructus idem, quod salubri nos sapore nutriat.  
 Fructus (inquam) delitescens sub gemello cortice,  
 Qualis in repullulanti creuit ortus virgula,  
 Nostra is est natura amictum duplici Verbum Patris.  
 Hunc diu perculsa amoris sponsa sancti volnere,  
 Sponsa, quae mox parturivit pignus ipsum amabile,  
 Concinit se concupisse, factam & eius compotem.  
 Tandem, ait, consedi in vmbrae laeta amoeno tegmine,  
 Sedi in vmbra sponsi amati, moesta suspiraueram  
 Quem diu, fructumque carpo dulcem auenti frumine.  
 Vmbra erat desyderati sancta gnati humanitas,  
 Quem videre gestiebat velo opertum corporis,  
 Et salutis ferre mundo munus exoptabile.  
 Gestiebat regna mortis destruentem cernere,  
 Et situ veterani auiti, & sordida rubigine  
 Mentibus depulsa, agentem saeculum rursum aureum.  
 Quin velut recisa pridem matre laeta amygdala  
 Fertili foecunda fruge florulenta virgula  
 Indicat delectum ab omni plebe Hebraeum praesulem.  
 Sic carens taeda ingali virgo, & expers omnibus,  
 Edito foetu sacrato, sempiternum Antistitem  
 Delicat terris creatum, cuncta qui mala expiet.  
 Nec vacat, simul quod hisce virga vernarit tribus,  
 Sed dabat gignendum ab ipsa germinali Virgine  
 Filium numen gerentem, corpus, atque spiritum.  
 Haud enim caro puellae creuit aluo informiter  
 Primitus cruore alenda menstrualis, vt caeteris,  
 Sed simul cunctis refulsit pulcer infans partibus.  
 Nec vetem virgae virorem si datam qui Virgini  
 Vim putet gignundi, at albos flosculos, foetum autumet  
 Ventrīs esse, partionem fructum opimum denique.  
 Quis decus non solum honestae non ademptum est Virgini,  
 S Sed



*Sed magis magisque adauctum maxumo cum foenore,  
 Sicut arboris venustae talia ornant stipitem.  
 Quam bene ergo Diua gestat nomen huius arboris,  
 Quae Deo florem pudoris omnium prima obtulit,  
 Sicut illa flore candet caeteris maturius.  
 Nam vouere virginalē st ausa prima liliū  
 Principi Deo sine vllō patrio exemplo prior,  
 Praenia huius instituti facta cunctis posteris.  
 Ergo iure praedicatur Virgo primiceria,  
 Virginum Antistes nitentum, gemma prima virginum,  
 Quae Deo obtulit pudoris prima florem amabilem.  
 Nec modo illa virga florens delibuti flaminis,  
 Verū & eius picta abolla denotabat Virginem,  
 Curioque magnus illa comptus eius filium.  
 Ille enim verus sacerdos solus exstat omnium,  
 Qui suo cruore sancto, non bouillo crimina  
 Noxi deleuit orbis iura frangens Tartari.  
 Hanc tulit summus sacerdos, maximusque pontifex,  
 Quom sibi velamen almi comparauit corporis  
 In sinum lapsus puellae magnus orbis conditor.  
 Hanc rubro fulsisse cocco scripta produnt mystica,  
 Purpura bis tincta, & auro, byssinoque stamine,  
 Ordine intextis quaterno gemmeis nitoribus.  
 Hic erat vernans topazus, hic smaragdus lucidus,  
 Hic pyropi fulgor ardens, atque iaspis caeruleus,  
 Hic achates multiformis, cum rubenti sardio.  
 His onyx accessit apto dictus vnguis nomine,  
 Aureus dictus lapillus, atque sapphiri lepos,  
 Caeterique ibi relati treis peraeque nobiles.  
 Quae quidem cuncta indicabant Virginis praestantiam,  
 Floridae mentis decorem, floridique corporis:  
 Unde caelestis sacerdos pallium sibi adsuit.  
 Hac crucis conscendit aram veste tectus splendida,  
 Et salutarem profudit immolatus sanguinem  
 Idem & hostia, & sacerdos, idē homo, atque idē Deus.*

Hac



*Hac quoque extinctus reuixit moesta busta deferens,  
Quem licet iam captum haberet mors amara innoxii,  
Haud tamen quiuit tenere, sed resumpto corpore,  
Mox reuixit morte victa, & expiatis saeculis,  
Sicque Rex truce draconem dena habentem cornua,  
De tribus qui cauda adunca traxit vnam partibus  
Syderum polo, nigranti victum adexit tartaro;  
Sic leonem rugientem, deuorantemque indies  
Tot animas, quot versat aequor vasto arenas littore,  
Perculit cruce efficaci, & praedam ademit faucibus,  
Cerberumque sic trifaucem Mortis intrans limina  
Insito vigore pollens vinxit, & coercuit  
Igneis ferum catenis, spolia opimae abstulit;  
Sic in astra gloriosus euolauit denuo,  
Adsidetque Patri amato dexter haerens compari.  
Sic suo dilecto habenas filio contradidit  
Post triumphum passionis omnium rerum Pater,  
Posset ut moliri vbique quidquid ipse creuerit.  
Iam mihi (inquit) est potestas summa rerum tradita,  
Quae vigent in orbe terrae, quaeque celso in aethere  
Sub meo sunt cuncta postea praepotenti arbitrio.*





## DE COLUMBAE NOMINE SANCTAE

Virgini attributo. Cant. 6. Vna est columba  
mea, & perfecta mea, &c.



*AVD* sine Augustae fauore euasimus  
lucum arduum,  
Virginis, sed restat ingens nominum ce-  
lebrum  
Sylua adhuc nobis secanda. quare ades  
sponsa inclytas;  
Cui nequit nec fabulosa Iuno multitudine  
Nominum certare, vana nec Diana, quam lubet  
Tale quid petisse fertur proprium patrem Iouem.  
Par labos velle vniuersa versibus comprehendere,  
Saecula quae in nostram priora repperere Heroida,  
Ac minutae summam arenae littorum subducere.  
Quis queat syluam patentem falce parua incidere?  
Quis maris fluctus profundum cludere arta in vrnula?  
Vel modum breui orbis ampli consequi decempedas?  
Sed beatæ prosequamur alia Diuæ nomina  
More apes laetos recessus pernolantis saltuum,  
Sedulo libemus ore dicta carptim florida.  
Sat mihi sit clariora nominum his subiungere,  
Nempe quae pagella nobis sacra comminiscitur,  
Ergo cur columba dicta sit dulce cor mihi expedi.  
Quippe & hoc nomen beatæ sanctus indit spiritus  
Virgini, delegit illam qui sibi, & nouit probe  
Illius mores decentis, indolemque amabilem.  
Haec avis complura nostrae Diuæ habet vestigia,  
Prima quod lurore fellis cassa tristi nascitur,  
Et nihil comesse nouit crudioris visceris,  
Miluij velut rapaces praepetesque voltores.  
Hac item Regina caeli nata dote creditur,  
Nempe



Nempe simplex tota, tota perbenigna, & candida,  
Ceu solet mollis rosa hirtis emicare sentibus,  
Atque de tellure pulla pullulare candidus  
Lilij flos prorsus expers terreae pulliginis.  
Sicque tali creta honore, creta tali origine,  
Nil veneni sensit umquam, nil amarulentiae,  
Nil odi, sed tota crevit melle dulci dulcior.  
Non male vlli dixit umquam dente carpens liuido,  
Quin & Hipponactas acreis non probat, sed improbat,  
Qui nefarijs amant opprobrijs pinguescere,  
Huc item facit rubenti quod columba offendere  
Nesciat rostro, sed alae pugnat ictu cominus  
Pro suis pullis tuendis, proque nidis dulcibus.  
Eligit columba opima quaeque grana vescier,  
Eligit puros fluores amnium liquentium,  
Hoc suum curare pastu corpus, hocce haustu solet.  
Lectitabat prisca vatium Virgo sancta oracula,  
Inque se gaudebat alta perfici mysteria,  
Hoc cibo se alebat, hoc se recreabat poculo.  
Haec quidem pullescit ales caeteris frequentius,  
Sed magis prole propagat Virgo, quae omnes parturit,  
Qui serena promerentur templa caeli inuisere.  
Haud enim caelestem in aulam quis sine illa admittitur,  
Nec Deo quisquam inuenitur incola orbis viuere,  
Quin suam vitam pudicae debeat puerperae.  
Nam licet suum ipsa solum fenerit columbulum,  
Efficit tamen benigna quemque cura proprium,  
Dum bonum nobis procurat omne, & omnem gratiam.  
Quippe quos Verbo potentis veritatis optumi  
Proserit Patris voluntas, hosce format iugiter,  
Filiosque adoptionis gnati ad instar perficit.  
Sicque toto exercet illud corde dictum Apostoli:  
Denuo vos cara proles anxie enitor mea,  
Domicum formetur in vos Christi imago nobilis.  
Daedala columba torque collum habet circumdatum,

Haec



Haec magis magis refulget Solis obuersa ignibus.  
 Hinc auis torquata dicta st torque tali praedita.  
 Gemmeum monile sancta delicare in Virgine  
 Credimus doctrinam ab eius profluentem gutture  
 Dapsilem, miramque, doctrix namque doctorum exstitit.  
 Haec solet nutrisse pullos pro suis extraneos,  
 Exteros non cessat umquam Virgo lacte gratiae  
 Nos suae educare, partus ceu suos parens pia.  
 Oenas alta nidulatur rupium crepidine.  
 At suam spem conlocavit Virgo summo in aethere,  
 Quo nequit feralis hydri vis, dolusve obrepere.  
 Pro canore oenas sonoro congemiscit murmure  
 Flebili, sic mater alma lacrymabat moestula,  
 Quod foret caro superstes pignori, vitae suae.  
 Conquerensque aiebat imo corde dans suspiria.  
 Ede mi dilecte, pascis quo loco in meridie,  
 Ne vager leuis tuorum post greges sodalium.  
 Mansitans columba propter liquidi vndas fluminis.  
 Hic sui hostis conspicatur intruentis impetum,  
 Et cata euadit raponis captiones improbi.  
 Mysticis oraculorum Virgo sueta fontibus  
 Inferi praedonis astus, callidasque offucias  
 Praecauebat, tota legi dum sacrae intenderet.  
 Nec quidem obtutum columbae praeteribo simplicis,  
 Limulis quae numquam ocellis, turbulentisque adspicit,  
 Lympidam sed tendit aciem, rectam, amicam, blandulam.  
 Sicque quae secreto obibat, quaeque rerum propalam  
 Virgo sancta, mente obibat simplici, atque sedula,  
 Nil nisi spectans honorem singularis numinis.  
 Hanc palam testis fidelis comprobat sententiam.  
 Ecce, ait, tu tota pulchra nostra amica, & candida es,  
 Tota simplex, casti ocelli sunt tui columulae.  
 Osculum sola inter omnis nouit oenas alites,  
 Nam frequenter osculari comparem solet suum,  
 Mutuumque sese amico vinciunt conspicio.

Aestuans



*Aestuans calore sancto Virgo Regis caelitis  
 Osculum expetebat ardens. osculetur proprio  
 Ipse, ait, me sponsus ore, quod potita est denique,  
 Nam Dei traxit suauem laeta florem spiritus  
 Se sati, magnum lacertis dum foueret paruolum.  
 Sauio quo copulata sunt procul distantia.  
 Hoc Deus summus propinquus factus est mortalibus,  
 Hoc ratum inter dissidenteis nosque, & inter caelites  
 Inuicem foedus resectum, terram, & inter aethera.  
 Adde quod ferè columba sola numquam cernitur,  
 Sed colit vitam gregatim cum suae sortis grege,  
 Seu cibos captat per agros, seu secat vastum aera.  
 Cum pijs Virgo morari, & mansuetis adsolet,  
 Negligit gentem superbam, mitiorem diligit,  
 Quos suam virtutem amare, & aemulari perspicit.  
 Sin lubet quoque illud adde, quod fugit cadauera,  
 Quae petunt corui voraces, quod nocere nescia  
 Viclitet, suum relinquat quod nec vmquam comparem.  
 Virgo item cauet profana quos Venus putrefacit.  
 Quos suam in fidem receptat, numquam amare desinit.  
 Omnibus prodesse gestit, nulli obesse sustinet.  
 Multa adhuc dicenda restant de columba simplici,  
 Quae videntur posse dici, sed retexe caetera  
 Quae supersunt, iure nequis nos queat reprehendere.  
 Haec avis gaudet morari turribus tectorio  
 Illitis, purisque tectis; sic Maria confidet  
 Inquinatis labe nulla, sorde nulla in mentibus.  
 In suos nidos columba ramicem indit laureum  
 Fascinum timens malignum. Diua nostra in pectora  
 Spem locat virentem olympi, vt amuletum viuidum.  
 Ipsa se admiratur ales, ac renidet maxime  
 Intuens suos lepores, sic suis splendoribus  
 Par Heram laetari amictam veste conspicabili.  
 Contrahit columba gemmas luce de Solis nouas  
 Mille circa collum, & armos; sic Maria gloriam*

Con-



Concipit suam in beatæ Ternionis lumine.  
 Sin lubet tranquillitatem de columba discere,  
 Et quietem virginalem, sedulo consydera,  
 Quod ferunt Graij *αίλειαν ἡμεῖν* prouerbio.  
 Sin amorem virginalis cordis optes noscere,  
 Hunc tibi pandunt Achæi nomine huius alitis;  
 Nam vocant *ἱρὰν περιστῶς* quod solet, *περιστῆραν*.  
 Quod si aues eiusdem amandæ nosse mansuetudinem  
 Virginis, mitemque mentem, *αἶρος ὡς περιστῆρα*,  
 Quod ferunt vetusto adagio, te docebit planius.  
 Aucupes caecam columbam, quam vocant *καλεῦτραν*.  
 Possident venationi caeterarum idoneam,  
 Hac enim adlectant agrestes, atque captant linias.  
 Sic Deus pio fidelem caecam amore Virginem,  
 Deperit quo quemque nostrum, comparauit illicem,  
 Vt genus syluestre nostrum captet, ac sibi adtrahat.  
 Sin columbae vis quoque huius scire pulcritudinem  
 Daedalam, Psalmodon audi quàm lyra bellè exprimat,  
 Plebem vbi è statu redemptum decolori iri canit.  
 Nam licet miro lepore pauo plumæ fulgeat,  
 Huic tamen si conferamus quam canit columbulam,  
 Is queat graco videri, & turpior cornice anu.  
 Et si, ait, labra inter atra dormiatis fumidi,  
 Obliti fuligine inter furua cortinalia,  
 Instar oblectæ columbae plumulis argenteis,  
 Quoi nitet circum corona molle collum discolor,  
 Et rubro dorsum pyropo vernat, atque iaspide,  
 Tandem iniqua liberati sorte, resplendebitis.  
 Rursus idem adfectat alas istius columbulæ  
 Gemmeas, quibus profana deferens consortia  
 Auiæ lumen petessat dulce solitudinis.  
 O mihi si quis columbae pinnulas det praepetis,  
 Possẽm vti secreta adire sancta solitudinis,  
 Meque praeseruare, quis nam me fuit beatior?  
 Quin & hocce adlectat ad se sponsus ipsam nomine:  
 Surge,



Surge, ait, columba mitis, huc ades mea vnica,  
Iam rigor brumae faceffit, pigra hyems abit sibi.  
Torpidus recessit albor, cessit imber frigidus,  
Lenibus flabris fauoni cana nix intabuit  
Montibus, campisque apricis, fronde gliscunt arbores.  
Adferens gratos tepores ver renidet candidum,  
Gratius caelum enitescit, vernat aether laetius,  
Ingemit turtur per agros, fausta Aedon concinit.  
Nostra humus passim corymbos pulcra fundit floreos,  
Grossulis ficus grauescit, alma floret vinea.  
Surge iam columba mitis, huc ades mea vnica.  
Atque ut candorem amandae monstret huius Virginis,  
Haud semel compellat ipsam nomine hocce in canticis,  
Quale sit, quod pangit illic voce lamentabili.  
Ah soror sub diuo agenti pande commissas fores,  
Pande mi columba fida, rore nam caput meum  
Algido madet, capilli noctis hument stirijs.  
Mox canit, mea o columba rupis in foramine  
Os tuum mihi reducas, concava in maceria.  
Iam tua in meis suavis insonet vox auribus.  
Atque ut hanc declaret vnam singulari foedere  
Obligatam sponsam habere, & quidquid exstat vincere  
Virginum forma eleganti mentis, atque corporis.  
Vna, ait, mea est columba candida, vna cultibus,  
Gratiusque compta cunctis, gnata eapsest vnica,  
Uniceque amata matri, pignus electissimum.  
Istius longum expetita saeculis prioribus  
Virginis sacram indicabat indolem columbula,  
Quam pater capaci ab arca Noe quondam emiserat.  
Nam velut reuersa nunciauit aestuarium  
Maximum tandem resorptum glauco oliuae termite,  
Et Deum iam cogitare saeculis humanius.  
Sic Parens benigna pacis nuncia inter caelitum  
Constitit Regem refectae, & nationes gentium,  
Detulit quom gnatum in orbem praeuientem gratia.  
T Quippe



Quippe termes ille oliuae, quem tulit columbula,  
 Signum erat Christi virentis pacis almae interpretis.  
 Qui luem pacator orbis diri ademit diffidi.  
 Hic enim desyderatae pacis osculum adtulit  
 Nuntius Patris superni gentibus mortalibus,  
 Nec potis pacator alter iure dici quispiam.  
 Nam licet pacalis huius dent honorem nominis  
 Herculi vago, peragrans quod plagas terrae, ac freta,  
 Ut ferunt, lustrarit orbem saeva monstra corruens,  
 Attamen nullus meretur nuncupari pacifer  
 Rex nisi is, qui factus orbis totius piaculum  
 Diluit commissa tetra caesus instar agnuli.  
 Nosque lustratos cruoris sacrosancti aspergine  
 Obferens Patri sacerdos iam nouum virum genus,  
 Antea infensum scelestis, reddidit placabilem.  
 Quin fugatis turbulentis pectorum tumultibus,  
 Fernidis velut procellis fluctuantis aequoris,  
 Mentium tranquilla liquit templa se sectantibus.  
 Quare eum vates vetusti pacis almae principem  
 Dictitant, pacis datorem, pacis aeternae auspicem:  
 Nec modum pacis futurum Rege sub tanto adserunt.  
 Hoc bonum stirpi piorum proprium fore innuit,  
 Quod satus sit orbe toto pacem agente, sub Duce  
 Unico, clausoque Iano, subiugatis gentibus.  
 Quin ferunt fagi repertum carmen inscriptum libro  
 Tale sub caelestis ortum Regis à pastoribus,  
 Qui sacrata conuolabant visere incunabula.  
 Iam refloret aurea aetas, prisca vernant tempora,  
 Bella abenis vincta nodis comprimuntur aspera,  
 Impetus Martis cruenti cedit orto Principi.  
 Festa pax diffusa in oras iam renidet vltimas,  
 Iam redit Themis pudica lapsa caeli è cardine,  
 Occidit serpens malignus, virus atrum exstinguitur.  
 Nam Deus terris regendis destinavit vnicum  
 Filium Regem, repellat is mala omnia omnibus,  
 Adfe-



Adferens pacem perennem, qui sibi fide haeserint.  
 Huic bonae pacis datori, nuncio magni Patris  
 Supplicat quidam vetustus auctor hisce versibus:  
 κλυδίμου πατρὸς δῖα κέρε, ποτνίας κουρῆς τέκος,  
 ἀρ' ἔθνη τῶν ὠκυπότμων, ἡ τερ' ἰχθῶν παγκρατὺς,  
 ὅπλον εἰρῶνς ἀείρον χερσὶν ἐν πανολβίοις,  
 τὸ λόγου θεοῦ δὲ φητα, δὸς βίη δ' ἐστ' ἅλ' ὅν τέλος.

Sed redire ad virginalem tempus est columbulam,  
 Quam supra diuina quaedam vidit arces aetheris  
 Igneas mens euolare, transque cunctos ordines.  
 Vidi, ait, quandam decoram, ceu columbam lacteam  
 Riuiolos sublimem aquarum vitreos transcendere,  
 Cuius halabant amictus panchaeis odoribus.  
 Ac velut vernis diebus, quando tellus daedala  
 Funditat florum corymbos, punicae circumdabant  
 Hanc rosae, conualliumque lilia suaue olentia.  
 Hic vocat riuos aquarum lympidos caeli choros,  
 virgo quos post se reliquit, de quibus psalter ait:  
 Quae super caelos aquae sunt concinant nomen Dei.  
 Sed velim Regina ditem gratiam mihi impetres  
 Illius, gnati resedit qui tui almo vertice  
 In columbae specie, & idem nomen hoc tibi addidit.





## DE AQUILAE NOMINE SANCTAE

Virgini attributo. Iob 39. Numquid ad prae-  
ceptum tuum eleuabitur aquila? & in  
arduis ponet nidum suum?



AMQVE adest tempus canendi nomen  
eius alitis,  
Quam Syri <sup>ܐܝܠܐ</sup> vocarunt, Graia gens  
vero <sup>αἰετός</sup>,  
Nosque nostro denique aquilam dictita-  
mus fame.

Quippe & istuc Mystae adoptant Virgini fortissimae,  
Propter huius multiformem vim volucris insitam,  
Ergo nunc columba cedas fortiori aliti.  
Id iubet Regina caeli, quando & haec dotes suas  
Haud minus sortiri ab ortu sese ait feliciter,  
Atque tu, vitam aemulari quae videris ipsius.  
Nam velut aquila vniuersis imperat volucris,  
Omnibusque dignitate praestat, atque robore,  
Aeris campos patenteis quae secant volatibus.  
Sicque trinae Domina turbae, nempe contemplantium,  
Virginumque, & Angelorum praesidet volatili:  
Nam Deus sublimiorem fecit alis omnium.  
Nec modo adsurgunt verentes vniuersae principi  
Aliti, ac cedunt volucres, verum earum pinnulas  
Istius pennae remistae deuorant, atque obterunt.  
Quoi quidem facto latenter haec subest sententia,  
Neminem velocitate mentis, & sublimibus  
Virgini potesse magnae comparari nisibus.  
Quod ferunt Ioui sacrari propter excellentiam  
Gnesion, falsum esse constat, sed Mariam virginum  
Principem Christo dicari quis neget nisi impius?  
In suo nido reponit aquila gemmam nobilem,

Quae,



Quae, quia temulae inuenitur crapulae aduorsarier,  
Hanc suo sermone Graij dictitarunt sobriam.  
Nam negant huius volucris posse pullulascere  
Oua, ni contacta ab istoc viua fiant calculo,  
Quare eum curare nidis in suis recondere.  
Quin ferunt virtutem habere virus amolirier  
Uniuersum longè, & omne triste delcterion,  
Hocce fit, ne bestia ausit pestilens obrepere.  
Haec fidem signat Mariae, quam sui diti indidit  
Corculi nido, venena qua fugabat daemonum,  
Dico vitia quaeque tetra, & saeculi contagia.  
Spiritu hoc viuabat oua, nempe foetus actuum,  
Nam fide acta cuncta sunt destituta inaniter,  
Nec Deo spirare quidquam, quod fide caret, potest.  
Quin suum Gnatum indicasse dicta gemma quiuerit,  
Qui vocatur angularis maxumi preti lapis,  
Millibusque electus vnus, monte caesus sine manu.  
Hunc fide nido locauit Virgo cordis primulum,  
Postmodum vero cubili ventris excepit sui.  
Vnde sunt vinata nostra facta pridem emortua.  
Haud enim tantum sibi ipsi pectori inclusit pio,  
Verum & insertauit illum mentibus mortalium  
Omnium, fidem vigentem qui sequuntur ipsius.  
Hocce turbam virulentam profugamus Manium,  
Ne queant nocere nobis, hocce facta viuida  
Nostra fiunt, quae sine ipso nil valerent friuola.  
Quod ferunt quidam gagaten in suis reponere  
Dulcibus nidis volucrem principantem caeteris,  
Credimus neque id priori discrepare sensui.  
Nam gagates igne tostus, flammeove incendio,  
Nil sui deperdit vmquam, quin gerit praegnans suo  
Hic lapis alium lapillum ventre, tamquam filium.  
Quare & hunc fidem efficacem denotare virginis  
Comprobatam remur acri angustiarum examine,  
Nec tamen quidquam imminutam pristino de robore.  
Porro



Porro quòd gestare fertur alteram aluo gemmulam,  
 Id fidem testatur eius non fuisse emortuam,  
 Sed repletam caritate, cen suo auctam spiritu.  
 Huc facit quòd lusciosos quidam oriri scriptitant  
 Praepetis pullos Pygargi, moxque acuta lumina  
 Reddier tactu Gagatis exolente albugine.  
 Atque tantum lucis inde, tantum apisci acuminis,  
 Vt iubar Solis tueri non modo ausint postmodum,  
 Sed aciem contentè in illum non pauescant figere.  
 Quippe quos progignit ipsa Virgo spiritalitèr,  
 Iis sui dat notionem certiore filij,  
 Vt iubar caeleste possint conspiciari acutius.  
 Nam refert simul gagates virginalem filium,  
 Sonticam qui deprehendens pectoris nostri luem,  
 Efficit ne mente caeca conuolutemur solo.  
 Sed sacro morbo medela iam represso congrua,  
 Mandat adspirare rectos clara caeli ad sydera,  
 Celsa consecrari, & ima quaeque dedignarier.  
 Porro quòd fugare saecula proditur serpentium  
 Punicosi vis Gagatis, in suis fidelibus  
 Innuit Christum solere virus omne exstinguere.  
 Nec caret sensu probando quòd gagates tubera,  
 Atque verrucas reuellit: nam malos furunculos  
 Eximit Christus suorum mentibus fidelium.  
 Sacra sed nos praestolatur, atque suadet gemmulis  
 His ommissis, pangere ales quae supersunt symbola,  
 Quaeis videtur comparari posse claram Virginem.  
 Haec in altis nidulatur, congeritque rupibus,  
 Ne sibi pulli auferantur, in Deo Virgo suam  
 Spem locauit, partus eius ne periret actuum.  
 Constat id quod ante dictum est, in locis aquilam editis  
 Nidum habere, sic Mariae gratia in sublimibus  
 Insidet, sublima caeli nempe cogitantibus.  
 Quippe in his gaudet morari, qui nihil iam terreum,  
 Nil amantque saeculare; sed canunt cum maximo

Gen-



Gentium Doctore in astris nostra conuersatio est.  
 Quod si ais suffixum in altis Virginis nidum iugis,  
 Arduis vitam exstiterisse deditam virtutibus,  
 Prorsus id quoque esse verum quis negasset perspicax?  
 Haec auis praecurrit omneis vna visu acerrumo,  
 Longiusque posta cernit, sic Maria acutius  
 Omnibus ventura praeuidebat, & recondita.  
 Ac velut facem nitentem Solis ales lumine  
 Cernit haec nictu carente, sic Maria clarius  
 Numinis trini serena mente fulgur percipit.  
 Quin eos quos ipsa gignit Virgo spiritaliter,  
 In suos gnatosque adoptat, adsuescit filij  
 In sui diuinitatem fulgurantem intendere.  
 Nam velut pullorum ad ignem Solis ora obuertere  
 Haec solet, visuque acuto praeditos, ceu gnesios,  
 Adserit, visuque obesos abijcit, seu subditos.  
 Sic Parens diuina lumen omnibus sui vnici  
 Admonet diuinitatis, qui nequit glaucomate  
 Mentis illud sustinere, ceu notham prolem abdicat.  
 Permeat cito volatu maxumas immusculus  
 Orbis oras, sic potentis sacra maiestas Herae  
 Porgitur caelum per omne, per fretum, per aridam.  
 Hac ferunt solere pullos nullam amare impensius  
 Alitum, sed vero amore quid potest conferrier  
 Diuae, amanti quos cooptat semper impensissime?  
 His sui procurat escam carnis almi pignoris,  
 Quae coruscas addit alas semet esitantibus  
 Et pareis facit beatissimos, proximosque numini.  
 Adsolet gaudere fulua viscere ales vescier,  
 Atque carne agnina abunde, Virgo candidissima  
 Pascitur sic castitate nostra, & innocentia.  
 Hanc ferunt quoque augurales esse naturae viri  
 Alitem perquam calentis, verum ei cedit nihil  
 Caritatis igne flagrans virginale corculum.  
 In suis quondam tyranni, & purpurati principes

Hanc



Hanc auiem sceptris solebant aureis imponere,  
 Se per hoc signum innuentes praesidere caeteris?  
 Sic super caeleste regnum Rex beatus caelitus  
 In throno sublimiori collocavit Virginem,  
 Ad sui imperi eminentis denotandam gloriam.  
 Innuunt docti vetusti Virginem antecedere  
 Omnibus perfectione, dum canunt *τελειότατον*  
*αἰετὸν τῶν πάντων τετελειῶν, ἀπὸ τοῦ οὐρανῶν μέγα.*  
 Nec quidem illud negligendum quod solet vorfarier,  
 Haec avis plerumque sola, Virgo solitariam  
 Sic item vitam colebat, ni foret necessitas.  
 Hanc negant solam volucrum posse oburi fulmine,  
 Hinc Ioui fingunt sacrari; sed dicata verius  
 Est Deo Virgo, quod expers igne peccati exstitit.  
 Numquam enim in sese furentis prouocauit numinis  
 Facta sons iram nefasto crimine, vt punirier  
 Iure possit, grata semper sed Deo vna floruit.  
 Obsitos iam veste alumnos plumea lagophonos,  
 Atque adultos pulsat alis, & pigros nido excutit  
 Edocens niti per aethram, & se aemulari praeuiam.  
 Haud secus diuina Virgo per sua exempla erudit,  
 Perque docta dicta inerteis, prouocans terrestribus  
 Hisce rebus derelictis, quo volauit subsequi.  
 Huc potest apte referri peruetus prouerbium,  
 Quo ferunt aquilam inuolare nubibus, videlicet  
 Virginem frustratam iniquas captiones hostium,  
 Nam per haec terrena praedo callidus tenacibus  
 Cassibus nos saepe neclit, & dolosa compede  
 Implicat, ne fulua caeli transuolemus sydera.  
 Ergo nos Virgo beata proprio exemplo edocet,  
 Ut bona haec fluxa, & caduca deferentes saeculi  
 Adpetamus sempiternam mente celsa gloriam.  
 Quin potest habere sensum dictum adagium & alterum,  
 Eminentem nempe eandem gloria praecurrere,  
 Et genus mortale, & omnis ordines caelestium.

Quod



Quod ferunt Ioui hanc volucrem tradidisse fulmina,  
 Ut gigantes fulminaret, constat esse id futile,  
 Atque falsum, sed Mariae tale factum congruit.  
 Quippe Virgo pradiata alis aureae innocentiae  
 Vnico summi Parentis membra sancti corporis  
 Detulit, quibus tectus acris stravit aduersarios.  
 Daemonum turbas fugauit, qui tenebant omnia,  
 Laeva quos Deos putabat esse gens, & numina,  
 Victimisque his immolabat cum vapore thureo.  
 His Necem confecit armis Dux neci vitae datus  
 Inclutus, plectebat omne quae genus mortalium,  
 Et scelus nostrum expiauit, innouauitque omnia.  
 Saepe auis carnes olentis haec petit cadauerum  
 Escae amore lapsa ab alto, Virgo conscientia  
 Putidos cadauerosa sic reuifit caelitus.  
 Quippe quos tetri remordet cura amara criminis  
 Conscios adit frequenter, ceu fame impulsa graui,  
 Et medela orationis vindicat putredine.  
 Moris est Percno ferenti de loco prolem ad locum  
 Insuper vectare dorso, nequa forte spicula  
 Missa sursum volnerare, ac sternere ipsam possient.  
 Sic suae protectionis nos vehit dorso pia  
 Ad superna regna Virgo, ne queant Cocytia  
 Nos deorsum abstraxe tela, daemonumve spicula.  
 Dignum & illud comparatu symbolum inter caetera,  
 Quod ferox auis draconi diffidet teterrimo  
 Ob sua oua, mente tentat quae maligna enertere.  
 Quare eum sublime raptat, atque vexat vnguibus,  
 Ille nexu tortuoso necit alas aliis  
 Sic simul delapsi ad ima quisque pugnant acriter.  
 Verum eum plerumque vincit, obteritque inuicta auis;  
 Unde ubi plausum ingruentis aure acuta percipit,  
 Si licet, statim in cavernas, ac latebras abditur.  
 Haud secus cum virulenta gente pugnat daemonum  
 Alma Virgo propter illos, quos Deus sibi eligit,

V Ne



Ne ferantur diro ab hoste victi in ima tartara.  
 Sicque Diua bellicosa praedam ab atro deripit  
 Improbi praedonis ore saepe, quam putauerat  
 Posse tetro deuorasse destitutam gutture.  
 Hoc Deus certamen acre sanxit in natalibus  
 Istius patentis orbis inter hos conflagrari,  
 Quom truci minans draconi tale verbum protulit.  
 En ego inter te duellum ponam, & inter foeminam,  
 Et tuum prae hydre semen ponam, & inter illius,  
 Haec tuum potens Virago conteret dirum caput.  
 Est nefas transire amici quod Deus de moribus  
 Differit aquilae huius almae, dum virum coarguit,  
 Quem petiuit perduellis acer, ut prosterneret.  
 Num tuo (inquit) arbitrato subleuabitur aquila?  
 Aut tuum ad nutum locabit in locis nidum arduis?  
 Ipsa praeruptis moratur, confragisque rupibus,  
 Ac suam inde spectat escam, prospicitque longius,  
 Pernolatque ubi cadauer esse putre senserit.  
 Ipsius pulli calentem sanguinem allambunt simul.  
 Hisce verbis denotauit non ope humana inclutam  
 Diuam in astra subleuatam caelitum super choros,  
 Sed Dei virtute tanto praeditam fastigio.  
 Quin eam quiescere in altis indicat virtutibus,  
 Angelosque inter moratam, qui petrae abruptae cluent  
 Propter illos, qui dirempti conruere in tartara.  
 Tum suam hic refectiorem dicit in caelestibus  
 Quaeritasse, dulci alumnos nutrisse filij  
 Notione humanitatis, quam rubens signat cruor.  
 Innuit tandem (quod ante diximus) praesto fore,  
 Esse semper, ac fuisse vindicare noxios  
 Criminum putore tetro, pro sua clementia.



DE



THEOTOCODIA 155  
DE NOMINE APIS DEI GENITRICI

attributo. Eccl. 11. Apis brevis est in volatilibus,  
& initium dulcoris habet fructus eius.



I L ferè esse in orbe toto dixi honestum, &  
vtile,  
Nil bonum, sollers, venustum, dulce, lae-  
tum, amabile,  
Unde non denominetur Mater alti Prin-  
cipis.

Quare apis quoque inuenitur dicta sacra in pagina  
Melleum propter liquorem, conficit quem floribus,  
Ob pudorem, & gnauitatem, & caetera id genus bona.  
Sic enim scriptura clamat, est apis quidem brevis  
In volucris, sed eius fructus exstat optumus,  
Obtinetque principatum caetera inter dulcia.  
Quae nam apis brevis nisi illa, lecta quae mater Dei  
Se Dei vocat ministram, filijque numine  
Fert refertum corpus almo, vt melle apis fauum suo?  
Caetera enim vitale corpus rore compactum rubro  
Sanguinis fert virginalis; porro succus melleus  
Exprimit diuinitatem delitentem in corpore.  
Nam saluber fructus huius sacrae apis non de sero,  
Caeteri vt solent, virili; sed cruore lymphido,  
Spirituque sancto alescit, ceu fauus de floribus.  
Hoc satum cretus nitenti fert colorem amabilem,  
Et saporem delicatum, fertque odoris gratiam,  
Gratus olfactu, suavis gustu, & adspectu decens.  
Sicque fructus virginalis nos suaueolentia  
Recreat, simulque amoena pascitat dulcedine,  
Adlicitque adspectu honesto, & liberali gratia.  
Zosimus commendat istuc Pontifex mysterium,  
Publicè sanxit quotannis qui micantem caereum

V. 2 Tem



Tempore exsurrectionis luculentae adcondier.  
 Caereus procerus ille corpus alti filij  
 Exprimit diuinitatis lampade aptum candida,  
 Reddidit qui laeta cuncta morte tristi expergitus.  
 Hoc item clam denotatur Matris almae integritas,  
 Quando apis caelebs creatrix talis exstat caerei,  
 Quae suis Diuam figurat moribus caelestibus.  
 Quondam apes legi repertas, quae fauos construxerint  
 In tenelli infantis ore, tamquam in alueario,  
 Qui foret pater leporum, & omnis eloquentiae.  
 Sic sua benigna mater mellea dulcedine  
 Cor meum compleret omne, corque & os iufans simul,  
 Quo queam concinniori voce carmen fundere.  
 Nunc velim Camoena dicas dia, qui volatiles,  
 Praepetesque aues ferantur, qui vocentur alites,  
 Quos refertur inter esse nostra sacra apicula.  
 Qui peragrant summa caeli templa nisu praepeti  
 Mentis acris, ac relictis sedibus terrestribus,  
 Rebus intendunt supernis semper, & caelestibus.  
 Nunc age & quodcunque gnauam nosti apem laudabile,  
 Quodque pulcrum habere morum singulatim ediffere,  
 Atque confer Diuae, & eius institutis optumis.  
 Illa amat flores nitenteis, pasciturque floribus,  
 Lilys, crocis, amellis, & thymis fragrantibus,  
 At fugit nidorem olentem marcidorum corporum,  
 Sicque Iesse virga gaudet floridis virtutibus,  
 Cultibusque morum honestis, sed fugit lubricitatis  
 Putidae virosi odorem, cogitatusque improbos.  
 Ergo nos ornari oportet moribus decentibus,  
 Flosculis velut venustis, si velimus daedalam  
 Usque nobis insidere virginalem apiculam.  
 Grata api tranquilla sudi temporis serenitas  
 Aduenit ventos perosae, turbinesque feridos,  
 Quippe eam porcent procellae pastione florea.  
 Virgo amat pacem serenam mentium concordium,  
 Diligit



Diligit tranquillitatem, turgidosque spiritus  
 Odit infestos quieti, commodisque publicis.  
 Ipsa pulsu aeris canori, cymbalique impendio  
 Tinnientis voce gaudet, verum imago garrula,  
 Quae resultat in caavernis, addidit molestior,  
 Haec Deum lubenter audit iubila insonantia,  
 Et sacros choros, & hymnos, porro ineptas fabulas,  
 Indecenter obstrepentis improbare noscitur.  
 Quam sit autem iussi amatrix moris illud indicat,  
 Quod male adquisito in alueo nec fauorum cellulas  
 Construit melissa sollers, nec potest consistere.  
 Qui se apes proritat, acre torquet olli spiculum,  
 Et venenum laesa spirat, Virginem conuiijs,  
 Qui sacram laceffit, iram sentiet tandem ipsius.  
 Mundius vita fruentum nil ape esse proditur,  
 Proinde foeda quaeque abhorret, putidumque olentia,  
 Egeritque longè oletum de suo alucrio.  
 Nec modo odit ipsa rerum spurca quaeque, & foetida,  
 Sed quoque ipsos delicato delibutos vngue,  
 Spiculoque acuto adurget, impetitque homunculos.  
 Sed nec vsquam excogitare mente defaecatius  
 Virgine illa quidquam habemus, quam solent oracula  
 Sancta lucem nominare, & candidum Solis iubar.  
 Quin & ipsa effoeminatos, & seplasiarios  
 Virgo abhorret, quos olere exoticum puluisculum,  
 Quos iuuat maderere myrra, & transmarino amaraco.  
 Mellicum melissa nectar mille praesentissimam  
 Repperit morbis medelam, Virgo natum protulit,  
 Eripit qui morte saecula, datque vitam perditis.  
 Nos quidem illud scimus esse fabulosum, & futile,  
 Quod ferunt forma Melissam liberali praeditam  
 Melle dulci nutrijse paruolum in Creta Iouem.  
 Ac proinde gratum alumnum contulisse foeminae,  
 Ut cibo, quo se educarat educatrix facta apes  
 Vesceretur ipsa posthac per perenne saeculum.

Sed



Sed bene illud esse certum confitemur propalam,  
 Virginem lactis liquore melleo verum Deum  
 Se satum mox educasse, & nutrijse infantulum.  
 Sicque eam laboriosa factam apem sollertia  
 In superna regna ductam mellea dulcedine  
 Pascier diuinitatis, & beatitudinis.  
 Roscido se melle nutrit, & rubenti erythace  
 Parca apis tempus per omne, Diua alebat se actibus,  
 Qui manu gnaua geruntur, quique aguntur spiritu.  
 Hacce se pascet esca bina amator nobilis,  
 Qui meum fauum comedi, pangit ore candido,  
 Iam meum fauum comedi cum meo melle huberi.  
 Hic fauus caelatus artis cellulis sexangulis  
 Melle plenae actionem corporalem delicat:  
 At latex dat functionem spiritalem melleus.  
 Dulcibus rebus fouetur, recreatur de fructu  
 Fessa apis, ficuque dulci, sic benignis moribus  
 Pascitur nostris Maria, & comitate adfabili.  
 Quem Ducē sortita honorat cumque apis, quam maxime  
 Huic obedit imperanti, sic verebatur Deum  
 Virgo, & obseruabat eius iussa cuncta sedulo.  
 De suis apis locellis desides fucos quatit,  
 Exigitque immune monstrum, quod nihil frugis ferat,  
 Verum iners consumit intus quidquid ipsa congerit.  
 Sic Maria expellit à se, & gratia sua abdicat,  
 Qui nihil gerunt salubre, & adferunt dispendium  
 Caeteris gulae, otioque, luxuique dediti.  
 Sese apis librat lapillo, ne leuis ludibrium  
 Ingruentis fiat Euri; sic Maria immobilis  
 Turbine in tentationis haesit, ut rupi, Deo.  
 Furua apem laboriosam de suo alucario  
 Vis solet fugare fumi, sic Mariae gratiam  
 Improbo fastu repellit turbulentus spiritus.  
 Nec quidem illud transeundum quod frequenti gaudeat  
 Gnaua apis sodalitate, sic amat consortia,

Et



Et pios coetus proborum Virgo gestit visere.  
 Haud secus suo beata struxit amplam regiam  
 Virgo in imo corde Regi, quam ferunt Hyblacam apem  
 Intumo moliri in alveo proprio Duci atrium.  
 Quisque apes curam tuendae suscipit, talem ferunt  
 Nosse eam, multumque amare, sic suos potissimum  
 Diva Mater novit, atque diligit domesticos.  
 Non sibi ipsa apes liquorem melleum tantum parit,  
 Verum & hunc nobis recondit, Virgo nec tantum sibi  
 Protulit fructum salubrem, gentibus sed omnibus.  
 Casta apes libat flores puriorum fluminum,  
 Terrulentos vitat amneis, sic Maria fontibus  
 Se sacrarum litterarum recreabat lymphidis.  
 Delitescit bruma inertis pigra in alvearijs  
 Parca apes, geluque torpet. Virgo ubi infidelitas,  
 Atque hyems amoris alget, fertur esse inefficax.  
 Quin apes compendiosa gnava diligentia  
 Virginis sollertis huius luculentam imaginem  
 Obtinet, dum sese honestis occupat laboribus.  
 Nam simul boni parentes obtulere trimulam  
 Impigram Deo ministram, sicuti spoponderant,  
 Gratus manu parato numini sacrarium,  
 Sedulo diuina obire mancipata munia,  
 Sedulo relata sanctae scita legis voluere,  
 Et frequens conferre vatum mente dia oracula.  
 Quin dabat se orationi noctis in silentio,  
 Interimque aeterna ruminabat, & caelestia,  
 Nonam ad horam, post vacabat corporali muneri.  
 Sic breui coetum sodalium aurea modestia,  
 Et pudore antecire, & omni laude sanctimoniae  
 Norma facta vitae honestae caeteris aequalibus.  
 Haud secus quam plena fulget inter astra Cynthia,  
 Quam rosa inter purpurascit flosculos minutulos,  
 Et smaragdus in lapillis enitet vulgaribus.  
 Quin vouere virginale est ausa purum lilium

Prim-



Principi Deo sine vlllo patrio exemplo prior,  
 Praeunia huius facta saeculis instituti posteris.  
 Ergo iure praedicatur Virgo primicaeria,  
 Virginum antistes sacrarum, virginum primaria,  
 Quae Deo obtulit pudoris prima florem candidum.  
 Quare eam florere cernens tot Deus virtutibus,  
 Sede de summa volucrem mittit illi nuncium,  
 Qui ferat velle esse matrem germinis sui vnici.  
 Illius quem dudum amando scilicet conceperat  
 Intimis mentis medullis scripta vatum lectitans,  
 Quod foret secreta Virgo mater excelsi Dei.  
 Mater eius, quem celebrat gnatus Amos nobilis,  
 Quo loco inquit foeta fiet Virgo, & edet filium,  
 Quem parens appellabit Alma nobiscum Deum.  
 Ergo vbi accepit Pater quid vellet, ore reddidit,  
 En ego imperata summi sum parata ancillula  
 Exsequi Regis, secundum sit mihi verbum tuum.  
 Hisce dictis in puellae sanctus intrat viscera  
 Spiritus, virtusque ventrem complet illa Altissimi,  
 Et nouum fit denique illud, atque inauditum prius,  
 Quod vetus vates canebat, quem parens sanctum edidit,  
 Rem nouam (inquit) molietur terrae in orbe caelitem  
 Rex, Puella caelibe aluo nam virum circumdabit.  
 Hisce gestis, lactus ales ocyor vento aetheri  
 Redditus, responsa Patri rettulit sponsae Deo,  
 Gaudiumque oppleuit ingens templa sancta caelitem.  
 Id prius quoque adstruebat Patriarchae seruolus  
 Missus ad quaerendum herili filio aptam coniugem,  
 Qua reperta, corde laeto contulit se in patriam.  
 Angelus factum innuebat tale, quando Manue  
 Filium denunciauit nasciturum strenuum,  
 De manu gentem exterorum qui suam defenderet.  
 Sic Dei illibata Virgo concipit prolem vnicam  
 Sic subit castellum Ihesus, quod sacer scriptor refert,  
 Sic David intrauit idem turrin inexpugnabilem.

Mille

Mille se  
 Quip  
 Arx,  
 Machinis  
 Quin  
 Vnde  
 Hic enim  
 Quam  
 Et sup



# THEOTOCODIA.

161


Mille scutis cinctam, & armis, mille propugnaculis,  
 Quippe erat fortissima illa rupe fixa in ardua  
 Arx, Avernalis tyrannus quam nequirit vertere  
 Machinis, dolisque cunctis, nec cruento exercitu.  
 Quin cateruae tale castrum contremiscunt inferae,  
 Vnde se accepisse cladem, & damna norunt maxuma.  
 Hic enim primum supernus Imperator constitit,  
 Quando profligare in orbem venit hosteis impios,  
 Et superbos sede celsa daemonas detrudere.



X DE



DE DOMVS DOMINI NOMINE REGINAE caeli attributo. Psal. 92. Domum tuam decet sanctitudo.



*VNC mihi domus canenda'st, siue templum, nomina Virginis clarae, sed ante scala cur haec dicitur Concina, quid signet arca, quidve sanctuarium.*

*Dicitur Virgo beata scala, quod nos exsules  
Infima de sede terrae tollat in caeli atria,  
Et Deum deducit ad nos hospitalem ex aethere.  
Tale priscis est relictum patribus mysterium  
In vetusti Patriarchae luculento somnio,  
Scalae ubi sub astra tensae vidit innixum Deum.  
Et gradi sursum deorsum caelitem alites choros,  
Qua statim fidelis heros visione expergitus,  
Hic domus Dei profecto'st dixit, & caeli ostium.  
Scala celsa erat Mariae forma summae Virginis,  
Quae licet terras teneret stirpe mortali sata,  
Attamen sublimi adibat mente caeli sidera.  
Huic adhaeret ergo scala qui polo descendere  
Iam per ipsam cogitabat, nosque Rex inuisere,  
Atque ab ima sede in astra creuorat sustollere.  
Haud enim ipsa scala caeli dicta solum, quod Dei  
De poli stellantis arce filium deduceret  
In sui ventris cubile Diva virgo floridum.  
Sed quod & mortale saeculum Dux ab hac subduceret  
Fida pignus per beatum valle lacrumabili  
In serena templa caeli, & caelitem in consortium.  
Quin Dei domum vocauit, quod videret incolam  
Hanc Deum tenere velle, velle & inde concipi,*

*Et*



Et nouem menses habere dulce diuersorium.  
 Oſium porro ille caeli, & portam Olympi diſtitat  
 Quod ſalutem prodituram cerneret mortalibus  
 Ex ea, caelumque poſſe nos per ipſam indugredi.  
 At frequens recurſus ille ciuium caeleſtium  
 Per gradus ultro, citroque ſcanſiles dabat fore  
 Ipſi uti nobis per illam iungerentur vniter.  
 Haud ſecus Diuam id monebat caelitum conſortio  
 Perfrui debere natam ſedulo obſequentium,  
 Et viciffim ſe colendae tamquam Herae exhibentium.  
 Quin eandem olim indicabat mentibus ſollertibus,  
 Quod Deus ſibi imperauit pegma ſanctuarij  
 Conſtrui, rite ut ſubiret noſtra contubernia.  
 Hoc erat corpus Mariae myſticum tentorium,  
 Non quidem ſultum columnis cedrinis, vel aeneis,  
 Pellibus rubriſve tectum, carbafiſve ianthinis,  
 Nec litis auro tabellis, nec baſe aptum argentea,  
 Sed Dei peculiari fabricatum induſtria,  
 Eſſet ut perfectum, & omni praeditum elegantia,  
 Quae ſupra dicta innuebant in typo compactili:  
 Nam velut gnatus decore praenitebat caeteris  
 Filijs, ſic mater alma filiabus omnibus.  
 Vnde & ipſa diſtitatur tota pulcra in canticis,  
 Et figurata in puellis, quae ſacris in biblijs  
 Praedicantur formae honore praefitiſſe caeteris.  
 Arca vero incluſa talis ambitu peristyli,  
 Viuidis compacta lignis, nec ſitu putrentibus,  
 Aureo ſerto reuincta, & braſteis cincta aureis.  
 Mens erat latens puellae corporis ſub tegmine  
 Nullius culpa veneno, noxiaeue obnoxia  
 Omnibus vallata clarae laudibus prudentiae.  
 Caeterum quod talis arca continet verbum Dei,  
 Admonet puro Mariae pullulaſſe in pectore  
 Unicum Dei, prius quam ventris in ſaepto hortulo.  
 Quod quaternos demum habebat circulos cum duplici



Veste, quæ vehi solebat, addocet virtutibus.  
 Quatuor regi fuisse bino amore feruidam.  
 Sed suam ad domum redire Patriarcha maxumus  
 Nos monet, quam fabricatrix syderum micantium,  
 Et soli, glaucique ponti condidit sapientia.  
 Ipsa suffulsetque sacro, ne labaret, culmini,  
 Gemmeas septem columnas, eius ut sedes foret,  
 Atque eam trini teneret numinis praesentia.  
 Nec super tali silendum est quid Deus dicat domo  
 Construenda Regi amico per prophetam interpretem.  
 Non mihi tu gratum amice construes palatium,  
 Quod colam, sed postquam adempto lumine obdormieris,  
 Postumum tibi excitabo de tuo ortum semine  
 Filium, huic perenne sceptrum praeparare destino.  
 Is meo domum decentem condet almo nomini.  
 Ast ego eius sedem in aeuum sempiternum fulciam  
 Regiam; Pater vocabor ipse talis filij.  
 Ast meus cluebit ille iuregnatus vnicus,  
 In meum regnum reducam Regem, & in thronum meum,  
 Quem tenebit iustus haeres firmiter per saecula.  
 At domum hanc meo sacrabo, & dedicabo numini  
 Inclytam, non vnquam ab istac nostra flectam lumina,  
 Huic meum cor adligabo, curae erit semper mihi.  
 Sed quid horum auditor istac de domo canat, cape:  
 Sanctitas (inquit) perennis addecet domum Dei.  
 Quare ego illius decorem diligo admirabilem.  
 Hanc quoque idem prosperari, & iugiter florescere  
 Filij ex persona in aeuum nostro amicti corpore  
 Obsecrat pius propheta maxumum Patrem Deum.  
 Tu bene (inquit) dic fidelis seruoli tui domum,  
 Sicuti locutus es mi, Rex bene hanc dic optume,  
 Quo sit auspicata coram te perenni tempore.  
 Sed sibi quid vult prophetae bina comprecatio?  
 Sempiternae electionis nempe certitudinem,  
 Atque consummationis absolutam gratiam.

Idem



Idem opes huiusce magnae concinit fidicen domus,  
Concinitque lautio rem cultum, & amplam copiam,  
Nosque ibi solari egenam posse commonstrat famem,  
In tuae domus beatæ Rex bonis explebimur,  
Quippe gaza tota abundat, tota luxu splendido,  
Hic noua arridet supellex, hic noua adfluentia.  
Quàm beatus, quàmve felix quisquis ò Deus tuæ  
Sub domus nitentis amplis atrijs morabitur  
Ille te cantare numquam voce grata desinet.  
Fidere insuescent tuarum saecula alarum Deus  
Tegmini, domusque fient copijs tuæ ebrij,  
Iis tuæ torrente potum de voluptatis dabis.  
Quin & idem procreandæ de suo olim semine  
Virginis candore captus liberali, & gratia  
Taliter Regi beato concinebat caelitum.  
Summe Rex tuæ decorem diligo admirabilem  
Inclytæ domus, tuæque gloriæ sanctæ locum,  
Ne velis me cum profanis, impijsve perdere.  
Quin & alter obstupescens huius amplitudinem,  
Clamat ò domus potentis quàm Dei magna Israel,  
Quàm locus possessionis eius ingens panditur.  
Multa ad hæc vates supremo concitati numine  
Caeteri super domo istac protulere oracula,  
Quale & id, quod Festus alti fundit interpres Dei,  
Quod Deus plebis reductor ipse dictat propriæ.  
Terram, & aequor concitabo, lataque orbis moenia,  
Et frequentis exterarum nationes gentium.  
Moxque Rex desyderatus, omnibusque amabilis  
Præsto erit, domum replebo gloria hanc mirabili,  
Clarius domus nitebit quàm prior nouissima.  
Hic Pater nouissimam aedem virginalè vasculum  
Distit at, quo gnatus eius carne semet induit,  
Particeps humanitatis factus, atque corporis.  
At domum primam vocauit protoplastam foeminam,  
Quam malus subuertit anguis fastuosum ob spiritum,  
Porro



Porro postremam Mariam dicit insolentiae.  
 Nesciam prorsus futuram, & omnium quasi infimam:  
 Huius ergo rite maior splendor esse dicitur  
 Vltimae aedis quam prioris, quae ruit mox condita.  
 Nam prior peccando mortem proprijs nepotibus  
 Obtulit, postrema vitam rettulit mortalibus,  
 Quando concepit pudico ventre Christum principem.  
 Tunc & ipse implevit ante voce quod sponderat  
 Nobilis vatis vetusti, nempe sanctitudinis,  
 Et locum pedum meorum augere honore peruolo.  
 De domo quom virginali dicta sint multa adfatim,  
 Insimul de virginali differamus culmine,  
 Cuius & figura templum Salomonis exstitit.  
 Nam domus subinde templum, templū item cluet domus,  
 Tamque quod captiuitatem conditum praecefferat,  
 Quam quod & captiuitati postmodum successerat.  
 Haud latet me angustiōis aedis amplam machinam,  
 Quam bonus Rex monte sacro collocauit Moriae;  
 Erigendae omen fuisse spiritalis fabricae.  
 Scilicet satū puellae procreandae regio,  
 Quam Deus suae volebat esse templum gloriae,  
 Corporis vestiri amictu nostro vbi decreuerat.  
 Ne modum vero extumescens hymnus excedat sacer,  
 Quae patent per sese omittam notiora transuolans  
 Tu sagaci conde mente quae profabor mystica.  
 Ac duo primum notato molis huius propria,  
 Saeculis cunctis stupendam nempe magnitudinem,  
 Et noui ornatus decorem, & daedalam elegantiam.  
 Tanta erat regalis huius magnitudo curiae,  
 Ut virū centum exstruendo milies sexagies  
 Occuparit continenter septuenni tempore.  
 At lepor talis nitebat intus, vt quamplurima  
 Aduenarum ad se intuendum pelliceret agmina,  
 Porro opus cōstabat omne cedro, & auro, & marmore.  
 Marmor amplum construebat ambitum muri extimum,

Hunc

Hunc  
 At ced  
 Hic erant  
 Mira, pl  
 Perfidi  
 Hicce signi  
 Se suos p  
 Vndicem  
 Magnitudo  
 Nemo e  
 Vt sibi  
 Quis queat  
 Aureis  
 Ni fua  
 Ergo tali  
 Rex do  
 Delic  
 Nempe  
 Moe  
 Bra  
 Ipse en  
 Ma  
 Non  
 Qui que  
 Ac  
 Nec  
 Nec fu  
 Ver  
 Om  
 Ceu sol  
 A  
 F  
 Ma



Hunc coassabant olentes cedrinae introrsum trabes,  
 At cedri conuestiebant bractee tigna aureae.  
 Hic erant caelata Regis, pictaque acta caelitum  
 Mira, plebi qui redemptae de tyranni compede  
 Perfidi, praecepta legis sospitalis sanxerat.  
 Hisce signis Rex putabat, splendido & caelamine  
 Se suos posse excitare ad diligendum proprium  
 Vindicem, qui se maligna servitute exsoluerat.  
 Magnitudo poscit ingens maximam potentiam,  
 Nemo enim tantum virorum comparasse possiet,  
 Ut sibi auscultent iubenti, ni fuit Rex praepotens.  
 Quis queat porro expolisse tale sacrum laminis  
 Aureis, pictave cedro, caeterisque ornatibus,  
 Ni fuit summa peritus artifex scientia?  
 Ergo tali duplicata praeditus potentia  
 Rex domus metator huius Architectusque arduae  
 Delicat rerum satorem, conditoremque omnium.  
 Nempe qui mundi capacis condidit flammantia  
 Moenia, insignique pinxit syderum toreumate,  
 Brachium dictus supremi Patris, & sapientia.  
 Ipse enim suae parentis indolem celsissimam  
 Maxumus fundavit auctor eminentem caeteris,  
 Non quidem statu insolenti, sed sacri bono ingeni.  
 Qui queat, ni talis esset, atque tanta amplectier,  
 Ac suum auctorem tenere, quem nequit comprehendere,  
 Nec sinu tellus patenti, nec poli conuexio?  
 Nec fuit sat condidisse virginalem fabricam,  
 Verum & ipse ornavit altis artifex virtutibus  
 Omnibus, queis floruisse quisque ab aeuo proditur.  
 Ceu solet monile doctus aureum micantibus  
 Aurifex variare gemmis, ac figurarum notis,  
 Floreis veris corymbis, syderumque insignibus.  
 Marmoris nam signat albor pulcher innocentiam,  
 Auri in aestimatione caritatem intellige,  
 At cedrus dat castitatem nescia imputrescere.

Quin



Quin eam fulsisse mentis vniuersis dotibus  
 Indicat fani exstruendi mysticum septennium.  
 Nam dabat septena sancti spiritus donaria.  
 Nec minus mirum videtur quod sacer scriptor refert,  
 Non fuisse audita scalpra, malleosve obtundere  
 Aede in hac dum conderetur, arma quadratarij.  
 Nam quies talis monebat viuendum sacrarium  
 Procreandum immune auiti virginalis fomitis,  
 Ferreus quem prodidisset ictus aures verberans.  
 Haud enim decebat illam parte in hac concedere  
 Lubricae priscae parenti cretae ab osse comparis,  
 Quae bibit dirum venenum callidi anguis improba.  
 Quin honestiora vates fabricae natalia  
 Istius recentioris intuens fore incinit.  
 Est domus decor secundae quam prioris amplior.  
 Nam prior funesta mortis triste conceptaculum  
 Exstitit gnatis, sibi que, sed secunda posteris  
 Protulit porta nitenti cara vitae semina.  
 Vltima tandem absolutam quom frequens coronide  
 Coetus, & Rex dedicaret victimis sollemnibus,  
 Tum Dei flagrantis opplet sancta maiestas domum.  
 Id dabat fore, vt veniret ad colendum Virginis  
 Integrum cubile, corpus vt sibi alnum sumeret,  
 Atque eam compleret ardens numinis praesentia.  
 Subdidit diuinus auctor hisce, quae clarauius  
 Rite palmas adprecantem sustulisse ad sydera  
 Supplicem Regem, superbum templum vbi perfecerat.  
 Ac Deum exorasse, vt omnis, qui sub hac testudine  
 Supplicasset liberari cladibus praesentibus,  
 Adnisset vellet olli pro sua clementia.  
 Si seges tentetur atra fertilis rubigine,  
 Seu fames, morbusve teter, siue bellum incesceret  
 Siue capta gens in orbem duceretur exterum.  
 Seu neget foetus opimos terra inops enituer,  
 Quod graui torrescat aestu. rura findat aestifer

Sirius,



Sirius, nullosque caelum fundat imbreis aeneum,  
Si manus, mentisque ad istuc tenderent oraculum,  
Ut malum triste amoueret numen exorabile,  
Protinus voto impetrato compotes euaderent.  
Hinc queat fructum salubrem quilibet decerpere,  
Gesta praeclusisse nostris si vetusta intelligens  
In suum conuertat usum quod latet sub littera.  
Hinc enim quauis patescit pro necessitudine,  
Si pigens peccasse ad alium virginalis oraculum  
Confugit, posse obtinere quisque quod rogauerit.  
Si tui recuset aruum segne bruti corporis  
Ferre frugem, tostum anhelat quod siti lubricinis  
Aestuet, voca Mariam castitatis auspicem.  
Ast opum quisquis laboras sordida cupidine,  
Vel graui linoris aestu, siue fastu turgido,  
Siue tristi ira, ad Mariam vorte mentem sedulam.  
Si laceffit te acre bellum manium crudelium,  
Siue captus heu sub orcum iam profundum abdukeris,  
Inuoca nomen Mariae, matris omnis gratiae.  
Si quatit tentationum turbo pectus lubricum,  
Ut procellat, siue morbus te vrget, atque angustia,  
Tolle palmas ad Mariam, spem periclitantium.  
Nemini fontem perennem diuitis clementiae  
Indigenti claudit vniquam facta mater omnium,  
Gratiae mater benigna, mater indulgentiae.  
Tum queas cantare priscum carmen illud iubilans  
De suo templo sereno supplicem vocem audijt  
Rex meam, peruenit aureis ad Dei clamor meus.  
Concines gratus quoque illud grande misericordiae  
Caelitum supreme Rector, munus impetrauimus  
In penetranti nitentis aedis augustae tuae.





DE THRONO ILLO EXIMIO, ET SINGULARI, quem verus Salomon Christus Rex pacificus sibi praeparauit: cuius typus mirabilis mysticè describitur libro Reg. 3. cap. 10. & 1. Paralip. c. 9.



IRGINEM videre in orbe sospitalem  
perdito,  
Plurimi prophetae auebant, atque Reges editam;  
At quia id tunc non licebat, exprimebant symbolis.

Hanc thronus quoque innuebat adfore, artis mirae opus,  
Quem gerens pacis vocamen Rex sibi construxerat,  
Regum in actis ut refertur luculenter Israel.  
Nam videbat corde vates perspicaci Virginem  
Comptibus nouis creandam mentis, atque corporis,  
Omnibusque augendam abundè gratiarum dotibus.  
Quare eam expressisse signis gestiebat mysticis,  
Mystica informabat arte, quo futura saecula  
Dignitatem Diuae haberent rite contemplarier.  
Fecit (inquit scriptor ille) Pacifer sibi thronum  
Rex eburnum grandem, & auro vestijt fuluo nimis,  
Et gradus adpegit alto sex sedili scansiles.  
Bisque senos fecit idem per gradus altrinsecus  
In thronum obuersis tuentes frontibus leunculos.  
Summa pars postica talis exstitit teres throni.  
Tum duae manus sedile continebant aureum  
Hinc & inde, utrasque fuluus stabat ad manus leo,  
Editum nec tale in vllis est prius regnis opus.  
Cuncta quae claranda nobis, quo patefcet gloria,  
Et decus summum Mariae: nam videtur barbaris  
Inter hanc nil esse, & inter quas lubet mulierculas.

Hic

Hic sac  
Rex, o  
Verum  
Nam typ  
virgin  
Ponere  
Haec enim  
In Deo  
Nempe  
Quippe du  
Demit  
Magno  
Quod sac  
Et De  
Sicut  
Mox (ait  
Gent  
Qua  
Haec  
De  
Sic  
Quin  
Pro  
Grat  
O bene  
Lau  
Cum  
Nostre  
No  
Sic  
Hanc  
E  
T  
Sed



Hic sacris fuisse libris proditur trinominis  
 Rex, opus qui tale fecit, quo sederet splendide:  
 Verum vti pacalis istuc factitasse proditur.  
 Nam typum gerebat eius, condidit qui postmodum  
 Virginis sibi cubile, pacem vti inter caelites  
 Poneret, gentemque nostram dissidenteis inuicem.  
 Haec enim est sella illa felix, vnde laus mortalium  
 In Deum prorumpit ingens, atque plausus caelitur:  
 Nempe vbi ipse sessor inquit. En noua facio omnia.  
 Quippe dum redemptus alter mortis atro limine  
 Demitur, sarcitur alter diminutus nequiter,  
 Magno aguntque vtrique grates Vindici concorditer.  
 Quod sacer percepit olim mente sublata in Deum,  
 Et Deo monstrante testis abditum mysterium,  
 Sicuti testatur ipse, cui datum istuc cernere.  
 Mox (ait) vidi catervam conglobatam ex omnibus  
 Gentibus, linguisque in vnum, tamquam arenam dapsile,  
 Quae throno adstabat corusco, coram & agno candido.  
 Haec stolis fulgebat albis, palmeosque ramulos  
 Dextera victrici habebat tale carmen concinens:  
 Sit salus throno insidenti Regi, & agno caeliti.  
 Quin thronum circum omnis illa nobilis caelestium  
 Procidens pubes supremum rite adorabat Deum,  
 Gratulansque mille laetis personabat vocibus.  
 O bene omnis dicat alium numen, & tollat Dei  
 Laudibus, sapiens feratur solus, & grates pias  
 Cuncti agant, cultumque reddant, vota que olli debita.  
 Nostro Hero omnis plaudat orbis terrae, in orasq; vltimas  
 Nomen extendat verendum, summo honore clareat.  
 Sit potens, pollensque abunde per perenne saeculum.  
 Hanc probe cognosse Patrem sessionem filij,  
 Et probasse, testis ipse filius dicens Patri,  
 Tu Deus tu nostram habebas sessionem cognitam.  
 Sed prius consyderemus, cur metallo argenteo,  
 Aureoque omissa, & aere nobili corinthio,



Primum ebur fulcrum curulis auspicetur regiae.  
 Dens bonis candore lucae praeminet spectabili,  
 Praeminet, polletque abundè viuido idem robore,  
 Frigidoque constat vna, & alsioso corpore.  
 Et quid istac inuenitur singulari Virgine,  
 Quod magis candescat vsquam, quae sui ad spectus niue  
 Adlicit Regem supremum, regiamque curiam?  
 Fortius quid exstat vsquam, quid viget robustius,  
 Vasa per quam summus heros diripit fortissimi,  
 Et vicem armatae phalangis praebet vna bellicae?  
 Alsius quid denique illa nobili frigidine,  
 Quam Dei virtus obumbrans texit obtentu suo,  
 Noxio ne quidquam ab aestu posset vnumquam laedier?  
 Hisce nec praefertur aurum saecularis scientiae,  
 Nec quidem argentum sonorum candidae eloquentiae;  
 Sed nec vlla gemma ditis gratiae cuiuslibet.  
 Subijcit diuinus auctor hancce sellam daedalam  
 Oppido fuisse grandem; sed quid ista Virgine  
 Grandius pote inueniri, ventre quae concluderit,  
 Quem nequit tellus, nec aether, nec fretum comprehendere,  
 Vniuersa qui intra & extra complet almo numine,  
 Quae vigent caeli sub axe, quaeque in oris aetheris?  
 Altius sustolle mentem, & intueri singulos  
 Caelitum choros peragrans, comperibis illico  
 Quidquid exstat grāde, et amplū Diua id esse angustius.  
 Sentiesque nec quidem alto par vigere in aethere  
 Quidpiam, soli sed illam conditori cedere,  
 Sed super quae sunt sedilis membra mens ediffere.  
 Fului (ait) vestiuit auri flore sellam eburneam,  
 Aureus fulgor metallis vniuersis praenitens  
 Indicat caeleste numen, quo Maria fulgurat.  
 Hocce erat quod testis alter conspicatus optumus,  
 Signum. (ait) permagnum olympo tunc in alto adparui  
 Sole amicta mulier imis lunam habens sub calcibus.  
 Nec sinam transire, amici, Quod nimis fuluescere

Adse-



*Adserit throno inlūn aurum. Nam latet quid mysticū  
 Hisce verbis, quod lapillos antecellit Indicos.  
 Quatuor modis inesse dicitur suis Deus,  
 Primum inest aequē vniversis numinis praesentia,  
 Unde & esse sortiuntur, atque habent subsistere.  
 At secundo inesse solis numen efficacia  
 Dicitur bonis, quōd illos munia ad digna excitat,  
 Atque obire accendit vnā, quae probat salubria.  
 Tertio quibusdam inhaeret per suum adflatum pijs,  
 Atque menti inspirat ollis quae gerenda in posterum,  
 Consilique arcana pandens conscios sui efficit.  
 At modo peculiari, & ante inaudito omnibus  
 Virgini cohaeret vni, & vni inest aptissime,  
 Vt suae congerminascens flos virenti arbusculae.  
 Ut suae stirpi propago, germen vt plantae suae.  
 Hic tremiscat cunctus orbis, nec quidem ausit hiscere,  
 Obstupens dignationis huius immensum chaos.  
 Insidet verbum supernis patrum in cohortibus:  
 Attamen non stirpe cretum, non eadem origine,  
 Vt queat dici esse secum, dictum vt almae Virgini.  
 Addidit throno (inquit) idem Rex gradus senos suo.  
 Disce mente cogitare quaeque honesta, & candida,  
 Et gradum primum tenere rite dici quiveris.  
 Si tuam vero insonare, proloquique insueueris  
 Fausta linguā, nec pudenda verba ab ore exprompseris  
 Te gradus secundi adisse noscito altitudinem.  
 Porro si tractata tecum, & cogitata intrinsecus  
 Sedulo exercere cures recta, & actū prosequi,  
 Ad gradus victor volasti tertij fastigium  
 Quōd si iniquos edocebis, deuosque induxeris  
 In viam redisse rectam, & flebiles solabere,  
 Te gradus quarti adtigisse scito culmen arduum.  
 Saeculum si infame linquas, atque saecularia  
 Dona fluxa, vt hospes orbis, spe calens caelestium,  
 Ad gradus quinti cacumen subsilisti gnauius.*

His



His bonis si persidere firmiter curaveris,  
 Metā adusque summā inhaerens hac graui in sententia,  
 Tum gradus sublimitatem sexti habes, & vltimi.  
 Talibus columba felix compta in arceis se intulit  
 Aetheris sublimis alis, tali olympi in arduum  
 Se extulit praepes volatu verticem perniciter.  
 Has sibi concinnet omnis, qui cupit caeli ingredi  
 Templa, vbi Regina Virgo caeteris conspectior  
 Angelorum claritatem non parum reuerberat.  
 Quod si ais caelo receptos gente de nostra ordines  
 Sex gradus throni, super quos Virgo sancta attollitur,  
 Hoc perinde corde scito, & erudito habebere.  
 Nunc age expedire perge quae sequuntur protinus  
 De throno regeſta ſacris virginali annalibus.  
 Parte poſtica (inquit) eius ſummitas rotunda erat.  
 Haec erat mitis Mariae glorioſa adſumptio,  
 Quando eam caeleſtem in aulam ſydere ornatam caput  
 Extulit, thronoque celſo collocauit filius  
 Regia admirante caeli, caelitumque exercitu,  
 Inuicemque ſciſcitante cum ſtupore maximo.  
 Quae nam ab oris ſponſa in aſtra ſurgit orbis ſquallidi  
 Tam venuſta, ac delicata innixa dilecto ſuo,  
 Gratijs cunctis abundans, ac nouis leporibus?  
 Queis ferunt reſponſum ab alijs, haec eaſe eſt inclyta,  
 Quae licet praecineta ſacro virginali baltheo,  
 Vnicum ſummi Parentis ventre pignus florido  
 Edidit, cuius reclinis nunc quieſcit brachijs.  
 Haec ea eſt, quae prorsus omnis pura viuens noxiae.  
 Noxiale obtriuuit atri calce ſerpentis caput,  
 Et genus mortale mortis expediuit caſſibus.  
 Quin & ipſam contuentes filiae clarae Syon  
 Virginem matrem ſupremi Principis lectiſſimam,  
 Omnibus cultam decenter comptibus praefignibus  
 Clamitant id beatam, praedicant laudabilem,  
 Conſoniſque ad aſtra tollunt ſoſpitalem Heroïda

Voci-

Vocibus  
 Haec ea est  
 Et puella  
 Quae Sal  
 Sicuti vidist  
 Atque da  
 In cubilib  
 Sed refer po  
 Pars fuit  
 Transiit  
 Sed sequens  
 In throni  
 Semetip  
 Nempe pri  
 Quos pr  
 Gnatu  
 Hi cluent  
 Quem  
 Nam  
 Sine bin  
 Nam  
 His m  
 Id docet  
 Omni  
 Ceu g  
 Porro st  
 Indic  
 Virg  
 Quid th  
 Et m  
 Dup  
 Nam  
 U  
 T  
 Prae



Vocibus carmen sonantes illud inter caetera.  
Haec ea est quam Rector altus expetiuit caelitum,  
Et puellas eleganti vincit omneis gratia,  
Quae Salem colunt quietae ciuitatis moenia.  
Sicuti vidistis illam plenam amore candido,  
Atque dulci comitate blandiorem caeteris,  
In cubilibus pudicis, hortulisque aromatum.  
Sed refer postrema Diuae cur rotunda dicitur  
Pars fuisse, vita nempe quod caduca in perpetuum  
Transiit rotunditati comparatam interminae.  
Sed sequens edisseramus, quid duo, & decem velint  
In throni stantes utrinque quolibet scymni gradu,  
Semetipsos contuentes, & throni fastigium.  
Nempe primores magistros, terrae & orbis lumina,  
Quos prius delegit omni gente, ut humanum genus  
Gnatus eius erudiret, ad fidemque adduceret.  
Hi cluent parui leones, siue propter maximum,  
Quem tribu de Iuda oriri Patriarcha dixerat.  
Nam vocari stirpem alumnos quis magistri nesciat?  
Siue binos propter alios principes Apostolos:  
Nam licet sint magni & ipsi, comparati his maximis  
His minores esse multis arguentur partibus.  
Id docet vero esse magnos, quod pauoris nescij  
Omnis, hostes veritatis territarunt acriter,  
Ceu graui rugitu, ubique praedicando gentium.  
Porro stantes virginalis per throni subsellia,  
Indicant nequisse summae tangere excellentiam  
Virginis, sed optumo illam iure demirari.  
Quid throni demum sedile, quid ve signant brachia,  
Et manus illud tenentes, cor nisi almae Virginis  
Duplici fultum actione mentis, atque corporis?  
Nam domus habere curam, seduloque identidem  
Unicum suum solebat educare filium,  
Tum simul terris relictis celsa contemplari.  
Praepetes leuabat alas mentis in procestria  
Aetheris,



Aetheris, Deumque totis hauriebat sensibus,  
 Et manu sollerti obibat si qua opus facto forent.  
 Nec quidem nec vero abhorret, immo vero consonat,  
 Duplices dixisse palmas Patrem, & alium spiritum,  
 Qui simul firmam tenebant matrem amati filij.  
 Tale erat textum sedilis, saeculis quod omnibus,  
 Se se ait quaesisse retro, posset ut quiescere  
 Rex amicus pacis almae, nec potesse offendere  
 Hac nisi in dia puella, caeterae dum fluctuant  
 Pectorum fretu aestuoso, & carnis impotentia,  
 Vnde nec praebere quivuit vlla pausam principi.  
 Nullus umquam sede sedit Rex sua pacatius,  
 Ac beatæ pacis auctor virginali in sellula,  
 Quam statu recto nequivit vlla vis evertere.  
 Non eam turbavit atrox ventus insolentiae,  
 Non malus lior, nec aestus ullius cupidinis,  
 Non metus, dolorve fregit, mansit usque immobilis.  
 Eia demum & par leonum quid moramur eloqui  
 Qui forent, alter sinistrae, dexterae alter ad siti,  
 Daedali fulcrum sedilis, quae tenebant firmiter?  
 Hos duos scito optimates destinatos Virgini  
 Exstitisse, ut adjuvaret functiones corporis  
 Alter, alter functiones adjuvaret spiritus.  
 Nam Patris summi potestas deputavit dexterae  
 Gabriel, menti tuendae fulgurantem Archangelum,  
 Improbis ne posset hydrus impedisse sedulam.  
 At suo dilecto alumno sustinendam tradidit  
 Filius sinistram, alendum corpus, & vitam suae,  
 Nempe custodi integello, Matris integerrumae.  
 Hisce binis dictum & illud scito de custodibus.  
 Rex habebat pacis almae vineam carissimam,  
 Sedulisque eam tuendam tradidit custodibus.  
 Higerunt nomen leonum propter ardorem insitum,  
 Mentiumque acrem vigorem. Nam retundit daemones  
 Fortis Ales. factiones terret alter impias.

Quippe

Quippe  
 Intra  
 Exti  
 Nec sati  
 Cuncti  
 Non  
 Quo quid  
 Clari  
 Glori  
 Hic pat  
 Nec  
 Fatti  
 Nam li  
 Ter  
 Vsp  
 De tbr  
 Me  
 Et  
 Quip  
 Hi  
 Hi  
 Huic  
 Pr  
 Vir  
 Sin la  
 Vn  
 Or  
 En se  
 Su  
 Il  
 Tm  
 N



Quippe is est, qui vibrat ore verba fulminantia,  
 Intonans Verbum supernum prima ab usque origine  
 Exiit, Verbumque patre cum suo semper fuit.  
 Nec satis visum perito quae supra digessimus  
 Cuncta scribae prodidisse, ni quoque ijs subiungeret,  
 Non opus fuisse in vllis tale regnis conditum.  
 Quo quid vnumquam quibat aliud dicier disertius,  
 Clariusve ad exprimendam Virginis praestantiam,  
 Gloriamque singularis, & decus mirabile?  
 Hic patet profecto abunde nec super caeli plagas,  
 Nec super terras, nec vsquam filium magni Dei  
 Factitasse comparandum quidpiam Matri suae.  
 Nam licet complura constent facta in oris aetheris,  
 Terreoque in orbe, & infra magna, nil tamen viget  
 Vspiam par, aut secundum conditum manu Dei.  
 De throno hocce Euangelista veritatis buccina  
 Mente crebra vidit olim promicare fulmina,  
 Et graueis prodire voces, & tonitrua horrida.  
 Quippe terret gentem atrocem perditorum daemonum,  
 Haud secus quam fulmē ardens, at pijs blanda adfauet,  
 Hisque opē praebet salubrem, spemque vitae perpetis.  
 Huic throno submittit agmen caelitum de vertice  
 Proprio demptas corollas indicans partum decus  
 Virgini debere magnae, splendidamque lauream.  
 Sin lubet pernoctasse quidnam de throno hocce creuerit  
 Vnici Sator coeui, mente conde oracula  
 Ore veraci profusa nescij mentirier.  
 En semel iuratus (inquit) per decus magnum meum  
 Sum meo Duci fideli, nempe semen inclytum  
 Illius manere in aeuum velle, numquam defore.  
 Tum thronum manu pararit quem sibi ipse daedala,  
 Cum nitenti Sole & astris, cumque Lunae lampade  
 Perpetim volo vigere, testis in caelo Deus.  
 Nunc virum rursus audiamus, cui thronum legauerat  
 Hunc suum custodiendum, quom redire ad maximum

Z

Rex



Rex patrem Deum pararet, de throno hoc quid viderit.  
 Dum tuebar, ecce obortus est mihi in caelo thronus,  
 Et super thronum sedebat sessor admirabilis,  
 Huic erat vultus coruscus fulguranti iaspidi  
 Concolor, sardaeque rubrae, porro cingebat thronum  
 Lumini suppar smaragdi daedala iris undique,  
 Tale mi visum sedile st, talis & sessor simul.  
 Hic phelys sacra pande, tota cur smaragdino  
 Arcuato Dina limbo dicitur circumdari,  
 Quid ve iaspis signet ille, quid lapillus sardius.  
 Primo habet fidem puellae denotari immobilem,  
 Spemque viua, pectus almu quae perenne ob saepserat,  
 Talem enim sensum virenti luce gemma suggerit.  
 At fatum paternum iaspis, atque nulli effabilem,  
 Quo satus cum Patre pollet, fert honorem comparem,  
 Sarda dat quam cepit heros indolem de Virgine.  
 Sed quid est, quodd alter auctor nobilis sapphirino  
 Hunc se ait thronum intueri concolorem lumini,  
 Ac super firmamen alto constitutum in aethere,  
 Vult ita induxisse mira puritate Virginem,  
 Dedit am rebus supernis, id colore gemmae agit,  
 Tum super coetus locandam firmiter caelestium.  
 Vidit id sacer propheta, nec se felicit visio.  
 Haec enim virgo alma caelo addicta erat tantummodo,  
 Sed fuit quoque ipsa caelum longe olympo celsius.  
 Hocce erat caelum illud ardens, dictum ab ignis nomine,  
 Quo Deum Psalter parat a sede sessurum incinit,  
 Et daturum iura cunctis praesidentem gentibus.  
 Hoc suo tamquam in cubili constitit Solis rora,  
 Vis flagrans diuinitatis, hoc eodem constitit  
 Luna, id est humanitatis luculenta adsumptio.  
 Hocce erat quod mens prophetae, qui cluet salus Dei,  
 Viderat sublime solium, & eleuatum maxime,  
 Atque humu oppleri insidentis tota honore Principis.  
 Hocce erat quod ipse cantat, habito ego in sublimibus,  
 Caeli.

Caeli  
 Nubis  
 Hoc item  
 Praesci  
 Firmum  
 Tanti opus  
 Ut nihil  
 Si modo  
 Proinde cr  
 O pater  
 Ne irri




Caelitum colo ceteruas, noster autem immobili  
 Nobis haeret in columna perpetim fixus thronus.  
 Hoc item quod praeparandum dicit in clementia  
 Praescius sedile vates, quodque cana in saecula  
 Firmum ait sacer futurum scriptor in paroemijs.  
 Tanti opus penditque, amatque comparis gnati Pater,  
 Ut nihil negasse nobis sufferat rogantibus,  
 Si modo obsecremus ipsum per thronum sui Vnici.  
 Proinde crebra comprecemur voce vatis supplici,  
 O pater throni memento gloriae sodes tuae,  
 Ne irritum nobiscum in auras ictum eat foedus tuum.





## DE FERCVLO SALOMONIS HE

braicè dicto *יִרְמְיָהוּ* Graecè *εὐφροσύνη*, quod erat  
 typus Virginis. Cant. 3. Ferculum fe-  
 cit sibi Rex Salomon de lignis  
 Libani, columnas eius fe-  
 cit argenteas, &c.



**N**EC quidem ambigo fuisse Virginis matris  
 typum,  
 Quam refert fecisse thesam Salomon in  
 canticis,  
 Commode ut cubare posset, ac vehi re-  
 galiter.

*Sed mihi perpende sodes diligenti examine.*

*Quis nam opus pararit illud, quasve res impenderit,  
 Nec procul me abesse vero protinus fatebere.*

*Primum enim talis repertor nuncupari Salomon  
 Proditur texti, fuisseque omnibus potentior  
 Rex opum splendore, & alta praeditus prudentia.  
 Proditur regnasse genti non protervae, ac barbarae,  
 Sed fideli, ac mansuetae, quae Deum cognosceret,  
 Illiusque cultum haberet, ceu sonat vox Israel.*

*Ferculum porro è recisis monte lignis Libano  
 Fecerat faber, columnis fulseratque argenteis.  
 Tum solū omne instrarat auro, & culmen ostro fulgido.*

*Parietem vero pyropo, ferculi qui inter basim  
 Stat medius, culmenque summum, gemmula vestiuerat  
 Caritatis, propter almae filias Hierusalem.*

*Tale erat Regis beati mysticum vestibulum,  
 Talis ipse Rex, sed vmbra conferamus corpori,  
 Et figuram veritati luculentae enanidam.*

*Salomon denominatus pacis à vocamine,  
 Quae Syris *דלש* vocatur, indicat Christum Dei  
 Filium.*



Filium, qui nostra pax est, tum sui pax ipsius.  
 Quod potens Gazis vigeret, ac perito pectore  
 Denotabat Regem eundem, qui cluet sapientia  
 Patris almi, & sempiternis pollet idem copijs.  
 Quod piae genti imperaret, atque cultrici Dei,  
 Rege cum nostro benigno congruit quoque id probe,  
 Qui bonorum est imperator, & Deum colentium.  
 Verus ergo noster iste Salomon Rex pacifer  
 Ferculum sibi parauit tam vetusto clarius,  
 Quam suam praecellit umbram corpus adspectabile.  
 Hoc erat matris sacratae sensilis lecticula,  
 Quam sibi Rex perpoliuit, quando corpus sumere,  
 Ac vehi creuit per orbem summus orbis conditor.  
 Quippe in eius ventre puro, ceu cubili in regio,  
 Rex nouem menseis alescens conquieuit integros,  
 Ac velut sella in curuli vectus est regaliter.  
 Moxque natus pulcer infans Matris vlnis candidis,  
 Et sinu gestatus almo st, dum papillas sugeret,  
 Sic vehi visus frequenter virginali in sellula st.  
 Talem (ait vox sacra) thesam de tigillis, cedrifera  
 Libanus quae fert, fuisse factam, id est propagine  
 De piorum, qui perennes nuncupantur arbores.  
 Nam velut Phoenicis orta sylua montis arduis  
 In iugis robusta longum peruiget, sic sanctior  
 Durat incorrupta proles nescia imputrescere.  
 Addidit faber columnas de metallo argenteo  
 Rex quaternas, vt quaternum virginalis corporis  
 Temperamen indicaret esse lympidissimum.  
 Quin potest per has columnas fulcipientis feruli  
 Machinam rite indicari quatuor virtutibus  
 Virginem fuisse nixam, ne labaret, regijs.  
 Quid solum vero illud aureum, quid pauimentum dabit,  
 Quo solebat ille plantis Rex beatus nitier,  
 Nisi animam Diuae nitentem diuiti sapientiae  
 Quippe fulgor signat auri mystice lucem intimam,



Et iubar, quo praeter omnis virgo prudentissima  
 Fulgurabat, unde mulier Sole amicta dicitur.  
 Et quia anrstat decore praenitenti caeteris  
 Aureum corpus metallis, denotare noscitur  
 Indolem Reginae honestam, & continentiae decus.  
 Tum quia probatur esse semper in corruptile,  
 Exprimit simul fuisse corpus almae Virginis  
 Floridum, & corruptionis prorsus expers putidae.  
 Hoc suum cubile terram dicitat Rex caelitem,  
 Caelum, ait, mihi sedile st, terra vero fertilis  
 Est pedum scamnum meorum, nempe corpus Virginis.  
 Ergo nec mirari oportet Virginem tali indole  
 Ventre concepisse puro principem sapientiam,  
 Quae prius sellam dicasset vinidam olli pectoris.  
 At micans succis lacunar purpurai fulgidae  
 Igneum mentis vigorem praeferebat Virginis,  
 Tota quae flagrabat alto complacere numini.  
 Ostrum ad haec signat decorem luculenti corporis,  
 Signat os nativo honore, & liberali gratia  
 Praeditum, ac sacrum pudorem, tum verecundū decus.  
 Signat & splendorem adeptam regiae eminentiae  
 Ob suum conceptum herilem, & principatus gloriam.  
 Ostrum enim st insigne Regum, principumque illustrium.  
 Quin rubor perculsa acerbo Virginis praecordia  
 Is dabat doloris ictu, quando atroci in funere  
 Vnici est confossa mater mentis alto vulnere.  
 Nec minus rubebat eius mens amore saucia  
 Intimo, dum gnatum aueret contueri, ac perfrui,  
 Postquam ea in terris relicta, se in patris domū intulit.  
 Quare eum supplex rogabat ingemens dispendia  
 Temporis, moramque longam, saeculo vt se abduceret,  
 Saepiusque vrgebat illud, sponse me post te trabe,  
 Hasque adeo dabat querelas moestula, atque lugubris  
 Alloquens fidos ministros, & choros caelestium,  
 Qui sibi adstabant frequentes expediti ad nutū Heræ.  
 Vos

Vos rogo  
 Nunci  
 Langui  
 Denique i  
 Clamat  
 Quo loc  
 Indica, ne  
 Cui pec  
 Digred  
 Quin & a  
 O me  
 Et sua  
 Caetera  
 Dite  
 Fert  
 Per fide  
 Per  
 Vn  
 Prae  
 N  
 H  
 Sicque  
 Et  
 Tri  
 Tande  
 Edi  
 Vi  
 Quod  
 H  
 Q  
 Hoc  
 Co



Vos rogo, vos ò supernae filiae Hierusalem  
 Nunciate nostro Amori, vt languo deperdita,  
 Languo consorte dulci, macrorque dissita.  
 Denique ipsa vim potentis baud ferens desyderi,  
 Clamat ò mi multum amate sponse, sodes, indica  
 Quo loco pascis, cubesve lucido in meridie.  
 Indica, ne forte coeptem deuia incerto pede,  
 Ceu pecus carens magistro, per tuorum ignobilis  
 Digredi errabunda caulas, & greges sodalium.  
 Quin & ante quàm veniret obsecrabat sedulo.  
 O meus dilectus hortum migret in suum huberem,  
 Et sua ipse poma carpat, quae sua seuit manu.  
 Caeterum ille intergerinus fulgurans carbunculo,  
 Dite gemma caritatis, virginale corculum  
 Fert Dei repletum amore, & totum opertum lumine.  
 Per fidem Christus vigentem, perque amorem iugiter,  
 Perque spem colebat illud dulce diuersorium,  
 Vnde vt igne massa ferri, sic Deo illa incanduit.  
 Praeparat cor tale summo splendidum sacrarium  
 Numini, caeleste numen munus agnoscit suum,  
 Hoc amat, suaque honestat nobili praesentia.  
 Sicque totam mancipauit se omnibus virtutibus,  
 Et Deo, sic templum opimum dedicauit numini.  
 Trino, & vni, sempiternis quod teneret saeculis.  
 Tandem opus quòd tale propter filias Hierusalem  
 Editum sit, intimatur ob salutem publicam  
 Virginem esse sospitandi procreatam saeculi.  
 Quòd si ais regale magni Salomonis ferculum  
 Hoc, suum thronum fuisse, lectulumve daedalum,  
 Quem viri circumdedere bis triceni strenui.  
 Hoc item potest probari, si reclinatorium  
 Aureum, vetus quod auctor vertit, esse dixeris,  
 (Quod licet) fulcrum beatum mollicelli lectuli.  
 Coccinum quod vero ibidem vortit adscensum, indicet  
 Quod super thorum solebat stragulum distendier

Ful-



Fulgidis succis rubescens nigricantis muricis.  
 Porro quod traducit idem media talis ferculi  
 Esse operta caritate, delictet cara admodum,  
 Reque multo dignam honore culcitram fartā adfatim.  
 Hisce rebus praestitutis, dic reclinatorium  
 Aureum, corruptionis prorsus omnis nescium  
 Esse ventrem virginalem castimonia aureum.  
 Hoc enim, ceu fulcro honesto, se reclinauit pius  
 Rex olympi, hoc sospitator conqueiuit gentium,  
 Quando venit caeli ab oris sospitare perditos.  
 Hic erat totus nitore fulgurans sapphirino,  
 Sicuti de ventre sponsi sponsa sacra praedicat,  
 Quem vicissim & ipse saeptum dicit albis lilijs.  
 Ventris huius dignitatem foemina illa nobilis  
 Senferat, quae clamitauit praedicante filio.  
 O beatus ille venter alme Rex qui te tulit,  
 Stragulum vero illud ostro fulgidum dic Virginis  
 Esse rerum imbutum amore spiritum caelestium,  
 More lanae incoctae aheni purpurantis muricis.  
 Hunc sacrum ardorem creatur filij diuinitas,  
 Cui volens suum incolendum corculum substrauerat,  
 Unde factus matris vnus, atque prolis spiritus.  
 Ergo vti consumptor ignis (teste sacro oraculo)  
 Numen ardet; sic Mariae spiritus flagrans sacer  
 Canduit coniunctus igni fulgurantis numinis.  
 Unde ei terrena rerum cuncta erant fastidio.  
 Iam nihil desyderabat, ni ampliori gratia  
 Adfici, si posset, atque gloriam summi Dei.  
 Quam bene ergo cor dicatum totum, & addictum Deo,  
 Numine instinctum superno vota per caelestia  
 Nomine insignitur ostri, regijque straguli.  
 Lectuli dic vero medium, culcitram videlicet,  
 Sive puluillum esse Diuae luculentam Virginis  
 Animulam, quae corpus inter, spiritumque interuenit.  
 Hanc refert fuisse plenam caritate flammea,

Quod




Quod vigore tota amoris esset offertissima,  
 Ut vocari amor potesset, non amoris particeps.  
 Quippe quo Deus subiuit ventrem in eius tempore,  
 Ex eo repleuit animam virginalem caritas,  
 Induitque Virgo nomen caritatis feruida,  
 Quod Dei peculiare constat esse, ac proprium.  
 Me (canit) Rex introduxit cellulam in vinariam,  
 Et suum mi insigne nomen caritatis indidit.  
 Vnde mox diuini amoris clamat ista volnere,  
 Floribus fulcite amici, mala mi substernite,  
 Mala odora, nam misella caritate oblangueo.  
 Nec nouum, hanc languere amore, quae sui cari Unici  
 In suo signatam habebat corde viuam imaginem,  
 Dextero impressam lacerto, sicut ipse iusserat.  
 Pone me (inquit) ut sigillum corde fixum in intumo,  
 Brachio me insculpe amanti, quippe fortis caritas  
 Mors ut atra, dura ut orcus vinida aemulatio.  
 Illius flammae calescent, flammae ut acris fulminis,  
 Multae aquae quiuere numquam caritatem exstinguere,  
 Fluminum nec obruent hanc impetus torrentium.  
 Restat ut quoque explicemus quid monerent mysticum  
 Bis tricenī heroes illi, lectulum qui regium  
 Ob pauores ambierunt turbulentos noctium.  
 Hi dabant fortem cohortem, quae tuebatur tribum  
 Iudae ab omni clade tristi, ne tyranni excinderent  
 Funditus, qua dia habebat haec puella nascier.  
 Nam malus delere daemon semper exarsit genus  
 Hoc sacrum vi perfidorum, ne cubile existeret  
 Indidem Christi, timores hi vocantur noctium.  
 Nec minus mihi videtur per manum praestrenuam  
 Hanc ducum procinctam ad arma, militum caelestium  
 Innui sacros tribunos cum suis cohortibus;  
 Qui cauerent, ne superno dedicatam Principi  
 Daemonum contaminaret gens profana regiam,  
 Et simul suam obsequelam commodarent Virgini.

Aa

Quod



Quòd refert fuisse tales robur omnis Israel,  
 Exprimit de classe prima, & de choris primarijs  
 Exstisse, qui supremo semper assistunt Duci.  
 Quòd refert fuisse doctos bella obire strenua,  
 Innuit sollertem eorum, prouidamque industriam  
 Ad furorem comprimendum, telaque infensa hostium.  
 Quòd tenere dicat enseis quemque eorum ferreos  
 Ad latus bellare promptos, signat hosce maxumis  
 Viribus pollere ad illos profligandos fortiter.  
 Sic sui defensitarunt Regis almi lectulum  
 Floridum, ne dira turba daemonum deperderent  
 Flosculorumserta odora, quis refulget perpetim.  
 Idque factum vt germinare posset hic feliciter  
 Flosculus perennis ille, & germen oblectabile,  
 Qui canit, sum flosque campi, & lilium conuallium.



DE

DE CA  
caeli
 Ad latus  
 Binae  
 Cuncta  
 Ille enim

 Dima  
 Nil

 Quam  
 Tot

 Tot  
 Hunc

 Quo  
 Spe

 At fac  
 Scap

 Qua  
 Fulua

 Egi  
 Qu

 Nec  
 H

 S  
 Hi



DE CANDELABRI NÖMINE MARIÆ  
caeli Reginae attributo. Zach. 4. Vidi. & ecce  
candelabrum aureum totum, &c.



*L* A M D I V me expectat illud aureū can-  
delabrum,  
Quod Dei memor propheta ferre vidit  
lampada  
Parte summa, & septem habere desuper  
lucernulas.

Ad latusque vtrumque clarae lampadis cohaeserant  
Binae oliuae fronde glauca, bacca onustae dapsili,  
Cuncta quae discussa fragrant miro odore symbola.  
Ille enim lychnuchus auro ductus ē putissimo  
Dinae erat Dei futurae matris omen splendidum,  
Nil reprēdi introrsum habentis, nilq; dignū extrinsecus.  
Quam suus commendat auctor elogio praenobili.  
Tota (ait) formosa amica nostra, tota amabilis,  
Tota ab imis pulcra plantis, candida vsque ad verticē.  
Hunc pede institisse trino scito nixum firmiter,  
Quod fides fultura pectus, ne labaret Virginis,  
Spesque erat sufferta amoris igne flagrantissimi.  
At facem gerens coruscā rectus in cacumine  
Scapus intentam ad supernum dat Deum mentem fore;  
Qualis huius exstitisse mens puellae proditur.  
Fulua fax porro ingerebat emicans ē stipite  
Egredi debere ab ipsa mox iubar mirabile,  
Quod plagas squallentis orbis luce clara adcenderet.  
Nec silebo quid lucernae mysticum portenderent.  
Hae dabant officia septem, quae vocant clementiae,  
Sive septem dona sancti luculenta Spiritus.  
Hisce erat comenda sacris dia sponsa cultibus,  
Haud secus quam rorulentum pratulum distinguitur

AA 2 Flori



Floribus rubente vere suauiter spirantibus.  
 Adde ad haec quòd nomen istuc splendidum candelabri  
 Virginem dabat futuram castitatis auspicem,  
 Atque laturam pudoris posteris sacri facem.  
 Si inuat demum illae oliuae quid forent pernoscere,  
 Dextera igneae tenentes, atque laeua lampadis,  
 Illae erant duo beati principes Apostoli.  
 Clauiger caelestis alter, Doctor alter gentium,  
 Qui procures terrae decori semper adstant Principi,  
 Et suae miti Parenti, dulce lumenque hauriunt.  
 Diffi oliuae voce sacra, quòd per illos nuncia  
 Creuerit referre mundo pacis aeternae Deus,  
 Et fidem semper virentis veritatis pandere.  
 Hinc liquor manauit ille, quo peruncti euadimus  
 Sacra gens, & sancta Christi Regis aucti nomine,  
 Et sacerdotale clarum culmen indipiscimus.  
 Quare & ipsi congruenter audiunt candelabra  
 Bina, duplicesque lychni, quòd fugata pectorum  
 Mira peruolgauit orbem lux per hos caligine,  
 Vnde funus virginali iure pollinctoribus  
 Proditur curatum ab hisce, tum sepulcro conditum,  
 Quom Parentem venit ad se Rex supernus tollere.  
 Qua die corona fratrum Virginem electissimam  
 Iam iacentem ad astra miris extulere laudibus,  
 Caeterosque Antistes inter Petrus orsus edidit.  
 Gaude id thalami superni sponsa, & ò thearchici  
 Luminis candens labellum, claritas qua adparuit,  
 Et iubar caeleste mundo perduto caligine.  
 Ciuitas Solis triluci, porta summi principis,  
 Porta, quam vidit Prophetes obscuratam vestibus,  
 Nec vir vllus limen alium permeabat gressibus.  
 Regium ò sponsi cubile florulentum caelitis,  
 Quo Pater caelestis Agno, qui nefas mundi eluit,  
 Gratijs sponsam nitentem copulauit omnibus.  
 Hic torum taedis beatissimae strauit almi filij,

Et



*Et sacrata nuptiarum foedera auspicatus est,  
Unicum suum coronaque induit spectabili.  
Fulgido aduelauit ostro, Regijsque insignibus,  
Et dapes parauit amplas splendidi conuiuij  
Omnibus sponsi benigni sobrijs sodalibus.  
Tu leuis nubes corusca, mensa panis mystici,  
Iudicis summi tribunal, vrna manna continens,  
Candicantis ara caeli, candidum agnum gestitans.  
Tu Dei templum serenum, cella sacra aromatum,  
Principis caelestis ardens purpura, altare aureum,  
Aula opima sempiterni Regis, augustus thronus.  
Haec perennis gratiarum fons, acerraque aurea,  
Hortulus nulli reclusus flore vernans perpeti,  
Atque summi amica Regis, Spiritus sacrarium.  
Haec volumen illud amplum Patris inscriptum stylo,  
Quo suum Verbum renatum scripsit ipse Altissimus,  
Vt legatur vniuersis exaratum gentibus.  
Tu Dei sublimis aptus millibus laetantium  
Flammeus currus sedentis flammeos super choros.  
Quo graueis fudit quadrigas vectus aduorsarias.  
Haec opimus astra tangens lucida alto vertice  
Mons, vbi insidere gaudet, insidetque perpetim  
Cretus istoc monte sancto mons supremus montium.  
Quem bonus coniecto olim montis abruptum iugo,  
Ceum petram sine arte vidit primitus, sed postmodum  
Montis increuisse molem, cuncta quae late occupet.  
Haec fenestra excelsa caeli, quae inbar laetabile  
In nigrore mortis atrae detulit sedentibus  
Atrium lustrans capacis orbis alto lumine.  
Nempe vbi nostro cohaesit qui creatur omnia  
Parieti artifex supremus, perque eam nos adspicit,  
Et sua nostras tenebras discutit praesentia.  
Hac repulsa de virenti sede luci amabilis,  
Inque terram foetam acutis exsul acta sentibus  
Gens subimus templa caeli, regna pridem imperuia.*

*Haec*



Haec quoque ille *campus* *huber*, quo *satus* qui *dixerat*:  
 En ego *flos campi* *odorus nullius* *satu sati*,  
 Nec *manu humana*, sed *almo rore caeli* *fertilis*.  
 Haec erat *promissa* *quondam terra* *priscis patribus*,  
 Terra *dulci lacte* *abundans*, atque *mellis riuolis*,  
 Quae *tulit vitae* *perennis perpetem* *dulcedinem*.  
 Haec *via* *st*, qua *venit ad nos* *sospitator gentium*,  
 Quaque *nostrum extorris* *ante quisque factus* *municips*  
*Aetheris serena olympi* *scandimus fastigia*.  
 Haec *oliua pinguis*, *unctum* *quae tulit sancto* *unguine*,  
*Vinea Aegypto reducta*, *pulera nardi* *arbuscula*,  
*Cedrus enodis comanti fronde* *vernans iugiter*.  
 Haec *columna firma mundi*, *gaudium mortalium*,  
*Scala tollens ad superna regna* *gentem flebilem*,  
*Navis ad portum salutis* *conuehens erraticos*.  
 Haec quoque *arcus ille postus caeli* *in altis nubibus*,  
 Quo *Dei cor volneratum* *dulci amoris spiculo*,  
*Tu meum cor volnerasti* *sponsa* *(ait) mea*, & *soror*.  
 Uno *ocello volnerasti cor meum*, *volatili*  
*Ceu sagitta missa in altum*, & *volneratum candidi*  
*Crine colli me illigasti*, *meque deduxti aethere*.  
 Haec *piae tutela gentis*, *iuge propugnaculum*,  
*Hostium terror ferocum*, *maniumque immanium*,  
*Iubilum caeli perenne*, *cantus immortalium*.  
 Haec *parens numquam occidentis*, atque *alumna syderis*,  
*Igneum Solis beati mentium petoriturum*,  
*Nuncia arcanæ diei*, *dulce Verbi umbraculum*.  
 Haec *amicta Sole mulier*, *daedala arcus iridis*,  
*Ferculum Regis supremi*, *vasque sacrum electrinum*,  
*Gloriae corona fulgens*, *purpureaque taenia*.  
 Haec *rubus non igne laesus*, *virga Iesse florida*,  
*Iesse radix*, *cinnamomum*, *balsamumque nobile*,  
*Gemmei sertum decoris*, *suaue candens lilium*.  
*Virginumque Virgo princeps*, *delicatus hortulus*,  
 Atque *veri scutum Ihesu*, *lectulusque floridus*,

Sem-



Sempiternae porta lucis, aureum in aethra pro.  
 Haec piorum Stemma Regum, fulgur ardens mentibus,  
 Mite lenimen dolentum, lychnus orbis luridi,  
 Et recludens obserata clauis aethrae limina.  
 Talia inclytus canebat cum suis aequalibus  
 Petrus extollens parentem sempiterni Principis,  
 Qua die emigravit alma Virgo caeli in atria.  
 Haecenus tuum Maria concelebraui decus  
 Prisca vatum scripta perscrutatus, atque interpretū,  
 More apis libantis omneis flosculorum gemmulas  
 Prata per saltusque laetos, hosque praedulces fauos  
 Carminum confeci, alantur queis piorum pectora,  
 Et trahant deuotionis inde succum melleum.  
 Tale quid sponsus sponndit (vt reor) tibi antea.  
 En tibi excudemus (inquit) cum notis argenteis,  
 Quo queas comi decenter, aureas muraenulas.  
 Quod mihi si tempus huius Alma vitae proroges,  
 (Nam potes Gnato annuente) multa adhuc praeconia  
 Concinaui tibi, nec umquam te sonare desinam.





# AD CHRISTVM REDEM- PTOREM GRATVLATIO.



EX Christe tandem ab vmbilicum addu-  
ximus

Opus sacratum Matris in laudem tuae,  
Non Marte nostro, viribus nec proprijs,  
Vestri sed almi numinis praesentia,  
Ductuque nixi, quo soletis optima

Adesse quaeque sedulo inchoantibus  
Uterque Gnatus, & parens piissimus,  
Quod si superstes vita adhuc nobis fuit,  
Vestro fauore freti, & alma gratia  
Pulsare patris inclytam testudinem,  
Profudit oras quem sereni in luminis  
Thebe relictam posteris, tentabimus.  
Aptare plectroque eleganter Dorico  
Nitemur alta Virginis praeconia,  
Norint ut omnes illius praestantiam,  
Decusque celsum, nam videtur barbaris  
Nil interesse hanc, caeterasque foeminas.  
Nitemur huius candicantis syderis  
Facem sequentes, & nitorem praeuium.  
Nam nuncupatur caeruli sydus maris,  
Et stella Matutina, stella regia,  
Incincta crine tota corpus aureo.  
Et luna pleno fulgurans vibramine,  
Quae tetra abacta mentibus caligine  
Vitale lumen suggerit mortaliū,  
Qui saeculum perambulant nocte obsitum  
Tenebricosis inuoluti ambagibus,  
Ruuntque caeco caespite ignorantiae,

Tibi



Tibi ergo grates maximas Rex caelitum  
 Supreme habemus, maximasque habebimus,  
 Matrique sanctae, membra donec spiritus  
 Reget caduca, nec caducis artibus  
 Umquam soluti gratulari in posterum  
 Vobis perenni desinemus tempore.

## AD DEI GENITRICEM.



VENERANDA Virgo mater,  
 Pia mater alma Virgo,  
 Domina aetheris corusci  
 Maria aequor acre vertens  
 Maris in perenne nectar,  
 Redimita luminosa

Face syderum micantum,  
 Redimita corpus alium  
 Rutilus comis rosarum,  
 Hyacinthinisque sertis.  
 Radijs amicta Solis,  
 Iubar aureae venustis  
 Pedibus premens Dianae;  
 Cape tu quoque alma nostrum  
 Soboli tuae dicatum  
 Superum Regi beato,  
 Veluti monile quoddam,  
 Viriamque margaritis,  
 Viridantibusque gemmis  
 Varium poema sertum,  
 Tibi uti perenne nostri  
 Monumentum amoris exstet;  
 Et opem feras benigna  
 Mihi in hacce commoranti


Bb

Regio.



*Regione mortis atrae.  
Nec adesse denique hocce  
Mibi saeculo emigranti  
Renuas, sed ipsa praesens  
Animam hanc misellam in oras  
Facias venire caeli  
Nitidas, ubi te aperte  
Videam, tuamque claram  
Faciem videndo carpam  
Sine fine gaudium omne.*

IN DIVVM LAURENTIVM  
MARTYREM.



*EMO te sacro fidei vigore  
Magne Laurenti statuit trophaeum  
Clarius, victo graviore monstro  
Hostis acerbi.  
Quippe vesanam Decij iubentis  
Prua fregisti rabiem tyranni,  
Mente conantis solida mouere  
Te sacer Heros.  
Sed nec insani ferientis ictus,  
Nec truces flammae, calidaeve prunae,  
Dira nec cratis superare pectus  
Nobile quivuit.  
Igne flagrabat lacerum flagellis  
Corpus aeratis, radijs amoris  
Intus ardescit iuuenis beati  
Magnanimum cor.  
Cor pium sancti facibus calor  
Christus accendit pugilis ministri,  
Crate distentos male torret artus*

*Tortor*



*Tortor iniquus.*

*Sed sacer feruor fidei vigentis  
Ridet ardorem cruciantis hostis.*

*Nulla vis nixum pietatis alta*

*Decutit arce.*

*Taleque examen nitidis piorum*

*Agmen explorat thalamis locandum.*

*Aurifex fuluum quoque tentat aurum*

*Indice tali.*

*Acre certamen superum frequentes*

*Mente spectarunt alacri cateruae,*

*Atque victori capiti cornusca*

*Serta pararunt.*

*Martyr o Christi generose salue,*

*Ter mihi salue, proprios Quirites*

*Sospita, sedemque tuere magni*

*Praesulis almam.*

HYMNVS IN BEATVM PATERIVM  
Episcopum Brixien. versu Choriambico.



*VBLI MEM Pateri progenies pia*

*Debemus meritis tollere laudibus*

*Virtutem proprii praecipui patris*

*Hac saltem celebri die.*

*Antistes patriae qua subit inclytus*

*Nostrae caelicolum templa micantia,*

*Nobis exuias corporis aureum*

*Linquens depositum sacri.*

*Hic est qui Domini fodit amabilem,*

*Et scite excoluit vineam, vt huberes*

*Possset perpetuo tempore fundere*


*Foetus palmite fertili.*

Bb 2 Hic



Hic pavit pecudes prata per herbida  
 Pastor syderei Regis, & improbos  
 A sacris gregibus distinxit lupos  
 Semper peruigil excubans.  
 Quis fari valeat quot mala pectore,  
 Quot forti retulit mente molestias,  
 Dum carum adsereret clade peculium  
 Mandatum fidei suae.  
 Sic dignus superis coetibus inferi  
 Ornandus viridi tempora laurea  
 Migrasti rutilo sydere pulchrior  
 Magni in concilium Dei.  
 Hinc sodes famulos respice supplices  
 Lactatos vario turbine saeculi,  
 Et diris trepidos solue periculis  
 Nos Heros patriae decus.

IN SANCTAM MARTYREM  
EUPHEMIAM.



ANAMVS inuictum decus  
 Nostrae patronae Euphemiae,  
 Quae dimicans viriliter  
 Palmae est adepta gloriam.  
 Haec oppido Chalcedonis  
 Prognata claro stemmate  
 Addicta Christi legibus  
 Elisit hostis impetum.  
 Prisci minacis, barbari,  
 Puella inermi corpore,  
 Sed spiritu sacro potens,  
 Christique amore candido.  
 Nec poena simplex arduas

Sum-



Summi reclusit aetheris  
 Fores beatae Martyri,  
 Sed multiplex, atrox, noua.  
 Nam flagra, & atrum carcerem,  
 Ignem, rotas, sartagine,  
 Vicitque denteis asperos  
 Serrae, ferarumque acrium.  
 Sic laureanda duplici  
 Victrix corona deferis  
 Tandem profana saecula,  
 Adisque sponsum virginum.  
 Sponsum perennem, maximi  
 Gnatum Parentis vnicum,  
 Quem deprecari pro tuis  
 Virgo velis clientibus.

## IN EAMDEM.



**N** C tuis festis Euphemia adsis  
 Cantibus vultu radians sereno,  
 Et feras pacis, veniaeque nobis  
 Munera caelo.  
 Atque vt immitis lanij furorem  
 Rite contempta nece contudisti,  
 Et decus certans solido tulisti  
 Pectore palmae.  
 Sic tua nobis prece sospitali  
 Impetra, vt virus superemus atrum  
 Anguis antiqui, rapidasque technas  
 Mente fidei.  
 Sicut immanis domuisse poena  
 Nulla primaeno potuit puellam  
 Flore pubentem, rabiesue dira

Hostis



*Hostis acerbi.*

*Sic viros mollis capiat voluptas  
Nulla barbatus, nec opum cupido,  
Nec malus liuor, vehemens vel aestus*

*Ambitionis.*

*Ut Ducem fidi comites secuti  
Inclutam caeli subeamus arces,  
Hoste deuicto Stygio, petulca*

*Carne subacta.*

*Patris excelsi veneremur alium  
Numen, & Gnati decus, & superni  
Spiritus, cuius inbar vniuersum  
Permeat orbem.*

TYPOGRAPHVS AD LECTOREM.

**V**T nequis nos incuriae, aut negligentiae arguat, impresso iam opere, quasdam lectionum varietates (prout in Graecis fecimus) ex manuscripto excerptimus, & eas cum paucis quibusdam mendis, quae in excusum irrepsent, hic retandas curauimus.

Pag. 19. in quibusdam libris irrepsit Tonannis pro Tonantis.

- 21. vers. 21. insignibu; pro insignibus.
- 23. vers. 10. al. Sic eam tribus decebat testibus laudari.
- 43. vers. 10. caeli in arcem tendere. al. emicare in aethera.
- 45. vers. 3. corporali tegmine. al. corporis velamine.
- 64. vers. 2. saepia vna fulget, al. stellata fulget.
- 77. vers. 2. vt ante, pro vt ante.
- 86. vers. 28. cladium ingruentium. al. & malorum turbine.
- 100. vers. penul. corporis gestamine. al. velamine.
- 112. vers. 11. hanc Minernae, pro Mineruae.
- 116. vers. 17. Virgo super sydera. pro Virgo supra sydera.
- 119. vers. 4. ex ea conflatur vnguen, &c. al. ex ea vnguen suae confit, quo genus mortalium vitae odore recreatur, sanctitate commitur.
- 145. vers. fausta Aedon, al. blanda Aedon.
- 156. vers. 12. os iufans, pro infans.
- 167. vers. 10. tantum virorum, &c. al. posset virorū tot parasse milia.
- 168. vers. 9. Ferreus quem arguisset, al. prodidisset.
- 171. vers. 34. Sed prius consideremus. al. Sed prius dignum relatu.
- 173. vers. 13. Virgini cohaeret vni, &c. al. Virgini aptus haeret vni, & vni inest penitissimum.
- 181. vers. 28. esse lympi dissimum. al. esse purum, ac lympidum.

**Laus Deo Opt. Max. Beataeque semper  
Virgini Matri Mariae.**



199

REGESTVM.

A B C D E F G H I K L M N O P Q  
R S T V X Y Z Aa Bb

Omnia sunt folia integra.



R O M A E

*Excudebat Franciscus Zanettus.*

*M. D. LXXVIII.*



200384

f circa fine

πρὸς Ἰννοκέντιον ἰδιόγραφον ρώμιον ἑπίσκοπον.

ἔρ: καὶ προέβην θαυμάσιαν οἰκονομίαν ἡρώδης -

μετέπειτα ἀπεροήσας καὶ ἀλγίστην ὑπὸν

καὶ πλεονεξίαν ἐκείνου ὑπὸν ἡρώδης.

Α Β Γ Δ Ε Ζ Η Θ Ι Κ Λ Μ Ν Ο Π Ρ Σ Τ Υ Φ Χ Ψ Ω

Α Β Γ Δ Ε Ζ Η Θ Ι Κ Λ Μ Ν Ο Π Ρ Σ Τ Υ Φ Χ Ψ Ω

Omnia sunt bona inquit.



R O M A N

Exemplar Transmissum

M. D. LXXIII



KONSERVIERT DURCH  
ÖSTERREICHISCHE FLORENZHLFE  
WIEN

005643468